

# SAMITUCHODA SANUYADA MATEVU JESUCRISTUNCHIY

**Jesucrístu munatyavay**  
(*Dúcasiy 3.23-38*)

**1** <sup>1</sup>Nutyuramusiy sundayada  
Jesucrístu jiryatiy Davyíbe judébinj,  
Avurábay judébi jarye risajuni.

<sup>2</sup>Jesucrístu munatyj Avurábay jíta  
detuyadanj Isácubay, jadchintyi  
Isácubay detuyadanj Jacóbubay,  
jadchintyi Jacóbubay detuyadanj  
Judábay, sataryivedabay jarye yisaju.

<sup>3</sup>Jadchintyi Judábay detuyadanj  
Várvisibe, Sárabay jaryentiy nadimu  
Tamárajube, jadchintyi Várvisibe  
detuyadanj Esrúmibe, jadchintyi  
Esrúmibe detuyadanj Arábay. <sup>4</sup>Jadchi-  
ntyi Arábay detuyadanj Amyinadábebe,  
jadchintyi Amyinadábebe detuyadanj  
Nasúbay, jadchintyi Nasúbay  
detuyadanj Sarumúbay. <sup>5</sup>Jadchintyi  
Sarumúbay detuyadanj Boósibe nadimu  
Raábijube, jadchintyi Boósibe  
detuyadanj Jobénubay nadimu  
Rúdijube; jadchintyi Jobénubay  
detuyadanj Isayíbe. <sup>6</sup>Jadchintyi Isayíbe  
detuyadanj Davyíbe jiryatiy jamu  
nutyityu savichanuyada.

Jadchintyi Davyíbe detuyadanj  
Sadumúbay nadimu Uríyasibe vaturube.  
<sup>7</sup>Jadchintyi Sadumúbay detuyadanj  
Robovábay, jadchintyi Robovábay  
detuyadanj Abíyasibe, jadchintyi  
Abíyasibe detuyadanj Asábay. <sup>8</sup>Jadchi-  
ntyi Asábay detuyadanj Josavátubay,

jadchintyi Josavátubay detuyadanj  
Jorábay, jadchintyi Jorábay detuyadanj  
Jusíyasibe. <sup>9</sup>Jadchintyi Jusíyasibe  
detuyadanj Jotábay, jadchintyi Jotábay  
detuyadanj Acásubay, jadchintyi  
Acásubay detuyadanj Esequíyabay.

<sup>10</sup>Jadchintyi Esequíyabay detuyadanj  
Manasésibe, jadchintyi Manasésibe  
detuyadanj Amúbay, jadchintyi Amúbay  
detuyadanj Jusíyasibe. <sup>11</sup>Jadchintyi  
Jusíyasibe detuyadanj Jeconíyasibe,  
sataryivedabay jarye  
riyyatatyadedanumatiy Judíyuveda  
mityasimiy Babinóniya mucadimuju riy.

<sup>12</sup>Babinóniyamuju jatedivasiy jíta  
sadetuyada Jeconíyasibeñi Sadatyé  
rubay, jadchintyi Sadatyérubay  
detuyadanj Sorobabénubay. <sup>13</sup>Jadchi-  
ntyi Sorobabénubay detuyadanj  
Abiyúbay, jadchintyi Abiyúbay  
detuyadanj Edyaquúbay, jadchintyi  
Edyaquúbay detuyadanj Jasórubay.  
<sup>14</sup>Jadchintyi Jasórubay detuyadanj  
Sadócubay, jadchintyi Sadócubay  
detuyadanj Aquúbay, jadchintyi Aquúbay  
detuyadanj Ediyúbay. <sup>15</sup>Jadchintyi  
Ediyúbay detuyadanj Edyasárubay,  
jadchintyi Edyasárubay detuyadanj  
Matábay, jadchintyi Matábay  
detuyadanj Jacóbubay. <sup>16</sup>Jadchintyi  
Jacóbubay detuyadanj Jusíbe, nítiy  
vicháda Maríyajube vanubay.  
Maríyajube jíta detuyadanj Jesús  
jiryatiy rütachara Jüdeni jaryetinj.

<sup>17</sup>Ramuní vudyi riva vuyajuy detuyada, daryajuy detuyada ranchaju Avurábamyusiy, Davyíbe saraju; daryaday Davyíbemyusiy Babinóniyamuju jatedasaraju ravichada vuyajuy detuyada, daryajuy detuyada ranchajuntiy; jachintiy Babinóniyamuju jatedamusiy, Judenu jaryeti rupedasaraju, ravichada vuyajuy detuyada, daryajuy detuyada ranchaju.

**Jesús pira rupedanchiy**  
(Dúcasiy 2.1-7)

<sup>18</sup>Jesucrístu pira rupeda jita vichanuyada daryá: Sajamuryuyadanumatiy Maríyabañi Jusíbe, netimyu nanuvichada vataju didye, samudasiyada jita Judenu Jnutumusiy variy. <sup>19</sup>Savanubay Jusíbe jita, jiryatiy savichanuyada vase jvaarya, ne santaniryuyada vijyomujachení jivyaturabay Maríyabay. Ramuníday sajachipiyajada: “Ratochiy dutyadamusiñi.” <sup>20</sup>Darya sajachipiyajadamu jita, mityamusiy samutijada Judenu jpanu samaryisadamu Jusíbe yimu, suteda variy siva: “Jusíy, Davyíbe judébi, ne yasuvuy jmutyajada yisajuni Maríya jivyaturaju, tapi samudasiityi Judenu Jnutumusiy. <sup>21</sup>Saday rupachuni jidyenu, yama bay variy sityajura Jesús jiryatiy vuryítay Vuryeyada Ráñu, tapi niníday raramityaniy jinijyanvavyara jiyuuchaveda.” Darya suteda Judenu jpanu siva Jusíbe.

<sup>22</sup>Ravichanuyada jita titaju daryá, ratidye jtotanichara Judenu niquejada, jiryatiy jityuchoda saju tuchubay jtosirya:

<sup>23</sup>“Jiryajnuy, samudasiichara jita vatura jútu, sarupachu variñi jidyenu. Riryantacharara sitya Emanuvé, ratatiy vuryítay: Judenu vuryisa.”

<sup>24</sup>Sidyoadanumatiy Jusíbe, sivaayada jita daryatiy suteda Judenu jpanu sivara, sumutyajada variy yisajuni vatura. <sup>25</sup>Ne sajatyojada jita saniy, netimyu ne sarupachoda dinñi jidyenu didye. Sarupedanumatiy sadenu sabayada jita variy sityajura Jesús.

**Rijeñuyada nijyanvay datyavay simu Jesús pira**

**2** <sup>1</sup>Sarupedanumatiy Jesús Benímu, savichada jita Jeródesbe jamu nutyityu Judéya mucadimu. Ruutijada jita nijyanvay jaryi datyavay variryundamu, jiñi mutijomusiy Jerusarímu.

<sup>2</sup>Ruutjnuvijada jtajanuvay: “¿Nutyiryani Judíyuvada jamu nutyityu, jiryatiy vadi rupiní, nutyi? Nudyityi daryaju siva sanuya jdarichiy, samutijadamu, nudyiti jita nuñatidye jadasíñu sanachojuyú.”

<sup>3</sup>Satuvachodanumatiy nutyityu Jeródesberya, paruchariy savichada variy ranchiy, Jerusarí janvabe jarye tuvachoda paruchariy ranachoj sisaju.

<sup>4</sup>Santyeryadedanumatiy Jeródesberiy caserdótevyeda nutyityumibe, Judenu niquejada datyanuvabe jarye ruusaju, nijyanvay cabyimusiy, sitajadoda variy jasiryi: “¿Tená sarupachara Judenu jaryeti, Vuryeyada Rayasi, te?”

<sup>5-6</sup>Rumutyajada jita variñi: “Tená Benímu, te, jiryatiy Judéya mucadimura, tapi darya nucharavitya Judenuju tuchubay niquejadamura:

Ji Bení vichada, ne jivyichasara tamitya pasi vichada, Judéya mucadi vichada cabyiva, nutyityumiy diya; tapi yimusiy jita sasipyatay nutyityu nitiy ransucharariy rañijyanvay, jiryatiy Irayénuvada daryi.”

<sup>7</sup>Jadchiy jita sanatutyadeda Jeródesbe nijyanvañiyaresiryi jañuvye jaryi datyavabe. Sani jiyasantada jita variryi: “¿Nutyeryivy samutiti jiryatiy sanuyati

variy jdarichiy, nūtyeryivye?”  
Rityuchoda jīta variy sivara. <sup>8</sup>Supajada  
jīta Jeródesbe variy Benímu riy:  
“Jiryadatyanuve samiy jiñu deranchiy.  
Jiryānumatīy diy siva, jiryatūchosiy  
variy riva, raṭidye jadasīñu  
sanāchojuntidyerye.”

<sup>9</sup>Rityuvāchodanumatīrya Jeródesbe  
niquejada, riyāda jīta variy jadchīy.  
Jdarichiy jīta, jiryatīy ridyītyi siva  
samūtījadamu, rañī jiyāda jiyanti  
rimyomusiy, jasītyi saradeda sīyu  
derapudera. <sup>10</sup>Ridyīyadanumatīy siva  
jdarichiy, riichanayāda jīta jaryi  
yichanayadamu. <sup>11</sup>Rijeyadanumatīy  
rorivyīmu sanācho, ridyīyada jīta siva  
dera, sunōda Marīyajūbe jarye yisaju.  
Riryeyāda jīta mucomu, riryādasīdyoda  
sanāchoju variyu. Rimyuttāda jīta  
varīrya jībejyo, runṭatyāda variy sivara  
sāchāra jaryi murichetara: órūtera,  
vurudijuru, vurudirīcha jarye risaju.  
<sup>12</sup>Rimeryīśadamu jīta sadatyadoda  
Jūdenuy: “Ne jiryatārya simuju  
Jeródes,” tanūvanuma rityeryāda variy  
jimyucadimuju day.

#### Nanubayada Jesús jajyūbe Ejíptumuju

<sup>13</sup>Rityeryādanumatīy nijyanvay  
datyavabe, mityamusiy samūtījada  
Jūdenu jpanu Jusibe marīyīśadamu  
yīmu, sūteda jīta variy jasīy siva:  
“Yanuma nubesumiy, yanuma bay  
Ejíptu mucadimuju, yapūchīy rumunī  
dera, sunōda yisaju. Yamā mācho rumu,  
jasītyi raṭūchu yiva, tapi sanuma vāta  
Jeródes sanācho dera, sūvedaju.”

<sup>14</sup>Sanubeseda jīta Jusibe nupora,  
sapūcheda jītanī dera, sunōdabay yisaju,  
sayāda jīta variy Ejíptumuju. <sup>15</sup>Jasiñuma  
rimēchojada Jeródesbe diiyadasaraju,  
raṭidye jtotanīrya Jūdenu niquejada,  
jiryatīy sūteda jījyu tūchūbamyusiy:

“Ejíptumusiy jīta rañatумыñī  
radyenu.”

#### Sūvatyadeda Jeródesberyi deramidryera

<sup>16</sup>Jadchīy jīta, sadatyādanumatīy  
Jeródesbe: “Riquivūchumā nijyanvay  
datyavarye,” saniqueyāda jaryi variy,  
supajada varīryi sūtarumibe, riryātidye  
jvaryi deramidryera tītaju jiryatīy  
vaduryi, danīyājūtyavay saraju tītaju,  
jiryatīy rivyichanuyāda Benī juro tītaju,  
daryatīy sadatyāda Jeródesberya dera  
rupeda runda, nijyanvay datyavabe-  
myusiy. <sup>17</sup>Ritōtadedāda jīta rata varīrya  
Jūdenuju tūchūbay niquejada, jiryatīy  
Jiryīmīyā jtyatūbay savichanuyāda:

<sup>18</sup>“Rityuvāchusarara nanānsāda Ramá  
vichadamu, jñayāda jaryi,  
sañeyajadasuma jarye, jiryatīy  
nanunuvachāra Raquédajuryi  
jīdyedyēñuju. Ne  
nanuparuryūyāda riva nuvayāda  
rinchīy, jiryatīy diivyeñuma  
daryaju daryi.”

Darya saniquenuyāda Jiryīmīyābay  
tāryi.

#### Nanūtāryajada Jesús jajyūbe Ejíptumusiy

<sup>19</sup>Jadchīy jīta, sadiiyadanumatīy  
Jeródesbe, mityamusiy samūtījada  
Jūdenu jpanu variy simu Jusībentyi,  
samāryīśadamu, Ejíptumuntīy. <sup>20</sup>Sūteda  
jīta Jūdenu jpanu siva: “Yanubesumiy,  
yanuma jiyata dañī derapude day,  
sunōda yisaju. Yejiya variy Irayénūveda  
mucadimuju, tapi sadiītyīmā nītyi rañī  
vātānuyāda sanācho derapu, yivedaju.”

<sup>21</sup>Sanubesubeda jīta Jusibe variy,  
sayatādānī derapu, sunōdabay yisaju,  
sitōjada jīta Irayénūveda mucadīmu.

<sup>22</sup>Satuvāchodanumatīy Jusīberya  
saṭicheyāda: “Sajamā Arquedāvu  
nutyītyūju, Judéya mucadīmu, jījyēbe  
Jeródesbe jūbivaju,” sasuvūyāda  
Jusīberya jtījada Judéyamu.  
Sadatyādanumatīy Jusibe  
jimeryīśadamu ne rājiya Judéyamu,

sanumuteda variy Cadidéya juroju.  
<sup>23</sup>Títajunuma sayada variy Nasaryému vichadaju day. Ramusiy sitotadeda jítara Jüdenuju tuchuvabe niquejada, jiryatiry riryajtachara Nasaryémusini.

**Juán Bautístabay tuchodara Jüdenuniquejada mityatomu**

(*Márcu 1.1-8; Dúcasiy 3.1-9, 15-17; Juán 1.19-28*)

**3**<sup>1</sup>Variryundamu jíta sudededa Juán Bautístabay tuchü Judéya mityatomu. <sup>2</sup>Saniquejada jíta: “Jiryaparuy riva vacha jachipiayajada, jiryatiry ratuudiñuma Jarichumuvichí nusuyada nijyanvay jachipiayajadamu.”  
<sup>3</sup>Juán Bautístabaynchiy jíta satuchoda Jüdenuju tuchübay Isayiyasiy jtyatibay, jiryatiry saniquejada:

“Tí tjaníte natuye tajityomudaque: Yanuma jdutya jityajura nú Vuntiyitujiju, vasenu yabarya nú sajiyu.”

<sup>4</sup>Juánbay jíta jachodara jasijasityera jvaachara jichujay yiva, caméllujasityera jvaachara. Sapuchoda jítara jicyannujay caméllu jatyera. Sijmyisi jíta vichanuyada vindya ruvá, to quisijya jarye sisaju. <sup>5</sup>Jadchiy jíta rudededa nijyanvay simu Juánbay Jerusarí janvavyedabay, Judéya mucadijanvavyedabay ruusaju, Jurdája juro vichavabe jarye titaju.

<sup>6</sup>Riityuñuyada jíta simu Juánbay Jurdájamu riñiquejadanumatiry vijyomujachera jiyuuchaveda variy.

<sup>7</sup>Sadiyadanumatiry Juánbay ruuva rajuuvey Varyisévueda tevabe, Saadusévueda tevabe jarye ruusaju, jiryatiry ruutititiryada riryatidyey jtyuy variy simu, suteda jíta variy ruuva: “Codityevay rapuryamiy, ¿chira

datyadosiy jityaju jiryey, chí? ¡Jiryánuma bay rajisiry Jüdenuniqueyada! <sup>8</sup>Daryatiry rajontay ninu, darya jiryajontay samirya vichadamujuntidyey, jiryatidyey dityanu ratara vacha jvaayadiva paruyada. <sup>9</sup>Ne jiryajachipiya jivyimu: Avurábay jíta vumyunatyí, ramutiry sajantyuy Jüdenuniryviva. Rítatye jíta jiryiva: Saryi jude Jüdenu jínu ravichumusiy Avurábay dadyeñuju rityidyey ratuvachu variy simu. <sup>10</sup>Netimyu ne jiryajontay samirya vichadamuju, jiryama datya: Ninu ruvatuununumara jaseé, runusadaju. Ramuniday riryajnura jiryá ninuvicha jiryatimyu ne samirya jorara, riryatidyey jatya jiidamuy variy rivara. <sup>11</sup>Ray jíta jtyanu jaata jiryey, jiryatidyey dityanu ratara jiryepyaryada riva vacha jachipiayajada. Nini jíta jiryatiry sajti ribivaju savichasara jaryi datyara rimusidyey. Ne vinu sasaapatu jtodasara ntate daryey. Nini jíta rajtyanu Jüdenunututa jiryedyey, jiidatya jaryey risaju. <sup>12</sup>Sapapetyu variy jiyjyomu, satidyey jupay varirya yivaajyo, sajato varirya rasiy rabajyovimuju, raquisuy jíta sarupay jiidatya jiryatimyu ne vanay jirichasarara.”

**Jesús jtyuyadanchiy**

(*Márcu 1.9-11; Dúcasiy 3.21-22*)

<sup>13</sup>Jadchiy jíta sudededa Jesús Cadidéyamusiy, Jurdája tuudiche, satidyey jtyanutaniy jasiy Juánbayu. <sup>14</sup>Juánbay rañi jubayada sajisidyerya: “Rañi jíta raryi jtyuy yimu. ¿Taraju yiniy variy rimu, taraju?” <sup>15</sup>Sumutyajada jíta Jesús variñi: “Ne, daryanuma racha day, daryanuma vuryajtotaniy titaju Jüdenu jtedamuju darya.” Sumutyajada jíta Juánbay variy jtyadodajuni Jesús. <sup>16</sup>Sityuyadanumatiry Jesús, sasipyateda

\* **3.12** Sütarya rasiy yimu tuvachuvajyu, raquisuy jíta sütay rijyu jiryatimyu ne rityuvachuruy simu.

jita varicharaju jaamusiy, mityamusiy raseteda jarichu variy, sadiyada jita siva Jüdenü Jnutu variy, nutyu jarityude sajüujeyada variy sivaju. <sup>17</sup>Mityamusiy rarayada niquejada jarichuvimusiy variy simuntiy: “Jiñu jita radyenu jaryi ravyatasi, jaryi rıchanatıyateni.”

**Bayantu nutyityu  
juuchanuruyadani Jesús**  
(*Márcu 1.12-13; Dúcasıy 4.1-13*)

**4** <sup>1</sup>Jadchiy jita sayatasubeda Jüdenü Jnutu tajityomuju variñi Jesús, jasityidyede sani juuchanuruyada bayantu nutyityu variñi. <sup>2</sup>Sinrada jıtara jmyichara variy, daryajuyyu vuyajuy rundasaraju tıtaju, sajachıjada jita variy rivasiy. <sup>3</sup>Sıtıjada jita Juuchanuruñu variy, suteda variy siva Jesús: “Jiñıchatiy sıtenü Jüdenü denu, yajtay ruuva jıvyede ravichumi, rıryatıtuy pajoju.” <sup>4</sup>Sumutyajada jita Jesús variñi: “Ne, nücharanuma Jüdenü niquejadamu daryaju darya: Ne sajnüchara nijyami ne vinu pata, sajnüchara jita Jüdenü niquejadata, tıtaju jıryatıy sıtachara nüjyura.”

<sup>5</sup>Jadchiy jita sapücheda bayantu nutyityuni Jesús Jerusarımuju, jıryatıy rıtachara Jüdenümü jııntyasarara vıchada. Saranıyanıñuvejada Jüdenü rorıvyu nrodencha variñi. <sup>6</sup>Suteda variy siva: “Jiñıchatiy sıtenü Jüdenü denu, yajatyate mucomu jııcyu, nüchara daryaju darya:

Sajpa Jüdenuriy yıpavay rıryatıdyede jnıtya ji, jadchintıy:  
Rıryajıryesumi yijyomututa ji,  
jiñuma jpatyara jıñumutu sani ravıchı.”

<sup>7</sup>Suteda jita Jesús variy sıvantıy: “Nücharanuma Jüdenü niquejadamuntıdyerya:

Ne yajantya mitya simu yıntyityu Jüdenü.”

<sup>8</sup>Sayatada jita bayantu nutyityu junay jamu musiquisumanchajuni Jesús, sani dıtyadoda variy tıtaju nijyanvay mucadını, mucadı sıtyeryasaraju tıtaju, rádá jarye risaju. <sup>9</sup>Suteda jita bayantu nutyityu variy siva Jesús: “Raryı say jıırya jırya tıtaju, jııryıtyı jadasıñu rañıjyü ji.” <sup>10</sup>Jadchiy jita suteda Jesús siva: “ıYabatıyede jıyusıy Satanasıy! nücharanuma daryaju darya:

Vuryajadasıñu jita Vıntyityu  
Vuryındenu nijyü vuy, vinu sanıjyü nıday vuryajachıpiyasara tıtaju.”

<sup>11</sup>Jadchiy jita, satocheda bayantu nutyityuni Jesús. Mityamusiy ruutojada Jüdenü jıpavay simu, runımyanıyada variy jasıñı.

**Jesús jotada jvaayada Cadidéyamu**  
(*Márcu 1.14-15; Dúcasıy 4.14-15*)

<sup>12</sup>Satuvachodanumatıy Jesús: “Rııtyemañı Juán Bautısta tanuvunıjovımu,” sanumuteda jita variy Cadidéyamuju. <sup>13-16</sup>Sasıpyateda jita Nasaryemusiy, savıchanuvejada Capernavúmu, jıryatıy jımyıto jıdora, jıryatıy ravıchanıyada Saburó jurırya vıchajo, Nejtadı jurırya vıchajo jarye risaju, ratıdyede jtotanırya Jüdenüju tıchıbay nıquejada, Isayıyasıbe nıquejada:

“Saburó jıytara mucadımu, Nejtadı mucadımu jarye, jıryatıy jımyıtojıdora, Jurdája rudamyu jarye, Cadidéya mucadı tıtaju jasıtyı rıvyıchasara nijyanvay jıryatımyu ne Judıyüveda daryı, rumu vıchavajyuu tıtaju jıryatıy rıvyıchasara juuchüveda nıpocudımu, rıñı dımya jita rıva nõnõsuma, ratatıy rıryadıtyara Jüdenü ramıtyadeda; rasachama rıjyü rıtyı vıchasara dııyada nüvachıy jare, jıryatıy rıvyıcha-

sara diiyasavay.” Daryani suteda Isayiasibe tariy.

<sup>17</sup>Jadchiy jita sajotada Jesús datyadoda: “Jiryaparuy riva vacha jachipiyajada, jiryatiy ratuudiñuma Jarichumuvichi nusuyada jiryenechoju.”

**Jesús natuyada jichiityarijavayu riy  
dañujuy riicyanuvay**  
(Márcu 1.16-20; Dúcasíy 5.1-11)

<sup>18</sup>Sarupiyadamu Jesús, jiryatiy sarupiyada Cadidéya jmytyo jido, sadiyada nadiva danujuy nuñi taryijuy. Tiqui savichada Siimyóbay jiryatiy rutanuyada Pytrubantyni, sataryi vichada Antrésibe. Nanujatyanuyadara jiryiicya jmytyomu jiryatiy nanuvichada riicyanujuy. <sup>19</sup>Suteda jita Jesús variy nadiva: “Jiyuju, risijyu, jiryatiy rabay sada nijyanvay jurisanujjuy, riryatidye tuvachu variy simu Judenu. Ne sanajuriñi quivanunday.” <sup>20</sup>Nanutocheda jita varicharajura jiryiicya, nanusiityarijjada jita variñi.

<sup>21</sup>Sayada jita Jesús jadchiy rayadadejuntiy, sadiñuvejada nadiva tanujuy nuñi taryijuntiy, Santiyácujube, sataryi Juánbatya, jiryatiy Sebedévubay denujube nada. Nanuvichada riicya curuchuvañujuy jiyjebejsa cartyevimu. Sanatuyada jita Jesús nadantiy. <sup>22</sup>Nanutocheda jita varicharajura cartye, nanujabe risajuntiy, nanusiityarijjada jita jadchiñi Jesús.

**Jesús datyadoda riy rajuuvay nijyanvay**  
(Dúcasíy 6.17-19)

<sup>23</sup>Sadatanunumayajada jita Jesús Cadidéya mucadiva titaju, riintyeryanijyovimu, satuchutityadara samituchoda Judenu nusuyadanchiy. Samisaniñuyada riy jdivajnuvay titaju, titaju rityi vichanuyada vadiiryovay nijyanvay cabyiva. <sup>24</sup>Rarayada jita saticheyada variy Síriya mucadimu

titaju. Ripyucheda variy simuju riy titaju jdivajnuvay jiryatiy jaryedo jdivajadatavadyeryi, nuvadavye, jurichiniñiy jarye ruusaju, jatamyi jarye, rityi vichanuyada bayantutavay yiva titaju. Samisadeda jita titaju variryi. <sup>25</sup>Richiityariñuyada jita nijyanvayuu variñi, jiryatiy ruutjjada Cadidéyamusi, Decápudimusi, Jerusalímusi jarye risaju, titaju Judéya mucadimusi, Jurdárudamusi jarye risaju.

**Jesús datyadoda jamumusíncha**

**5** <sup>1</sup>Sadiyadanumatiy Jesús ruuva nijyanvayuu, sasubeda jita variy jamumusivya. Samasanuvejadanumatiy, rityuudiyada sisa datyavay variyu. <sup>2</sup>Sajotada datyadoda variy jasiryi.

**Muvyerya riñicha Judenu  
jmytyasavay, muvye**  
(Dúcasíy 6.20-23)

- <sup>3</sup>“Judenu jmytyasavaryi rityi datya jivyichasara jantyuanimiy yintumu, tapitya rijyu jita ravichasara Jarichumuvichi nusujyo day.
- <sup>4</sup>Judenu jmytyasavaryi nuvavye, jiryatiy sajmytyasara riñuvayada-jisiyu.
- <sup>5</sup>Judenu jmytyasavaryi sabora jachityavay, jiryatiy riryajmytyara mucadi jiyaruryaju.
- <sup>6</sup>Judenu jmytyasavaryi jiryatiy rivyichasara jachivay, jchumvye jarye, samirya jachivyeda vichasadajjyu, jiryatiy riryecha potyadimiy Judenu jtedamuju.
- <sup>7</sup>Judenu jmytyasavaryi jantyutyavay, jiryatiy riryecha jantyutyasavay.
- <sup>8</sup>Judenu jmytyasavaryi jiryatiy puchara jachityavadyeryi, riryadichara daryaju siva Judenu.

- <sup>9</sup> Jüdenü jmutyasavaryi rityi datyasara jdutyadara niqetyada, jiryatiy riryajtachara tavay rinchiy: Jüdenü dadyeñu daryi.
- <sup>10</sup> Jüdenü jmutyasavaryi jiryatiy rivyichasara jarupantasavay vase vichasada jiyadaju, tapitya rijyu jita ravichasara Jarichumuvichi nusuyada day.
- <sup>11</sup> Jüdenü jmutyasavay jita jiryenicha riryanutatiy javityiye nijyanvay rayadasiy jiryey, riryanutatiy jarupanta jiryentyi, jiryatiy riñiquesara vacha tuchoda quivuyadamu jiryenijyuntiy.
- <sup>12</sup> Jiryajchanayasiy jaryi jchanavye, jiryatiy jamurasuma racha jiryemyurichenusada jarichumu. Darya niday rivyichadeda nijyanvay daryajuriy Jüdenüju tuchuvabe tariy, jiryatiy jiryemyunatyavaryi, rivyichada Jüdenü jmutyasavay ruqosiy varintiy.”

**Jesús datyadoda: “Jüdenü siitaryivay ranicha nutyu tiviy nta, nutyu nono nta jarye, mucadimu vichavajyu”**  
(*Márcu 9.50; Dúcasíy 14.34-35*)

<sup>13</sup>“Jiryenicha nutyu tiviy jiryay mucadi janvaju; varityi jita raryi baryi rativyijyuvyeda, ¿nutyuramusina vuryi tarataniy tiviyjyuryajuntirya, nutyuramusiy? Ne samirya tarajunudarya, vinu jatyadajura, riryaraniyechara nijyanvay jasirya.

<sup>14</sup>Jiryenicha nutyu nonoda jiryay mucadijanvaju. Ne vanay ridyutya ntara jamu vichada jiryatiy musiquincha jvaacharara. <sup>15</sup>Dantyamuy ne riryupay nijyanvarya jiñonosiiy riryatidye mutanu tarata varirya. Ribechara jita rabajyonchayu, jasityi ranononuy rijyu rorimyu vichavay titaaju. <sup>16</sup>Ramuni jiryanononutyanirya jiñono nijyanvay diya, riryatidye jnurya jiryevyichada

samirya, riryajchanatyay variñi Vujye, jiryatiy Jarichumuvichini.”

**Jesús datyadoda Jüdenü jtedanchiy jiryatiy sabayada samiy vuryinuyadajura**

<sup>17</sup>“Ne jiryajachiya raynchiy: Sani jnichara satidye parutara Jüdenü jteda, jiryatiy supajada Muyusésibemyusirya, varimyata jiyu tuchuvabe jtosi. Ne riniiy parutadajura, riniiy jita ratidye jtotanirya. <sup>18</sup>Ritatye jita sitenu daryaju jiryiva: Netimyu ne raparutay jarichu, mucadi jarye risaju didye, ne raramiy mitya Jüdenü niquejada nuchara teradera, mitya, raday jtotanimyu chara titaajura. <sup>19</sup>Ramuni minityi raryi rrachura Jüdenü niquejada teradera jiryatiy pasidye vaju nta darya, saryityi datyanusara darya rrachodariy nijyanvantiy, riryajtachara ruqosiy sanchiy: Niday vichasara tamityi Jarichumuvichi nusujyomu. Nini jita jiryatiy sitotanirya, sadatyanusara varintiyirya, riryajtachara sanchiy: Niday vichasara jaryiñu Jarichumuvichi nusujyomu. <sup>20</sup>Ritatye daryaju jiryiva: Netimyu jiryevyichasara vase vichavavyaju ruumusiy Jüdenü niquejada datyanuvay, Varyisévuveda jarye ruusaju, ne jiryajay Jarichumuvichi nusujyomu variñuday.”

**Jesús datyadoda niqueyadanchiy**  
(*Dúcasíy 12.57-59*)

<sup>21</sup>“Jiryetyuvachuma jita nutyura suteda Jüdenü ruuva vumyunatyavay, nutyu: Ne vuryajvay ti. Minityi jvay ti, saryi jmutyara ramurichirya varyi ruqosiy. <sup>22</sup>Ray jita jtay jiryiva: Minityi niquey riñijyu jityevay nijyanvay, saryi jmutyara ramurichirya ruqosiy varintiyidye. Nitiiy javityiyeryi jityevay, saryi nta jiya cadnadumu, satidye jmutyara ramurichirya; ni jarye jiryatiy sajatyara vacha niquejada riñijyu jityevay, saryi nta

jmutyara jiidatyomu jatyasada variy rucosintyidye. <sup>23-24</sup>Ramunítíy, yintatyarunumatirya tara Judenunijyu, jijechipityatiy varirya: Ratyenu jita jachipiya tara vaccha niquejada rañijyu, variñi jita yatojo munatyara yintatyasara, rumutyajomu, yatidye jdutyanuve munatya sisa jityenura, rivasiy jita yajnutatya Judenu nijyura jicheyasara.

<sup>25</sup>Yajachipiya samiy, yatidye jdutya sisa jityuchutirá, yanumaty jiya sisa cadnadumu, sañuma jurityaniy nutyu jimyityasiy nta cadnaduta ji, cadnadu jita rapuchityaniy jivvusetavay variy ji, riryatidye tanuvunu tanuvunujovimu variy ji. <sup>26</sup>Rítatye sitenu yiva: Ne vanay yasipyatay jadchiy netimyu ne yamurichenu tamitya jicyuriquritya jiyadaju didye.”

#### Jesús datyadoda jmuchanutavaynchiy

<sup>27</sup>“Jiryetyuvachuma jita nutyu suteda Judenu: Ne jiryarupi ti vaturujsa. <sup>28</sup>Ray jita jtay jiryiva: Minityi rajnyy vaturuñecho jiñiruyadamu, sani rupimya nadisa jijechimyu. <sup>29</sup>Nutyi raniday jiñisiy nutyityuday rañi care Judenu nújisiy ji, yasitya varirya jiñisityadi, yajatya variy yimusirya. Samiryavaju daryaju jiijyu yacaretanirya taraqui jivyutera, riñuma jatya miryanuvu jiidatyovimuju riva ji. <sup>30</sup>Nutyi raniday jijyomutu nutyityuday rañi care Judenu nújisiy ji, ne jirycharaju, yajatya variy yimusirya; samiryavaju daryaju jiijyu yacaretanirya taraqui jivyutera, jiñuma jti miryanuvu jiidatyovimuju riva.”

#### Jesús datyadoda tovajadanchiy

(Matévu 19.9; Márcu 10.11-12;

Dúcasiy 16.18)

<sup>31</sup>“Suteda jita Muyusésibentyi: Minityi jatyaní jivyatura, sama say caterava nucharani, tochivyí. <sup>32</sup>Ray jita jtay jiryiva: Ti vanu jiryatiy sani jatya nada jivyaturuy,

netimyu naryi rupi ti vanujsa, sajarupanu varirya nanuvichada titaju nijyanvay diya, jiryatiy riryadiy variy nadiva nutyu jmuchanutanuñada. Daryadantiy minintiy jamuñada jatyasany, sajarupanu ratantirya jivyichada nijyanvay diyantiy jiryatiy riryadiy nutyu jmuchanutodati variy siva.”

#### Jesús datyadoda Judenu jtyamu niquejadanchiy

<sup>33</sup>“Jiryetyuvachuma jitantiy nutyu suteda Judenu ruuva vumyunatyavay: Ne jiryatychu quivuyada Judenu jtyamu tara; yama jtotaniy Judenumujura titaju jiryatiy yitay sityamura. <sup>34-35</sup>Ray jita jtay jiryiva: Ne yanique Judenu jtyamu mitya, dantyamuy ne vinu jarichunijyu jiryatiy Judenu masajo daryaju darya, dantyamuy ne vinu mucadinijyu jiryatiy Judenu numutu bajyo daryajura, dantyamuy ne vinu Jerusalnijyu, jiryatiy jamu nutyityu Judenu nijyu jiiintyasara daryaju darya. <sup>36</sup>Daryantamuy ne yanique yinonijyu, jiryatimyu ne vanay yatitunura tajasiqui yinojasiy pupajasijyu, daryantamuy ne vadacujasijyu. <sup>37</sup>Yatiy jтарыу: Jo, mityani yanique: Jo, varimyata yatiy jтарыу Ne, mityani yanique: Ne. Jiryetyi nique ranchaju tara, rani jita bayantu nicyaramyusidyera.”

#### Jesús datyadoda jamirya vichadeda murichenutadedanchiy

(Dúcasiy 6.29-30)

<sup>38</sup>“Jiryetyuvachuma jita nutyu suteda Muyusésibe: Nitiy buchara ti nisiy, riryama bucha rivara sanisintyidye; nitiy jarupanura ti jada jachejo, riryama jarupanu rivara sajachejontidye. <sup>39</sup>Ray jita jtay jiryiva: Ne jiryavanutya sajisiy nicyaray jvaaryayu. Rítatye jiryiva: Saryityi jvay ti jiryentyityuday mayaniy jiryeyju, jiryajanumitya variy sanachojura ratarya mayantiy.



<sup>40</sup>Saryityi jurityaniryuy ti jiryé, saryi sovay jiryimusirya jiryechujay variy, jiryasay jichotájay varintyiñi. <sup>41</sup>Saryityi tiityataniy taraqui kilometrusaraju ti tara jiyu jiryé, jiryama tiitya darajuy kilometrusaraju sajura. <sup>42</sup>Jiryasañi ratiy sajachiñuy ti jiryiva; daryaday ne jiryajbay sajisirya jiryatiy savatatiy ti jiryimusirya tara jityeryatadedaju.”

**Jesús datyadoda: “Vuryantya vatasara riy vumyityasimiy”**

*(Dúcasiy 6.27-28, 32-36)*

<sup>43</sup>“Jiryetyuvachumá jita nutyura ruteda: Vuryama vatani vutyuunuvichi, vumyityasiy jita vuryajavittuy. <sup>44</sup>Ray jita jtay jiryiva: Vuryama vatasara riy vumyityasimiy; vuryatuchu sisa Judenu riyadajuntiy rityi jarupantasara vuy. <sup>45</sup>Daryamusiy jiryécha sitenu Vujye dadyeñu, jiryatiy Jarichumuvichini, daryatiy sanononutyaniñi jiñi jidchavu ruumu nicyaray vichavay, samirya vichavamy jarye. Daryaday supasaranirya rumura jidchavu rinchaju vase vichavantiy, vacha vichavaynchaju jarye ruusaju. <sup>46</sup>Vuryityi vatasara riy, vinu riy, rityi vatada munatya vuy, çtara vuryajmutya ramusiy, tara? Tapi darya riñi jvaavya criquiy jmutyavantiyique, jiryatiy juuchatavaryi. <sup>47</sup>Daryadantiy, vuryityi mchuvachara riy vinu vutyeryiveda, çtara vuryivaay ruumusiy tavay, tara? ¿Ne vuy ruuvaay munuñumiy daryantiy? <sup>48</sup>Ramuni vuryécha jamy samiy vichavay, daryaday savichasara Vujye Jarichumuvichintiy.”

**Jesús datyadoda samirya jvaayadanchiy**

**6** <sup>1</sup>“Jatyí vuryivaarya vase jvaayada, mityatidye riryadiy nijyanvay riva. Ne vurya jmutyara Vujye Jarichumuvichi murichedoda variy riva.

<sup>2</sup>Ramunitiy, vuryanumatyiy say tara riy jantyuanimiy, ne vuryavata ranacho

nijyanvay jchanatyada vijyomujache, jutyeryanijyomu, rupijyomu jarye, nutyu ruuvaay jiryatiy rutuyadamu yivaay Judenu jacharajura. Ritay sitenu jiryiva: Rumutyamumyara ramurichirya. <sup>3-4</sup>Vuryanumatyiy say tarariy jantyuanimiy, ne vuryadatyataniryuy ti ranchiy, ne vinu vuryadatyaryuy vujechimyura, vuryatidye sachara dutyadamusirya. Vujye jita nitiy dichara riva jiryatiy dutyasara darya, niday ramurichenu rivantidyevyuy.”

**Jesús datyadoda nutyuramusiy vuryityuchu sisa Judenu, nutyuramusiy**

*(Dúcasiy 11.2-4)*

<sup>5</sup>“Vuryanumatyiy tuchu sisa Judenu, ne vuryatuchu vijyomujache sisa jutyeryanijyomu, rupijyomu jarye, jasityi riryajnyuy nijyanvay ranacho, nutyu ruuvaay jiryatiy rutuyadamu jijyorachara Judenu jacharaju. Ritay sitenu jiryiva: Rumutyamumyara ramurichirya. <sup>6</sup>Vuryanumatyiy tuchuruy sisa Judenu, vuryajay vuryorichivvymu variy, vuryamutanu varirya rorijyu. Jasiñuma vuryatuchu Vujyejsa, nitiy vichasara dutyasiy. Vujye jita, nitiy dichara riva jiryatiy dutyasara ranicha, niday ramurichenu rivantivyuy.

<sup>7</sup>Vuryanumatyiy tuchuruy sisa Judenu, ne vuryaviñara niquejadajuu mitya, nutyu riryesaachara mamy darya, jiryatiy rijechipiya daryaju: Satuvachuta Judenu rajuura rañiquejadiva ray. <sup>8</sup>Ne vuryajantaryiy darya vichavay, tapitya sadatya Vujye daryajura tara vuyyata. Vujechiñuyadajisiy sadatyadara. <sup>9-13</sup>Daryani jita vuryatuchu variy sisa Judenu day:

Yeye, jiryatiy Jarichumuvichi ji, suvuchara racha yitya. Rama juti yinsuyada; yajvaarya jivyatara jiyu mucadinchantiy, nutyu daryatiy yivaay jarichumuntirya.

Yasay diye jmyichara nuy, jirya rundamuju, ravintye suruy tarundaqui nuy. Yaramityaniy mityara nujuuuchaveda murichirya, daryanj nuryamityaniy mitya nuntyidyerya jiryatiy ridyvivi tavay nuntyidyey. Ne yajaray jantyadamuju nuy, dantyamuy ne yatochiy nuñasiquita ramuyu. Yajantyuy nicyaray bayantujisiy nudiva. (Tapi jiberya jita daryajura nusuyada day, vanuyada jarye, vanda jarye titaju junareju. Daryanuma rachajayasara.)

<sup>14</sup>Tapi vutyi ramityaniy mitya daryajura ricyarayada nijyanvay, daryaday Vujye Jarichumuvichj raramityaniy mityara vucyarayadantidyey. <sup>15</sup>Netimyu ne vuryaramityaniy mityara nijyanvay carayada, dantyamuy ne saramityaniy Vujye mityara vucyarayada varintyidyey.”

**Jesús datyadoda jmyichara jnuradanchiy**

<sup>16</sup>“Vuryanumaty jdera jmyichara, ne vuryadityanu vayivye varivyuy, nutyu riryavatya nijyanvarya jimyo jiryatiy rutuyadamu jidyityanuruy Judenunijyu jachipiyavayu. Riñi vata daryaju riryadatya tavarya yinrada. Ritay sitenu jiryiva: Rumutyamumyara ramurichirya. <sup>17-18</sup>Vuryanumaty jdera jmyichara, vuryajdutyara vuryinjasiy variy, vuryasuutantirya vumyo varintyi, riñuma datya nijyanvarya vuryinrada day, vinu Vujye dutyasi radatya darya. Vujye jita nityi dichara riva jiryatiy dutyasara darya, niday ramurichenu rivantivyuy.”

**Jesús datyadoda nutyuramusiy vuryecha jaryi taratavay jarichumu**

*(Dúcasiy 12.33-34)*

<sup>19</sup>“Ne vuryabay jirya mucadimu vuryajijura jaryi murichevarya tara, jasityi rabaryisara ruvá jbyedamusiy,

cansiyadamusiy jarye, varimyata jasityi riryajay paranunimiy paradodanacho. <sup>20</sup>Vuryanuma bay jarichumu vuryajijura jaryi murichevarya tara, jasityimyu ne rabaryisara ruvá toyedamusiy, dantyamuy ne cansiyadamusiy, dantyamuy ne riryajachara paranunimiy paradodanacho. <sup>21</sup>Jasityi ravichasara vuberya jaryi murichevarya, jasintya rachasara vujechipiyajada varintyi.”

**Jesús datyadoda vuvyu nonosiinchiy**  
*(Dúcasiy 11.34-36)*

<sup>22</sup>“Vuñisiy jita vuvyu nonosiy. Ramunityi, samichityirya vuñisiy, jiryatiy vujechipiyasara samirya jvaacharanijyu, titaju vuvyu jita racha variy nonomu. <sup>23</sup>Netimyu ne raryi jnyu vuñisiy samiryanacho, titaju vuvyu jita racha variy nupocudi. Varityi ravichasara nupocudi vuñono, nupocusuma racha variy vujechimyu.”

**Jesús datyadoda: “Ne vanay vuryivaay Judenuju, criquijyu jarye risaju”**  
*(Dúcasiy 16.13)*

<sup>24</sup>“Ne vanay vuryivaachara danujyu patrusa. Vuryityi jvaaryuy nadisa, vuryi javittyuñi tiqui, vuryi vatasara variñi ratarya patru, varimyata vuryi jvaay vaniri sisa tiqui, vuryi javiryutya variñi ratarya patru. Dantyamuy ne vanay vuryivaay sisa Judenu, criquisa jarye, jiryatiy vuvyichasara criqui juredacanumiy.”

**Jesús datyadoda: “Sunutyasara Judenuriy jidyedyeñu”**  
*(Dúcasiy 12.22-34)*

<sup>25</sup>“Ramunij ritay jiryiva: Ne vuryajachipiya jaryi: ¿Tara vuryejmyi, tara? varimyata: ¿Tara vuryajatu vuryinuyadaju, tara? dantyamuy ne vuryajachipiya: ¿Tara vuryajachu vuryiva, tara? ¿Neviy vuryinuyada jaryi jmyichara jiyadaju day, vuvyu jita sujay

jyjadajuntidye? <sup>26</sup>Jiryajnyuy ruuva vindyamu vichavay viichemyi. Ne rinta, dantyamyu ne riryato jatosara bajyomujura, Vuyje Jarichumuvichi jita potyanichara varidyeri. ¿Neivy vumyurichevay jaryi ruumusidye? <sup>27</sup>¿Mira vuryisa vichi rasityechu jijechipiyajadamusirya yinuyada, mi? ratasavu métrusaraju. <sup>28</sup>¿Tarajuna vuryajachipiya variy raniyyu vuchujay, taraju? Vuryajachipiya raniyyu tova vichara javuñisityu, nutyuramusiy rajavye, nutyuramusiy. Ne rivaay, dantyamyu ne raruyinura nurabijuu jichujajyusara. <sup>29</sup>Ritatyé jita jiryiva: Ne vinu nutyityu Sadumúbay samiy yidutyasadamu jivyichada samivaju ramusiy. <sup>30</sup>Saryityi sujañu Jüdenü daryara samirya vachuy jiryaty nudivvara, jiryaty rajavye diye, tarimysiy riryajaty jiidamyura, ¿ne vidye sasujañu Jüdenü jirye, nijyanvay pasidye jachipiyavay? <sup>31</sup>Ramunimuy ne vuryajachipiya: ¿Tara vuryejmyi, tara? dantyamyu ne vuryajachipiya: ¿Tara vuryajatuntiy, tara? dantyamyu ne vuryajaty: ¿Tara vuryajachu vuryivancyu, tara? <sup>32</sup>Nijyanvay jita vatasa daryajura jirya titaju. Sadatya jita Vuyje Jarichumuvichi jiryaty vuvyatasa rara jirya titaju. <sup>33</sup>Vuryantya vata munatya ranachö Jüdenü nusuyada nijyanvay jachipiyajadamu, vase vichasada jarye risaju, vuryasarye varirya vuryimysara, vuryatusara jarye risaju titaju. <sup>34</sup>Ramunimuy ne vuryajachipiya jaryi tarimysiy rundamuju, tapitya rani jachipiyasara tarimysiy yajiju. Rasaranuma jita paruchariry nuñi tarundaquiju.”

**Jesús datyadoda: “Ne vuryajachipiya taji tuchutada tinijyu”**  
(Dúcasiy 6.37-38, 41-42)

**7** <sup>1</sup>“Ne vuryajachipiya taji tinijyu, sañuma jachipiya taji variy

vunñijyuntidye. <sup>2</sup>Tapitya sajachipiya Jüdenü vunñijyu, daryaday vujechipiya tavanñijyuntidye. Daryaty vucharanu tavajyu tara, daryaday riryasaranu variy vujyuntidye. <sup>3</sup>¿Nutyichiy vuryidy vutyeryi nisimyu riva radaryudera, nutyichiy? netimyu ne vudyetya ravicha jiiipudaryuy vunñisimyu. <sup>4</sup>¿Nutyuramusiy vuryajaty siva vutyeryi, nutyuramusiy? Rädaj sipyata jiiñisimysirya radaryudera, ravichaty jiiipudaryuy vunñisimyu. <sup>5</sup>Netimyu ne vuryituyadamu vichavavyuy, vuryasipyata munatya vunñisimysirya jiiipudaryuy, rivasiy jita vuryadiy riva vanda, vuryatidye sipyata variy vutyeryi nisimysirya radaryuderyantidye.

<sup>6</sup>Ne vuryatuchururya Jüdenü datyadoda samirya ruuva, jiryaty rivyichasara nutyu nibyimi rapuryamiy, riñuma seta suyadamu vuy; varimyatamyu ne vuryajatyara Jüdenü niquejada samirya ruuva, jiryaty rivyichasara nutyu cuchimiy rapuryamiy, riñuma raniye mucadinubejura.”

**Jesús datyadoda: “Vuryi jachiñuy, vuryi vata, vuryi natuye sanachö rorijyamí”**  
(Dúcasiy 11.9-13)

<sup>7</sup>“Vuryama jachiñuyencha Jüdenüvara vuvyatara, sasay jita variy vurya; vuryama vatatumucha simu ranachö, vuryasarye jita varirya; vuryama natuyeyencha rorijyumu, samuttay jita rorijyamí variy vuryajisirya. <sup>8</sup>Tapi nitiy jachiñuyencha, sajmutya varirya; nitiy vatatumucha ranachöntiy, sasarye varintyirya; nitiy natuyeyencha rorijyumu, daryaday ramuttay variy sajuntiy. <sup>9</sup>Saryityi jachiñuy dera siva jiyerya pa, ¿sanitiy say variy ravichu dañi? <sup>10</sup>Varimyata saryityi jachiñuy jiyevyani quiva, ¿sanitiy say codiy varidyeñi? <sup>11</sup>Jirye jita, jiryaty jamirya vichavay jiryedye,

jiryedyetyaty sayada tara samiry a riy jidyedyeñu, ta jaryivyaju sasay Vuyje Jarichumuvichí tara samirya vuy vutyi jachiñuy sivara tara.

<sup>12</sup>Ramuní vuryama vichaniy darya riy tavantyidye, daryaday vuryivyata riryavichanintyidyevyuy, tapi daryani sadatyadoda Jüdenü Muyusésibemyusiy vuy, saju tuchuvabemyusiy jaryentiy.”

**Jesús datyadoda pasijyu jajyonchiy, jasityi vuryajachara Jüdenü nusujyomuju**  
(Dúcasiy 13.24)

<sup>13</sup>“Vuryajay pasijyu rorijyüdemusiy; tapi jayo jita jiryatyi vojotarara, ne surra jayo darya, rumutiy vuryajay vupyarutedaju. Rajuuvay jita jachara rumu day. <sup>14</sup>Tapi jayo jita rumutiy vuryajay junare jnyadaju, jiryatyi pasijyüderara, vuje parucharimysiy variy ravimu. Rajuutya variryi jiryatyi richeryera pasijyumu jayada.”

**Jesús datyadoda: “Vüdyetyara ninu rajomusiy daryatyi sadatyasara Jüdenüni nijyamí sivaayadamusintyi”**  
(Dúcasiy 6.43-44)

<sup>15</sup>“Vuryajnytyasara riryajisivyuy, rityimyu ne sitenu Jüdenüju tuchuvaderyi. Riñi dityanu ntyu Jüdenü siityarivay nta vüquebyimuyu, ntyu carnirumiy sabuvye nta. Dañumamuy ne rivyichasara sitenu jijechemiy. Rivyichasara jita ntyu jmyirya jachijadacanimiy, jiryatyi ricyasiryuryi Jüdenü siityarivay. <sup>16</sup>Vuryadatya ruuvaayadamusiy, daryani vüdyetyara ninu rajomusiy. ¿Vücho nitidyera samusiy cariitunumu-sidye? ¿varimyata ramuya jubonumusiy? <sup>17</sup>Darya niday titajura ninu samiñu, rani jontay samijyo; ninu nicyarañu jita jontay nicyarajyo day. <sup>18</sup>Ne vanay rajontay samiñu, nicyarajyo; dantyamuy ne vanay rajontay

nicyarañu, samijyo. <sup>19</sup>Riryajnu jítara ninuvichá jiryatimyu ne samirya jorara, riryajatya jiidamyu variy rivara.

<sup>20</sup>Darya niday vuryadatya riy nijyanvay ruuvaayadamusiy, ntyu vüdyetya daryara ninu jiyjomusiy, samiryavidye ranicha.”

**Jesús datyadoda: “Ne riryajay titaju nijyanvay Jarichumuvichí nusujyomuju”**  
(Dúcasiy 13.25-27)

<sup>21</sup>“Rityi jtachara riva: Nutyityu, ne riryajay titaju Jarichumuvichí nusujyomuju; vinu rityevay jiryatyi ruuvaacharara rajye vatara, jiryatyi Jarichumuvichini, vinu riy rajay ramuju. <sup>22</sup>Tamitya rundamu jita riryajtay rajuvay riva: Nutyityu, ¿neviy ntyuchoda yityamu, nüjetyadantiryi bayantuveda nijyanvavyasiy yityamuntiy, nüdyivaayadantirya rajuura mityamusiy judejada yityamuntidye? <sup>23</sup>Jadchiy jita rajmutya variryi: iTama radyetyavay jirye, tama; jiryánuma jiya ratyuunusiy, nicyaray vichavaryapurya!”

**Jesús datyadoda ntyura jüdaryancha vuryi vichajayasara titaju**  
(Dúcasiy 6.47-49)

<sup>24</sup>“Titaju nijyamí nitiy tuvachusarara rañiquejada, sasiitiesara variy rajuntiy, niní sanícha ntyu vanu datyara jiryatyi sivaayada samidyera jiryoriy, sumuchura yituvu surrajuntiy. <sup>25</sup>Ruboda jita variy, ranijyeyada jita varintiy. Jamu riicho jarye jatyojada ranintiy, raryi notavya ramusiy riicho, jiryatyi samiy jmuchusara daryajura rutuvu. <sup>26</sup>Titaju nijyamí nitiy tuvachu jítara rañiquejada, dantyamuy ne sasiityeruy variy rajü, niní sanícha ntyu vanu datyisa jiryatyi sivaayada tichanchara jiryoriy. <sup>27</sup>Ruboda jita, ranijyeyada varintiy, jamu riicho jarye jatyojada

ranintiyi, ranotáda variy riichora, rajottimiyuyada títajū varirya, pattaryityera.”

<sup>28-29</sup>Sadaty anumuyadanumatiy Jesúsa jiryá datyadoda, rityittáda nijyanvay varirya jiryatiy sadatyadoda jidyirya datyádata riy, ne nutyu Judenu niquejada datyanuvadye.

**Jesús misadedani vatajonnibay**  
(Márcu 1.40-45; Dúcasíy 5.12-16)

**8** <sup>1</sup>Sumusádanumatiy Jesús musiquimusiy, richiityarijada nijyanvayyuu variñi. <sup>2</sup>Mityamusiy sadasiñunuvijada vatajojūñubay satuunuyu, suteda variy siva Jesús: “Nutyityu, jivyatatiy, yapuy rivasirya vatajo.” <sup>3</sup>Saratyáda jita Jesúsa jijyase variy sanachoju, sajatyojada variy saniy. Suteda jita variy siva: “Ravyatantye, saminuma yecha.” Varicharaju rabayada vatajo sivasiy. <sup>4</sup>Suteda jita Jesús variy siva: “Jatý jityuchosiy tídevara. Yanuma jita jiya, yatí dityanunuve caserdóte ji. Rapuchamá daryaju jivyatajo yivasiyu, ne tí jita rāsvuñūday ji. Ramuní yasadyerya jnutatýasara Judenumu day, jiryatiy Muyuséibe jtedamujura, riryatidye datya nijyanvay variy ránciy: Ne rajatay jita jivyatajo tívajunūday.”

**Jesús misadedani sutarumiy nutyityubay muchechibe**  
(Dúcasíy 7.1-10; Juán 4.43-54)

<sup>5-6</sup>Sajayadanumatiy Jesús Capernavúmu, sayasantanuvijada sutarumiy nutyityubay variy jasiñi: “Nutyityu, detiryonuma jurichini ramyuchechiy raryorimyu, paruchariñumaní.” <sup>7</sup>Suteda jita Jesús variy siva: “Ráday jiya samisadedanacho.” <sup>8</sup>Sutarumiy nutyityubay jita jmutyajada jasiñi: “Nutyityu, tamā rachařanu ntate day ji

yajtojay raryorimyu, tamā. Mitya yaniquera niquejada, saday misasumiy variy ramyuchechiy. <sup>9</sup>Tapi ray jita vichasara sabonichi rayntyityuju day, rachabonintyiryi sutarumintiyi. Ritay siva tí: ¡Yejiya! saya variy; nuvantiy: ¡Yajniy! suniy varintiy; ritatyi ramyuchechivyantiy: ¡Yajvaarya jiryá! sivaay varintyirya.”

<sup>10</sup>Satuvachodanumatiy Jesúsa saniquejada, satittáda varirya, suteda variy ruuva jichiityariyay: “Ritayte sítenu jiryiva: Netaramu vinu vutyevey Irayénuvea cabyimu radyi tiva nutyu jiñu, vuryimu tuvachurá. <sup>11</sup>Ritay jiryiva: Riryajti rajuuvey jiryatimyu ne Judíyuvea daryi. Riryajti jiñi mutijomusiy, sapuryejomusintiy Jarichumovichí nusujyomu, jasitiy riryamása jmyijyomu Avurá bayanujsa, Isácu bayanujsa jarye, Jacóbu bayanujsa jarye ruusaju títaju. <sup>12</sup>Rityi jaryuy nta Judenu nusujyomu, jiryatiy Avurábay dadyeñu daryi, riryecha jatyasavay bimuju, nupocudimuju, jiryatimyu ne rityuvachuruy daryaju rimu. Jasidye jita riryajnavya nijyanvay variy, riryasuy jita jijyadajchantiy.”

<sup>13</sup>Suteda jita Jesús variy siva sutarumiy nutyityubay: “Yanuma jiya, daryanuma racha jiiyu daryatiy jityuvachosiy ramu.” Samisáda jita samuchechibe varenude variy.

**Jesús misadedada nada Pyítrubay desedabay**  
(Márcu 1.29-31; Dúcasíy 4.38-39)

<sup>14</sup>Sajayadanumatiy Jesús variy Pyítrubay rorivyimu, sadiyada jita nadiva Pyítrubay desedabay nanderuy tiryó saduyadanuy. <sup>15</sup>Sajatyojada jita nanujomutuniy, raparuyada jita saduyada variy nadiva. Nanunubesubeda jita variy, nanupotyadeda variy jasiñi Jesús.

**Jesús m̄isadeda riy jdivajnuvajuubay**  
(*Márcu 1.32-34; Dúcasíy 4.40-41*)

<sup>16</sup>Sapurveyadanumatíy jiñi, ruutiṭada jita Jesúsmu riy rajuuṕay bayantutavabe, sajatyada jiñiquejadata jasiy ruuvasiryi bayantuveda, sam̄isadeda jita riy ṭitaju jiryatíy jdivajnuvay jasidyeryi. <sup>17</sup>Ramusíy jita sitotadedara Jüdenuju tuchü Isayíyasibe jteda:

“Sasovedara vuryidivajada, satiityadara vuryarupantasada variy risaju.”

**Rityi siityariṕyadani Jesús**  
(*Dúcasíy 9.57-62*)

<sup>18</sup>Sadiyadanumatíy Jesús ruuva nijyanvajuu yiro, suteda ruuva yisa datyavabe: “Vuryaramityeryi jmityorudamyuju.” <sup>19</sup>Sutañuvijada jita Jüdenu niquejada datyanubay variy siva: “Datyanu, rasiityari ji rumutiy yejija.” <sup>20</sup>Suteda jita Jesús variy siva: “Vitiñu jita vuditi, viiche jarye ruutyi, Nijyamidenu jitamuy ne vichajoti jasityi satiryö jimeyadaju.” <sup>21</sup>Nuntiy, sasiityariṕay tenubay jteda siva Jesús: “Nutyityu, rajmuchuchidyi munatyara rajye babyi.” <sup>22</sup>Suteda jita Jesús variy siva: “Yasiityariṕara ray. Rityi vichasara jiyuuchuedamu diivye riyama jmuchuni jiryenu diibyí day.”

**Jesús ndasadedara riicho,**  
**riyerya jarye risaju**  
(*Márcu 4.35-41; Dúcasíy 8.22-25*)

<sup>23</sup>Sumusadanumatíy Jesús carteyvimuju, richiityariṕada jita sisa datyavayu. <sup>24</sup>Mityamusiy rariichósu-beda jita jmityomu, ramutanuruyada riyerya varirya cartye. Jesús jita mayada jasiy variy. <sup>25</sup>Rityuudiyadanumatíy sisa datyavabeyu, riidyoseda jita variñi Jesús jiñiquejadata: “iYajantyuy nuḍyiva, Nutyityu, vuryanuma

caraye!” <sup>26</sup>Suteda jita Jesús variy ruuva: “¿Tarajura jiryechuvuy, pasidye jachipiyavay, taraju?” Sanubesubeda jita variy, saniquetyada jitarara riicho, jmityö jarye risaju, juvayanuma ramachojada jaá variy. <sup>27</sup>Rityittada jita vaduy varirya: “¿Nutyu nijyamina sanicha jiñu, nutyu? ¿Nutyi ratuvachu riicho simu, jmityojaá jarye tuvachu simuntiy?”

**Jerása jamijuy bayantutanujyube**  
(*Márcu 5.1-20; Dúcasíy 8.26-39*)

<sup>28</sup>Sitöjadanumatíy Jesús jmityö rudamyu, Jerása janvay mucadimu, nanideda jita danujuy vanujuy bayantutanujyube variy sidchoju. Nanusipyateda suvuchanjuy bapyo cabyimusiy, ne riryamiryiyada nijyanvay ranüva variy. <sup>29</sup>Nanuniqueja-subeda jita mityamusiy: “¿Tara nadyimu jiyu, Jüdenu denu, tara? ¿Yitimaviy yatidye jantyunuy murichenutadeda rundajisiy nay?”

<sup>30</sup>Riibyesadeda jita tajuuqui cuchimiy ripyapude jasiy. <sup>31</sup>Riyasantada jita bayantuvedani Jesús: “Yanumatíy jatya nuṕ, yajpajasiy cuchijyuuvaju nuṕ.” <sup>32</sup>Suteda jita ruuva: “iJiryanauma jiya jiyusiy!” Richipyateda jita vanujubevysiy, rijeyada variy cuchivya. Mityamusiy richiichiyeyada cuchijyu ṭitaju nubañucovimu jmityovimuju, ripyaruteda jita jajariy, pattaryitye ṭitajuriy. <sup>33</sup>Cuchiy jnutyavabe jita bayeyada variy, rityuchunuvejada jamu vichadamu ṭitajura, nutyunuma nanuvichada bayantuvedatanujyuntiy. <sup>34</sup>Jadchiy jita richipyateda vichada janvavyedabay sidchoju Jesús. Ridiyadanumatíy siva, riyasantada jitaní: “iYanuma jiya numyucadimusiy!”

**Jesús mįsadedani ĵurichinĵbay**  
(Márcu 2.1-12; Dúcasiy 5.17-26)

**9** <sup>1</sup>Sumusádanumatiy Jesús carteyvimuju, saramityeda ĵita jmytyo rudamyujuntiy, suteda ĵita jivyichadamujuntiy. <sup>2</sup>Mityamusiy ruutĵitadani ĵurichinĵbay detiryo jimeyanča. Sunųyadanumatiy Jesús riñecho, ĵiryatiy riječhipityajajada sĵtenu mįsanirya daryajuni, suteda ĵita siva ĵurichinĵbay: “Yavanųtya ĵi, Pi, ĵiryatiy ĵĵyuchurveda řaramiy mitya yiva.”

<sup>3</sup>Mitya řuteda ĵudenu niquejada datyanuvay tevabe jvyimu: “Ĵiñu vanu ĵita javityiyeni ĵudenu day.”

<sup>4</sup>Sadatyádanumatiy Jesúsra riječhipiyajada, suteda ĵita ruuva: “ĴNutyurajura ĵiryječhipiya vacha ĵijechimyu, nutyuraju?” <sup>5</sup>ĴMiryara ĵaryi datyasara, mirya? řatij jtay: Ĵĵyuchurveda řaramiy mitya yiva, varimyata řajtay: Yanubesumiy, řarupichiy.

<sup>6</sup>Ĵĵyatyidye ĵnyyasi savidye ramityaniy Nĵyámĵidenu sivara ĵĵyuchurveda ĵirya mucadimu,” suteda variy siva ĵurichinĵbay: “Yanubesumiy, yanchura jimeya, yanuma ĵiya ĵiryorimuju day.”

<sup>7</sup>Sanubesubeda ĵita, sayada variy ĵiryorimuju. <sup>8</sup>Ridiyadanumatiy nĵyanvajyuvedabay variy riva, řuteda ĵita, ričhanatyada variñĵ Ĵudenu, ĵiryatiy sasayada darya ĵvaayadajuni nĵyamĵi.

**Jesús natuyadani Matévubay**  
(Márcu 2.13-17; Dúcasiy 5.27-32)

<sup>9</sup>Saramiryĵadanumatiy Jesús jadchiy, sadiyada siva nu vanu, samasáda criquiy jmutyajomu, Matévu jtyatĵbay. Suteda ĵita siva: “Yasiityarišara ray.” Sanubeseda ĵita variy, sasiityariĵada ĵita jadchiñĵ Jesús.

<sup>10</sup>Samasádanumatiy Jesús jmyĵyomu Matévubay rorimyu, mityamusiy rimyasáda ĵita řajuuvay criquiy jmutyavavyedabay, ĵiryatiy juuchataway risajuntiryi sisá Jesús, sisá datyavabejša ĵarye. <sup>11</sup>Ridiyadanumatiy Varyisévuvvedabay riva ĵiryatiy sĵbyeda ruusa juuchatavabe, řuteda ĵita ruuva Jesúsjša datyavabe: “ĴTaraju simyi ĵiryedyetyanu ruusa criquiy jmutyavay, taraju? ĴNe ĵiryinųy juuchatavadyeryi?”

<sup>12</sup>Satuváchodanumatiy Jesúsra riñiquejada, suteda ĵita ruuva: “Ĵĵyatyimyu ne ĵdivajnuvadyeryi, ne rivyatani ĵdanunųday; ĵiryatiy ĵdivajnuvadyeryi, riñĵ ĵita vatani ĵĵndanų day.\*

<sup>13</sup>Ĵĵyřanuma datyanuve tara ranique, tara: Radyiryuy ĵita riva ĵantyutyada, ne vinu ĵiryatiy ĵiryĵntatani yasi rimu. Ne řiniy daryaju samirya vichavay natuyadanácho day, juuchataway natuyadanácho ĵita řinidyey.”

**Ruutajádadani Jesús**  
**jmyichara ĵnuradanchiy**  
(Márcu 2.18-22; Dúcasiy 5.33-39)

<sup>14</sup>Jadchiy ĵita řuteda Juán Bautístabasya datyavabe simu Jesúsntiy: “ĴTaraju vuryĵnurasarara jmyichara ĵapichiy, taraju? Varyisévuvvedajša datyavay ĵarye, ĵiryiša datyavay ĵita tama řiñĵ ĵnura darya jmyichara day, tama.” <sup>15</sup>Suteda ĵita Jesús variy ruuva: “Ne vanų riryayivay musuchavay ĵamųyada rundamu, netimyu ne sani ĵiintye ĵamuñu ruusasiy didye. Řajtĵ rarunda varityi riryasovay riqebymusiñĵ vadi ĵamuñu, variryundamu ĵita riryandara jmyichara. <sup>16</sup>Ne vųcyuruchuvay vadĵatyara řariĵepyo, tapitya řacantya ĵaryi varirya řariĵepyo. <sup>17</sup>Dantymųy ne vųbechara bĵnuĵa vadiĵa ravimu řariĵevųpo: vųbecharatiy

\* 9.12 Juuchataway vichasara ĵdivajnuvay Ĵudenu diya; ĵndanų vichasara Vuryeyada Řáñu.

ravimu, rabuy tarijevvyupo varyi, rarumiyechara bínuja varyi, tarijevvyupo jarye pachitye varyi risaju. Vubechara jita vadijavyuvimura bínuja vadija, rañuma pachitye bínuja, ne vinu sajavyu risajuntiy.”

**Jáyrubay detubay, vaturuy jamundatanube jarye, jiryatiy nanumutyeda raniy Jesús sujay**  
(*Márcu 5.21-43; Dúcasiy 8.40-56*)

<sup>18</sup>Saniquenuyadanumatirya jirya niquejada ruuva, mityamusiy sadasiñunuvijada tiqui nutyityubay Jesúsnaçhojuy. Suteda jita siva: “Sadiiyasimya radyetu, dañuma varenuma yatidye barya jiyomutu saniy, satidye misasumiy radyetu varintyi.”  
<sup>19</sup>Sanubesubeda jita Jesús varyi, sasiyarijada variñi, sisa datyavabe jarye yisaju. <sup>20</sup>Mityamusiy nanideda jita vaturuy jamundatanube sarudivasiy Jesús, nanujatyojada varyi raniy sasujacho. Taraqui vuyajuy nijya ravichada jamunda nadiva, daniyjajuy ranchaju. <sup>21</sup>Nanujachipiyajada jita jivyimu: “Raryitye jatyo vinu sasujantyecu, ratidye misaniry.”  
<sup>22</sup>Jesús jita janumityeda, sadiyadanumaty nadiva, suteda jita varyi nadiva: “Sanajvajuni vanutyayu, Popojuy. Samiy sanujachipiyajadamu jimyisa.”  
<sup>23</sup>Sitojadanumaty Jesús nutyityubay rorimyu, sadiñuejada jasiy ruuva ruudivye, nijyanvajyuuvada jansada jarye. <sup>24</sup>Suteda jita ruuva: “Jiryánuma jiintye jiyusiy, tamá diiñu daryaju sanicha dera, tamá, nutyu sani mañindy.” Rityodiyada jita varyi siva.  
<sup>25</sup>Jatyasavañumaty rivyichada nijyanvajyuuvada bimuju, sajayada Jesús, sireda sajomotuniy dera babyi varyi, sanubesubeda jita dera varyi.  
<sup>26</sup>Raticheyada jita ruro títaju varyi.

**Jesús misadedada nada nisipyuryiyube**

<sup>27</sup>Saramiryijadanumaty Jesús jadchiy, nanusiitarijada jita danujuy nisipyuryiyube jadchiñi. Nanuniqueja-subeda varyi: “iYajantyutyate nay, Davyíbe jasi!” <sup>28</sup>Sajayadanumaty Jesús rorivyimu, nanideda jita nisipyuryiyube simu, Jesús jteda varyi nadiva: “¿Sada jachipiya dyetya raryi jvaay daryaday?”  
Naniteda varyi siva: “Joonu, Nutyityu.”  
<sup>29</sup>Jadchiy jita sajatyojada raniy nanunisiy jiñiquejadamu: “Racha sadaju daryaty sanutuvachu simu Jüdenu.”  
<sup>30</sup>Ramutteda jita nanunisiy varyi, nanudiyada jita tariva varyi. Suteda jita Jesús jamiryamu varyi nadiva: “Ne sanadatyataniy tira.” <sup>31</sup>Nada jita tuchunuvejadara saticheyada ruro títaju varyi.

**Jesús misadedani vanu niquejasabay**

<sup>32</sup>Riyadanumaty Jesúsveda jadchiy, mityamusiy ruutitada jitani vanu niquejasabay, bayantutibay simu Jesús.  
<sup>33</sup>Jatyasinumatiñi bayantu, saniquejada vanubay varyi rivasiy. Rityittada jita nijyanvajyuuvada varirya, riñiquejada varyi: “Ne ti diyada tariva darya jvaayada Irayénuvada cabyimu.”  
<sup>34</sup>Varyisévuedabay jita niquejada varyi: “Bayantu nutyityu jtedamu sani jatyatityiryi bayantuveda nijyanvavyasiy.”

**Jesús jantyutyada riy nijyanvajyuuvadabay**

<sup>35</sup>Sarupityityiyada Jesús varyi títaju vichada cabyiva, rorivyíñu cabyiva jarye. Sadatyanunumayajada jita riintyeryaniyovimu, satuchutityiyadara samituchoda Jüdeno nusuyadanchiy, samisaniñuyadantiryi jdivajnuvavyeda títajuntiy, títaju rityi vichanuyada vadiiryovavyeda. <sup>36</sup>Sadiyadanumaty



Jesús ruuva nijyanvajuuveda, santutyada variryi, jiryatiy rivyichada jarupantasavay, jantyuanimiy jarye, tajnutyiñi carnirumiy ne jnutyitavay. <sup>37</sup>Suteda jita variy ruuva yisa datyavabe: “Jasinrya rajuurajatojadaju, jvaavye jitamuy ne rajuuvey. <sup>38</sup>Ramuni jiryajachiñuy siva jatojadajami, satidye jpa riy jvaavye yivaajjomuju.”

**Jesús jaryetada riy vuyajuy vaduvvedabay, danujuy rinchaju, sansubyimijuy**

(Márcu 3.13-19; Dúcasiy 6.12-16)

**10** <sup>1</sup>Sanatuyada jita variy yimuju riy yisa datyavabe jiryatiy rivyichanuyada vuyajuy vaduy, danujuy rinchaju daryi. Sasayada jita datyada variryi, ratatiy riryajatanumaya riy bayantuveda jamirya vichavay nijyanvavyasiy; riryamisaney ratantiriy jaryedo jdivajadavantiy, jarupantasavay jarye rusaaju títaju. <sup>2</sup>Daryani jita ravichada jivye jtya vuyajuy nusubyimibe, danujuy rinchaju: munatya Siimyóbay jiryatiy rütachara Pyítruni, jadchintiy sataryi Antrésibe, Sebedévubay denujube Santiyácubay, sataryi Juánbatya. <sup>3</sup>Jadchintiy Vedípebe, Bartodomévubay, Tumásabay, Matévubay jarye jiryatiy criquiuy jmutyanubañi, Santiyácubay jarye jiryatiy Ajéñubay denubañi, Tadévubay jaryentiy. <sup>4</sup>Jadchintiy Siimyóbay jiryatiy rutañuyada jaryi vanira niquerabañi, Judásiy Iscaryótibe jarye jiryatiy samityasiñuyadani Jesús.

**Jesús jpajada riy yisa datyavavedabay riryatidye datyanunumaya**

(Márcu 6.7-13; Dúcasiy 9.1-6)

<sup>5</sup>Supajada jita Jesús riy jivye vuyajuy, danujuy rinchaju, suteda variy ruuva: “Ne jiryejiya ruumu jiryatimuy ne Judíyuvada daryi, mitya, daryantiamuy

ne jiryajay Samáriya janvay vichadamu. <sup>6</sup>Jiryejiya jita ruumu Irayénuvada day, jiryatiy caravye Jüdenuvasyderyi. <sup>7</sup>Jiryejiya tuchuvay: Ratuudiñuma Jarichumuvichí nusuyada. <sup>8</sup>Jiryamisaniriy jdivajnuvay, diibyimiy jarye jiryannubesityaniy, jiryapuy vatajokuvyevyasirya jivyatajo risajuntiy, jiryajatyantiriy bayantuveda nijyanvavyasiy títajuntiy. Daryatiy jiryimutyajasiy mityara datyada, daryaday jiryamisaney mityantidye. <sup>9-10</sup>Ne jiryajtu tara, ne vinu criquiuy surraday yimu, dantyamuy ne dusuuy, dantyamuy ne dajajuyuy sujacya, dantyamuy ne saapatu, dantyamuy ne ruvese mitya, tapi savatasara juvaañu daryajura jimyisara. <sup>11</sup>Mirya vichadamunittiy jiryajay munatya, varimiyata rorimiyumu, jiryavata jasiy sanacho nijyami samiy jachityi, jasiyiy jiryamachó jiryechipyatedasaraju. <sup>12</sup>Jiryannumatyiy jay rorivyimu, jiryamuchuvesiriy rajanvay: iSamirya vichasara jiryeyju! <sup>13</sup>Riryityi vichasara samirya jachityavay, raday machosara samirya vichasada variy rijyuy; riryityimuy ne vichasara samirya jachityavay, raday tarya samirya vichasada jiryimujuntiy. <sup>14</sup>Miñityimuy ne radiryeruy jiryey, dantyamuy ne riryatuvachururya jiryeyñiquejada, jiryannumatyiy sipyatay rivyichadamusiy, jiryamuchutya jiryeyñumutuvasirya rirujuu riñijyuy. <sup>15</sup>Ritatye sitenu jiryiva: Jachintyavaju day racha Sodóma janvaju, Comórra janvaju jarye, Jüdenu parutada rundamu, rivyichada janvamyusiy jiryatimuy ne ridyiryeruy jasiy jiryey.”

**Jesús datyadoda jarupantandanchiy**

(Márcu 13.9-13; Dúcasiy 21.12-17)

<sup>16</sup>“Jiryajnyuy, rípa jita jiryey nutyu rasimiy jmyiryajuu cabyimuju. Ramuni

jiryęcha vanıra jachipiyavay nıtyu codiy, nıtyu jarityudentiy jiryęcha tapide vichavay. <sup>17</sup>Jiryınıtyatata nijyamıjisiyu, tapitya riryajuriy jiryę riryatıdyę jarachiy tuchujomuju varyi jiryę, riryamusiyę jutyeryanijyomu varyi jiryęntiy. <sup>18</sup>Riryatiy varyi japuvedamuju jiryęntiy, jımu nutyityuvedamuju jaryę rayadaju, jiryatıdyę tuchu vijyomujache ridiyıya raynchiy, riryatıdyę tuvachuntiy jiryatımyu ne Judıyüveda daryi. <sup>19</sup>Riryınumatıy say japuvedamu jiryę, ne jiryajachipiya jaryi varyi nıtyuramusiy jiryanique, nıtyuramusiy, tapi jiryajmutya variryundamura niquejada jiryatıdyę nique. <sup>20</sup>Tapi ne jiryanique jidyırya day, Vıjyę Judenu Jnutu jıta ranıque jiryımusiy. <sup>21</sup>Nijyamı rasarıy jıtyeryıveda riryatıdyę munu varyi jasıryi, tavañıday rasarıy jidyedyeñu day riryatıdyę munu varıntyıryi, tavay jıta ranubesumiy jıjyemyi jıyaroju, riryatıdyę munu varıntyıdyeryi. <sup>22</sup>Jiryavichasara javıtyyuchavay varyi tıtaju nijyanvajyu, rıtya jıyadaju. Nıñı jıta jiryatıy sajachınıchıya tarıjıyü rajıyü, sadiiyada saraju, şaday ramıtyasara varyi rıva. <sup>23</sup>Riryınumatıy jarupanta tavıchadaquımu jiryę, jıryabay tavıchadamujıntıy, tapi rıtay şıtenu jıryıva: Ne jıryaramıryı tıtaju İrayėnuveda vıchadıva, Nıjyamıdenu jtıjadajısiy. <sup>24</sup>Ne savıchıasara sısa datıy jaryıñu sımusiy jıdyeyanı, dantıyamyu muचेchıy jaryıñu sımusiy jıpyatru. <sup>25</sup>Rasarañuma jıta şacha sısa datıy nıtyu jıdyeyanı, muचेchıy jaryę racha nıtyu jıpyatru. Rıryıtyı jıay raynchıy: Bayantımyı nutyıtyu, jıryatıy rañıcha rorıjyami, ta jaryıvyaju rıryajavıtyıyęchıya jıryę, jıryatıy raryorımyu vıchavay jıryę.”

**Jesús datıyadoda chıra vıryıchıvıchıya, chı**  
(Dúcasıy 12.2-7)

<sup>26</sup>“Ramunı ne jıryasuvıryı nijyanvay, tapi ne taradera ramacho samıy mutanusara, mıtya; tıtajıtdıyę rachaşara dıtyanusara; dantıyamyu ne ramachosara tara dıtyasara, tıtaju rachaşara datıyasara. <sup>27</sup>Jıryatıy rıtañıy nıpocudımu jıryę, jıryatıy vındıyamura; jıryatıy jıryeyuvachu cucıyeyadamu tara, ranı jıta jıryatıy vıjyomujache day. <sup>28</sup>Ne vıryasuvıryı jıvyę jıryatıy rıvırya vıvyu, ne vanay rıryajvay varıñı vıbeyanu. Vıryantıya sıvyü jıtanı nıtyı parutasara jııdatıyomunı vıbeyanu vatajuu vıvyıta. <sup>29</sup>Rajuıra crıquıvyıtya samurıchevay danıjıy vachuchıjıy, dañımamıy ne sajuıy tıquı vachuchıy tenu mucadıncıha Vıjyę vatađa nıyaresıy. <sup>30</sup>Vıryınojasıy jaryę suranusara tıtaju saju Judenu day. <sup>31</sup>Ramunımyu ne vıryasuvıy; vıñı jıta murıchevay jaryı ruumısyı vachuchımyı.”

**Jesús datıyadoda rıncıy rıtyı tuchıy rıtyı tuchıy vıjyomujache sayadaju**  
(Dúcasıy 12.8-9)

<sup>32</sup>“Ramunı, nıtyı tuchu vıjyomujache nijyanvıy: Ray jıta datıyanı Jesús, daryaday ratıy tuchu sıva Rajyę Jarıchımu vıchıntıy: Ray datıyanı jıñu. <sup>33</sup>Mınıntıy jıta ratıy tuchu nijyanvıy raynchıy: Ne radyeyanı Jesús, daryaday ratıy tuchu sıva Rajyę Jarıchımu vıchıy varıntyıdyę: Ne radyetya dañı jıñu day.”

**Rıryamıtyasıy nıñı tevajıyü Jesúsncıy**  
(Dúcasıy 12.51-53; 14.26-27)

<sup>34</sup>“Ne jıryajachıpyasara rıtıjada ratıdyę barya samırya vıchışada jırya mucadımu. Ne rıtıjada samırya vıchışada bayadaju,

vinu jchityityata juvedaju jita day.  
<sup>35</sup>Rideda jita daryaju satidye jiyaronu vanuni jijye, vatura jita rajiyaronu nada yinoda day, nanašintu jita rajiyaronu nada jidyessedantidye. <sup>36</sup>Riryamityasiy sarorimyu vichavay vanuyu. <sup>37</sup>Nitiy vatasara jaryi rimusiñi jijye, varimiyata sunoda, ne sasara rachiityarišada; daryaday nitiy vatasara jaryi rimusiñi jidyenu, varimiyata sadetu, ne sasara rachiityarišadantiy. <sup>38</sup>Daryadantiy, nitimyu ne sanichujaya jitara jicyurusiy, jiryatyi sabay nutyu diñnyuy, ne šariryi variñudarya taryi jivyichadanuday, satidye siityarišara varirye, ne sasara rachiityarišada. <sup>39</sup>Niday jita jiryatyi sasaryera yinuyada, šapachitya mityara. Niday jita jiryatyi šapachitya rayadajura yinuyada, šaday saryesara varintyirya.”

**Jesús datyadoda jiryatyi Jüdenu murichedodara samiy vichasada murichirya**  
*(Márcu 9.41)*

<sup>40</sup>“Niday jita jiryatyi sani dirye jirye, daryaday sadirye varyi ramusintyidyerye; nitiy radirye varirye, sadirye varintyidyeni jiryatyi supajada jiyuju ray. <sup>41</sup>Nitiy radiryeni Jüdenuju tuchü jiryatyi satüchu Jüdenunijyu, šajmutyasarara Jüdenuju tuchü murichedoda. Daryaday nitiy diryeni vanu vase vichara jiryatyi savichasara vase jvaarya, šajmutyasarara vase vichasada murichirya. <sup>42</sup>Daryadantiy minintiyi jatutaniy vinu sudojaani tiquidera jivyetyenu, jiryatyi savichasara rachiityariñu, ritatye šitenu jiryiva: Ne šacarera jimyurichenusada riva.”

**Ruutijada Juán Bautístabay jpvave simu Jesús**  
*(Dúcasiy 7.18-35)*

**11** <sup>1</sup>Sadatyadodanumatyi Jesús riy yisa datyavavyedabay vuyajuy danujuy rinchaju, sayada jita jadchiy

satidye datyanunumaya, satidye tuchunumaya risaju rivyichadamu.

<sup>2-3</sup>Satuvachodanumatyi Juán Bautísta tanuvunujovimusiy ranchiy sivaayada Jüdenu jaryeti Crístu, supajada jita riy yisa datyavavyeda simu, riryatidye jtajanuni: “¿Jiñiviy jiryatyi yatiche jtijada, varimiyata nuryi nutuyasiy tjiijuntiy?” <sup>4</sup>Sumutyajada jita Jesús riy: “Jiryatuchunuve siva Juán ranchiy titaju jiryatyi jiryetyuvachura, jiryedyjye risaju riva. <sup>5</sup>Runuyasumiy nisipyurymiyi, canuyasivyeda jarye rupi, vatajojvye jarye misa, tuyupuryimiyi jarye tuvachu, diibyimiyi jarye misasumiy, jantyuyadavay jarye tuvachusarara samituchoda. <sup>6</sup>Jüdenu jmutyasi jita sachá nitimyu ne sacasinyya rachiityarišadajisiy.”

<sup>7</sup>Riyadanumatyi Juánbay siityariyvavyedabay, sajotada niquejada Jesús nijyanvavya Juánbaynchiy varintiy: “¿Taranacho jiryevyatanuveti tajityomu, taranacho? ¿Jiryeyati vinu jiryatidye diñuve riva jiryatyi ranuvatyaja riichora vachuy? <sup>8</sup>¿Taranacho jiryeyati varyi, taranacho? ¿Jiryatidye diy siva nijyamí vasidyajay sujatyi day? Ne jiryinuy, rityi vichasara vasidyajay sujatyavay, riñi vichasara jamu nutyityu rorimyu. <sup>9</sup>¿Taranacho jiryeyati varyi, taranacho? ¿Jiryatidye diy siva Jüdenuju tuchü day? Jo, jaryivyaju Jüdenuju tuchü jiyadajuteni. <sup>10</sup>Nini jita sanicha jiryatyi nuchara sanchiy:

Ripa jitaní raynsubyi jimyomuju, satidye jdutyara nú yajiju.

<sup>11</sup>Ritay jita šitenu jiryiva: Ne ti nubesumiy jaryiñu Juánmusiy, jiryatyi vaturumyusiy rupini. Dañuma sanicha jaryiñu Juánmusiy, minityi vichasara riryarijyu játarya Jarichumuvichi siityariyvamyusiy. <sup>12</sup>Juán Bautísta rundamusiy jita, diyesaraju titaju,

rapanatyityi Jarichumuvichi nusuyada, nijyanvay panavye jita rañi juriy vaniravarya. <sup>13</sup>Tapi ruvatadoda jita Judenuju tuchuvabe tuchoda jityaju Judenu nusuyadanchiy, Muyusésibemyusiy, Juan Bautista saraju titaju. <sup>14</sup>Jiryetyi tuvachuruy ramu, niní Juan sanicha Edíyasiy jiryatiy sajtsara. <sup>15</sup>Jiryetyuvachutata tuyutavay. <sup>16-17</sup>¿Nutyura nita rajtay riñiyu nijyanvay jiyomu, nutyura? Riñicha jita nutyu deramiy pudásamu masavay. Rityiyisaruyadamu jityuchuta jityevavyayu: Dañuma nuñi ruudiy jiryeyu, ne jiryeryeyaruy nta variy. Dañuma nuñi sutyaniy nutyi diibytuunu jnyadamu nta, ne jiryinaryuy nta variy ranchintyi. <sup>18</sup>Darya ritay, jiryatiy sudeda Juan jmyichara jnurara, ne sibyeda, dantyamuy ne satoda. Ruteda variy sanchiy: Bayantu siva. <sup>19</sup>Sitijada jita Nijyamidenu ne jmyichara jnurara, jiryatiy rimyñuy, ratu jarye risaju, rıtay variy raynchiy: Ta jaryi jbyedajachini day, niyuyadacany risajuni, niniday criquiy jmutyavay jaamyicyu, jiryatiy juuchatavaryi. Dañuma ravichasara vase jvaayada jiryatiy Judenumusiy datyadamu jvaacharara.”

**Jesús datyadoda tuvachusaminchiy**

(Dúcasiy 10.13-15)

<sup>20</sup>Jadchiy jita sajotada Jesús tuchutada riy vichada janvay, jasityi sivaañuyadara mityamusiy judejada, jiryatimuy ne ripyaruruy riva vacha jachipiyajada variy. <sup>21</sup>“iAcuu, jiryenijyu Curasí janvay! iAcuu, jiryenijyu Betsáyina janvay! Tapi raryityi jvaayada Tíru janvay cabyimura rivaayada tittasara nutyu jiryequybyimutyi rivaayasiy daryantiy, tariñuma riryi paruyada riva vacha vichada, riryi dityadoda varirya jiñuvayada riva jiryatiy riryimyasa varivyunujay

sujatyavay pupujurunube. Sitú janvay jarye raryi jvaayada daryantidy.

<sup>22</sup>Rıtaty jiryiva: Jachintyada racha rijyu Tíru janvay, Sitú janvay jarye jiryimusiy, juuchaveda murichenutadeda rundamu. <sup>23</sup>¿Va, jiryequ Capernavú janvay? jiryitay vidye jiryecha jasumini-chavay jarichumu day. Jiryedy day rachava jmusanichavay jiidatyomu cay. Raryityi jvaachara daryaju Sodóma janvay cabyimura mityamusiy judejada, daryatiy rivaayasiy jiryequybyimu, raryi machojada Sodóma diyesaraju. <sup>24</sup>Rıtaty jiryiva: Jachintyavay day racha Sodóma janvabejyu juuchaveda murichenutadeda rundamu jiryimusiy.”

**Samusuyada Jesús: “Jiryentya jniy rimuju jiryatidy datyara sitenu jiituyada”**

(Dúcasiy 10.21-22)

<sup>25</sup>Variryundamu jita saniquejada Jesús: “Rıchanatyate ji, Yeye, jarichu Nutyityu, jiryatiy mucadi Nutyityu jarye risaju ji, jiryatiy jidyutyadara jirya datyada riryajisiy mityamusiy datyavay, datyada jachityavay jarye. Jidyityadoda jita datyisamimiyura. <sup>26</sup>Jo, Yeye, jiryatiy samiy jvadichara jidyiya darya.”

<sup>27</sup>Suteda jita variy nijyanvavya:

“Sasamya jita rajye titaju ray. Ne ti datya chıra sanicha sadenu, chi, vinu rajye datya, dantyamuy ne ti datya chıra sanicha rajye, chi, vinu sadenu datya, ni jarye jiryatiy sadityanuruñi. <sup>28</sup>Jiyuju rimuju jirye titaju jiryatiy paruchariy jvaatyityivy jirye, jaryi tiityavay risaju jirye, raday jiitutyaniy variy jirye. <sup>29</sup>Jiryajmutya nutyu datyanu ray, jiryatidy datyara samiy vichasada rimusiy, jiryatiy ravyichasara tapide jvaarya, ravyichasantiy nutyu jantyuyani rajechimyu. Jiryaday sarye varirya jiituyada jiryechipiyajadamu. <sup>30</sup>Tapitya radyetyadoda jita ne surra day, ratyiyatadeda jarye ne jinra.”

**Jesúsjsa datyavavyedabay  
rotyatityiyadara jaruusibyi  
jiituyada rundamu**

(*Márcu 2.23-28; Dúcasiy 6.1-5*)

**12** <sup>1</sup>Variryundamu jita riryamiryijada Jesúsveda racabyimu jaruusini. Jiryatij rijechijada sisa datyavavyeda daryaju, rijyotada rotyatityiyada jibyedajura jaruusibyi variy. <sup>2</sup>Ridyiyadanumatij Varyisévuedabay riva, ruteda variy siva Jesús: “Yajnuy, yisa datyavay jvaarya jiryatij jubachara jiituyada rundamu jvaayadajura.” <sup>3</sup>Suteda Jesús variy ruuva Varyisévuedabay: “¿Ne jiryeniquestara cetera padye didye, nutyura sivaayada Davyibe sajachijadanumatij, nutyura? yisa vichavabetya. <sup>4</sup>Nutyuramusij sajayada Jüdenü rorivyimu, nutyuramusij, sibyeda jítara pa, jiryatij ribeñuyada Jüdenü jiyadajura, jiryatij jubachara riibyedajisidyerya, daryaday jubachara rijyu sisa vichavabesijis varintyidyerya, jiryatij vinu caserdótevyeda jbyedaju ranicha pa day. <sup>5</sup>¿Daryantymuy ne jiryeniquestara Muyusésibe nurya Jüdenü jtedamu day, nutyuramusij ruuvaañuyada caserdótevyedabay Jüdenü rorivyimu, nutyuramusij, jiituyada rundamu? Ne tí jiyasayada riva varidyeryi. <sup>6</sup>Rítate jita jiryiva: Sanicha tíqui nijyamí jiyu, jiryatij jaryiñu ramusij Jüdenü roriñi. <sup>7</sup>Jiryetyi datyada tara ránique jiryá niquejada: Radyiryuy jítara jantyutyada, ne vinu jiryatij rúntatya yasí rimu, jiryeryi jiyasayadava riy jiryatimuy ne jiyasayadatavadyeryi. <sup>8</sup>Tapi Nijyamídenü jita jiituyada runda jamí day.”

**Vanu jomutu susañubaynchij**  
(*Márcu 3.1-6; Dúcasiy 6.6-11*)

<sup>9</sup>Sayada jita Jesús jadchintiyi, sajayada riinteryanijyovimu variy.

<sup>10</sup>Mityamusij savichada nu vanu jomutu susañubay jasyi. Ruutajadoda jita variñi Jesús: “¿Samiryavidye Jüdenü diya misadeda jiituyada rundamu, varimyatamuy ne?” Riñi jachipiyajada tuchutada rivani.

<sup>11</sup>Suteda Jesús variy ruuva: “¿Mira jiryetyenu, tíquide jasiti, mi, saryityi juuy sasi jiituyada rundamu vatajüvumu, nevidye sasipyata variy ravimusini? <sup>12</sup>Ita jaryivyaju samurichevay nijyamí simusij jasi! Ramuni samirya Jüdenü diya vuryajvaarya samirya jvaayada jiituyada rundamu.”

<sup>13</sup>Jadchij jita suteda Jesús siva jomutu susañubay: “Yaratyara jiyjomutu.” Saratyada vanubay varirya, rataryajada variy yibivaju nutyu rataryarantiy.

<sup>14</sup>Rimyasada jita Varyisévuedabay, rityuchudoda variy sayaraju Jesúsyu: “¿Nutyuramusij vuryi jvañi, nutyuramusij?”

**Jesús jtótadedara Jüdenü niquejada  
jiryatij Isayíasibe jtosirya**

<sup>15</sup>Sadatyada jita Jesús jiryatij ruvaryuyada Varyisévuedabañi, sanumuteda variy jadchij. Richiityarijada rajuuvey variñi, samisadeda jita titaju variy jasiryi.

<sup>16</sup>Suteda jita variy ruuva: “Ne jiryadatyanu tavajyu raynchij.” <sup>17</sup>Rani jita jtótadedara Jüdenüju tuchubay niquejada, Isayiasij jyatibay, jiryatij saniquejada:

<sup>18-21</sup> “Jiryajnuñi ramyuchechij jaryetasí, ravyatasí samij jvadicñi radyiyani. Rada bay ríntu siva, saday tuchura ramyurichedoda nijyanvajyu. Ne sanique nta, dantymuy ne sasaneya, dantymuy ne tí ratuvachu vijjomujachera saniquejada. Ne sapatara tanchedu jiryatij mururyara,

dantyamuy ne saryi jiryichara nonosiy jiryatij jaryi ránuvachíityiyi, rarundasarájutij sávuunu vase jvaayadata títajura. Riryantuy nijyanvayyu vari santutyadajiju.”

**Rityuchutadani Jesús: “Sajatyasarariy bayantuveda nijyanvayyasiy bayantu nutyiyu vanuyadata”**

(*Márcu 3.20-30; Dúcasiy 11.14-23; 12.10*)

<sup>22</sup>Jadchij jita ruutitáda Jesúsmujuní vanu bayantutíbay jiryatij nisipyuryíni, niquejasá risajuní. Samísadeda jita variñi satidye nique vari niquejasabay, sunuyasubeda jita varintiyi. <sup>23</sup>Rityitáda jita nijyanvabe variñi, ruutajádoda variy: “¿Neviy ní sanícha Davyíbe jasi jíñu day?” <sup>24</sup>Rityuvachodanumatij Varyisévuedabarya ruutajádoda, rúteda jita variy ruuva: “Vinu bayantu nutyiyu Satanásimiyusiy sani jatyajayasara jíñu vanuriy bayantuveda nijyanvayyasiy.” <sup>25</sup>Sadatyadanumatij Jesúsra rijehipiyajada, suteda jita variy ruuva: “Riryiñumatij panariy jíñiqueyadamu curaca nijyanvay nuñi riy jíñijyu, riryaraay variyu, mityanuma ramachó rivyicháda variy; vichádajánvay jarye rájuraay varintiyi. Varimyata rorijyanvantiy, riryiñumatij panariy jíñiqueyadamu nuñi riy jíñijyuntidye, ne riryichuruy variy. <sup>26</sup>Daryaday ravicha Satanásiy nusuyadamuntiy; riryityi panariy jíñiqueyadamu Satanásivyeda jíñijyuntidye, ¿nutyichiñuma rasuruy sansuyada varintiyi, nutyichiy? <sup>27</sup>Raryityi jatya Satanásimiyusiryi bayantuveda, ¿chí vanuyadata rijetyasara jiryetyevadyeryi bayantu-

veda nijyanvayasiyde, chí? Ramunítij riryadityanu jiryetyevarya jiryecyara-yada. <sup>28</sup>Ray jíta raryi jatya Jüdenu Jnututa riy bayantuveda nijyanvayyasiy, ranuma Jüdenu nusuyada rañi jí jiryimu. <sup>29</sup>¿Nutyuramusiy tí jayadasara ravimu saroriy vanu vanurya nutyu savichasara bayantu nutyiyu, nutyuramusiy? Ne saryi jay yatidye sovaryá sabarya variy, tetya sapuchusasiy munatayau. Rivasiy jíta sasovarya sabarya.

<sup>30</sup>Mínityimiyu ne vichasara risa jvaañu, savichasara jíta rayaroju; daryadantij mínintiyimiyu ne jmutyarurye, jiryatij rañi jutyeryaniryuryi nijyanvay, suresara variryi. <sup>31</sup>Ramuní ritay jiryiva: Saramityaniy Jüdenura juuchueda títaju nijyanvavya, títaju riryavityiyeyadiva jarye; vinu rityi javityiyení Jüdenu Jnutu, ne saramityaniy Jüdeno ruuvara. \* <sup>32</sup>Mínityi ranique sayaroju Nijyamídeno, saramityaniy mitya rajyerya. Mínintiyi jíta ranique sayaroju Jüdeno Jnutu, ne saramityaniy mityara saniquejada, ne vinu diye, dantyamuy ne junareju.”

**Jesús datyadoda:**

**“Vudyetyara nínu rajomusiy”**

(*Dúcasiy 6.43-45*)

<sup>33</sup>“Jiryantya datya samij vuvyichasádanchiy, nutyu nínu, raryityi vicha samiñu, darya samijyo raryicha rajontidye; raryityi vicha nicyarañu, darya nicyarajyo raryicha rajo varintiyidye. Tapi vudyetyara nínu nuñi rajonchiy daryaaju. <sup>34</sup>¿Codyetyav rapuryamiy! ¿Nutyichiy jiryanique samirya tara, nutyichiy? jiryatij

\* **12.31** Jiryatij rúteda Varyisévuedabay: “Sani jatyasara Jesús riy bayantuveda nijyanvayyasiy, bayantuveda nutyiyu Satanásimiyusiy,” riryavityiyeyada variñi Jüdeno Jnutu.

nicyarāmyi daryaju jiryē. Vuryitōsiy jīta rasipyatachara niquejada daryaju, jiryatiy vūbeyada vūjechimyura.

<sup>35</sup>Daryaday sivaachara samiy nijyamīra samiy jvaayadantiy, jiryatiy rajontay sajachiy samirya jachipiyajadamusiy. Sivaachara jamirya vicharara vācha jvaayada, jiryatiy rajontay sajachiy vācha jachipiyajadamusiy. <sup>36</sup>Rītay jīta jiryiva: Tītaju niquejada jiryatiy vūñique mityara, vuryaday murichenura ramurichirya Jūdenu murichenutadeda rundamu. <sup>37</sup>Tapi vūñiquejadamusiy jīta sajtay Jūdenu vūñicha samivye, varimiyata sajtay vūñicha nicyarāmyi.”

**Vācha vichavay jachiñuyadara mityamusiy dityadoda**

(Mārcu 8.12; Dúcasiy 11.29-32)

<sup>38</sup>Jadchiy jīta rūmutyājada Jūdenu niquejada datyanuvay tevabe, Varyisé vuveda tevabe jarye ruusajūni:

“Datyanu, nūvyata diyada yimusiy riva mityamusiy dityadoda.” <sup>39</sup>Sumutyājada jīta Jesús variryi: “Nijyanvay jamirya vichavay, jiryatiy rityochicharani Jūdenu nūtyu rityochichara jmuchanuvedanumiriyi jivyatuy, riñi vatasara ranācho mityamusiy dityadoda. Ne riryadiy jīta riva mityamusiy dityadoda day, vinu ra jiryatiy sabayada Jūdenu Jonásibenchiy tūchodara, nītiy vichanuyada tārīy Jūdenuju tūchu.

<sup>40</sup>Tapi nūtyu savichada Jonásibe mumurundamiy tītaju quivasuma vimu, daryaday sachasara Nijyamidenu mumurundamiy tītaju mucadinubentiy.

<sup>41</sup>Ññīvye janvay bayanumiy jīta ranubesumiy tamitya rundamu, riryatidye tūchuta riy diye vichavay, tapi rivyitya paruyada variy riva tārīy jivyichada, rityuvāchodanumatirya Jonásibe niquejada Jūdenunchiy. Dañuma sanīcha tīqui vanu jaryi

datyara simusiy Jonásibe, dantyamuy ne rityuvāchuruy diye nijyanvay variy simu day. <sup>42</sup>Nanānubesiy jīta ranro nutyityutoda bayanu tamitya rundamu, nanatidye tūchuta variryi diye vichavay, jiryatiy naditījada mucadi sūtyeryamusiy, nanatidye tuvāchura Sadumūbay datyada. Dañuma sanīcha tīqui vanu jiyu, jaryi datyaravaju Sadumūbamyusiy, dantyamuy ne rityuvāchuruy diye nijyanvay ramusiy simu day.”

**Jesús datyadoda bayantu jamirya vicharanchiy, jiryatiy sataryajada yibivaju**  
(Dúcasiy 11.24-26)

<sup>43</sup>“Sasipyatedanumatiy bayantu jamirya vichara sivasiy vanu, savūtayānumayā vassatova variy, savātanayā ranācho samityo yajijū jasityi sani nta yajīituy. Ne sasarye jīta daryajura. <sup>44</sup>Jadchiy jīta sajachipiya: Rātaryavā rībivaju day. Sasaryenuvī jītani vanuntiy, nūtyu mitya roriy nunichara, samiy j dutyasara nta tītajura. <sup>45</sup>Jadchiy jīta saya, sapūchiy yisaju riy danūjūñiyate bayantu rapuryamiy, jiryatiy jamirya vichavavyaju simusiryi. Rije jīta jivyichadaju jasiy siva. Samācho jīta vanu variy jaryi jamiryanu ruumusiy, tārīy jivyichada jiyadaju. Daryaday rāchasara rijyu diye vichavay nijyanvay nicyarāmyintiy.”

**¿Muvye riñicha sīteno Jesús tevay, muvye?**

(Mārcu 3.31-35; Dúcasiy 8.19-21)

<sup>46</sup>Saniquejadanumatiy Jesús darya ruuva nijyanvay, mityamusiy nanuvichada raniñuy bimu Jesús jnōdabay, sataryivedabatya, riñi vātada sanācho, riryatidye tūchu sisā. <sup>47</sup>Tī tūchoda variy siva: “Nanuraniy yinōda bimu,

jityeryivedata, riñi vata jiñecho riryatidye tuchu yisa.”<sup>48</sup> Sumutyajada jita varini tuchu: “¿Miñuña rinoða, miñuy? ¿Mira ratyeryi, mi?”<sup>49</sup> Saratyadanumatirya jiyomutu riñecho yisa datyavavyedabay, suteda varyi: “Jiñuyiñada rinoða, jivyetyiryi ratyeryivedantiy.”<sup>50</sup> Tapi minityi jvaaryurya ratiy savata rajye Jarichumuvichi jvaayada day, nini jita ratyeryi day, rityamutu jarye, rinoða jarye ruusaju.”

**Jesús tuchoda nutinchiy**  
(Márcu 4.1-9; Dúcasiy 8.4-8)

**13**<sup>1</sup>Variryundamu jita sayada Jesús, samasanuvejada jimityojiniy varyi.<sup>2</sup>Riintyeryadeda jita nijyanvajuuvedabay simuyu. Pariche sumusada carteyvimu, samasanuvejada ravimu varyi. Nijyanvajuuvedabay jita rañi radeda tichancha varidye.<sup>3</sup>Satuchoda jitarajuura datyadoda, dityadoda niqejadata. Suteda jidyetyadodamu nuta:

“Sayada jita tiqui nuti nutadanacho.

<sup>4</sup>Santadamu jita rajuyajada ratesiy núva, riibyesumiñuvijada jita nipyatavay varirya.<sup>5</sup>Ratesiy jarye juuyada ravichu cabyiva, jiryatimyu ne vatanuco ravichada mucadi jasiy. Varicharaju radipuvesubeda varyi jasiy, jiryatimyu ne vatanuco mucadi jasiy.<sup>6</sup>Navapyunumatiy savichada jiñi varyi, ramumya varyi sadára nutasara, jiryatimyu ne jnutyara ravichada daryaju, ramunityi ramuyada varyi.<sup>7</sup>Tasiñi juuyada cariitujnutincha day, rani cariitu jotada javyeda rajisiy nutasara day, radiryododa varyi jasirya.<sup>8</sup>Tasiñi juuyada samiy mucadimu day, jasiñi jita rasinteda samirya. Rajavyedanumatiy, rasayada jita varyi, tarani jayada day rasayada taraqui pachasijyu, tarantiy jasayada taraquinijyate vuyajuchijyu, tarantiy jasayada mumuri vuyajuchijyuntidye.

<sup>9</sup>Jiryetyuvachutata tuyutavay.”

**Nutyuraju saniquejada Jesús dityadoda niqejadata, nutyuraju**  
(Márcu 4.10-12; Dúcasiy 8.9-10)

<sup>10</sup>Rityuudiyada jita sisa datyavay varyiyu, ruteda jita varyi siva: “¿Nutyuraju jiñique dityadoda niqejadata ruuva, nutyuraju?”<sup>11</sup>Sumutyajada jita variryi: “Jiryeyu jita sasayada Jüdeno darya datyada day, jiryatimyu mityamusiy datyada Jarichumuvichi nusuyadanchirya, rijyu jita ne sasayada darya.<sup>12</sup>Tapi simu jiryatimyu taratini, sasay Jüdeno varyi junantiyiñi, rajuuraracha simu varyi. Simusiy jita jiryatimyu ne taratini, sasovay Jüdeno varyi simusintyirya jiryatimyu simuntidyerya.<sup>13</sup>Ramuni rañiquesara dityadoda niqejadata ruuva, jiryatimyu dañuma runuy, ne ridiy varyi tariva; dañuma rityuvachu, ne ridiy varyi tariva; dañuma rityuvachu, ne ridiy varyi tariva; dañuma rityuvachu, ne ridiy varyi tariva.”<sup>14-15</sup>Ruumu jita, ritotanimya Jüdenuju tuchu Isayiasibe tuchoda:

Jiryeni jita ratuvachu, tama

jiryadaty varyirya, tama, jiryajnyu ranacho, tama jiryadi varyi riva, tama. Tapi ne radaty rijechiy jivyey nijyanvay, ne riryadaty varyi ramusiy. Rimyutano dyetyara jiñisy, riñuma jnyu, jaryi surra riberya jityuyuvudi, riñuma tuvachu, rijechiy jarye jibe surra, riñuma datyara. Riryityi datyara, varityi riryijetyara taji jachipiyajada, variñiday raryijetya ruuvasirya jiyuuchuvada.

<sup>16</sup>Jiryeni jita Jüdeno jmytyasavay, jiryatimyu jiryedyi jiñisitya, jiryetyuvachuntiy jityuyuta.<sup>17</sup>Ritatye sitenu jiryiva: Rajuu Jüdenuju tuchuvabe, vase vichavabe jarye, riñi diryuyada riva jiryatimyu jiryedyi diye riva, tama ridiyada riva, tama; daryantya, riñi tuvachuruyadantidyerya jiryatimyu jiryetyuvachura, tama rityuvachoda nunrya, tama, mitya.”



**Jesús datyatadedara tuchoda nutinchiy**  
(*Márcu 4.13-20; Dúcasiy 8.11-15*)

<sup>18</sup>“Jiryánuma tuvachu varirya dityadoda niquejada nutinchiy.  
<sup>19</sup>Satuvachunumatiy tıra Jüdenü nusuyada datyadoda, netimyu ne sadatya didyerya, sunichara jita bayantu nicyaray variy, sasovacharara jiryatiy nutasara sajachimyura. Jiryatirya rasiy jiryatiy nutasara núvara.  
<sup>20</sup>Rasiy jita jiryatiy ravichu cabyiva nutasarara, rani jita nutyu nijyami, satuvachunumatirya Jüdenü niquejada, sumutyasara variy jichanayadamura.  
<sup>21</sup>Jiryatimyu ne jnutyiy daryajuni, sajachinichara vinu taraquidejuyu. Sadatyasaranumatirya parutyasada Jüdenü niquejadiva, ti jiyasantasara Jüdenü niquejadiva risajuntiñi, ramutiy saparuryuchara variy riva.  
<sup>22</sup>Jiryatiy nutasara cariitujnutiy cabyiva, rani jita nutyu nijyami, sani tuvachura Jüdenü niquejada, sajachipiyasara jaryi variy taranjyu, jirya vichadivasiy, jaryi suncanucharara tarati vichada jarye variy. Ramunütiy radiryonusara jasirya Jüdenü niquejada, ne vanay rajay satuvachodamu variy.  
<sup>23</sup>Rani jita jiryatiy nutasara samiy mucadivara, rani jita nutyu nijyami jiryatiy rañi tuvachura Jüdenü niquejada, sadatya-sara varirya. Nini jita nutyu samiy nutasarasiy nta sajachara, sasachara jita variy. Tini jasayada taraqui pacha saraju day, nuntiy taraquinijyate vuyajucharaju, tamityintiy jasayada mumuri vuyajucharajuntidye.”

**Jesús tuchoda vachunchiy, jiryatiy jarusiy cabyiva nutasarara**

<sup>24</sup>Satuchoda jita Jesúsra ratarya dityadoda niquejada:  
“Jarichumovichí nusuyada jita ranicha nutyu vanu nta jiryatiy sani

nutadara samirya nutasarasiy yindimyu.  
<sup>25</sup>Nijyanvay mayadamu, suseda jita samityasiy, santada samiy nutasarasiy cabyivara vachutyadi, sataryada jita variy rivasintiy.  
<sup>26</sup>Radipuvañumatiy ravi, rasivyeda varintiy, ramutijada vachuy variy risajuntiy.  
<sup>27</sup>Rüdeda jita nudijyami muchechimiyi yimu, rüteda variy siva: ¿Neviy yintada nutasarasiy samichiy yindimyu day, Patru? ¿Nutyuramusiy variy vachuy ramu day, nutyuramusiy? <sup>28</sup>Nini jita jteda ruuva: Jirya jita mityasiy jvaayada day. Ruteda jita samuchechimiyi variy yiva: ¿Jivyataviy nuñasipyatara vachuy? <sup>29</sup>Sumutyajada jita variry: Ne, jiryenuma tiirya jarusiy risaju vachuy.  
<sup>30</sup>Rama javye vatajuu, ratosada rundasaraju. Ratosada rundamu jita ratuchosiy ruuva jvaavye, riryajato munatyara vachuy, riryapuchu mityatuuju rupedajura. Jarusiy jita riryajato rabajyovimuju day.”

**Jesús tuchoda quicadatinchiy**  
(*Márcu 4.30-32; Dúcasiy 13.18-19*)

<sup>31</sup>Satuchoda jita Jesúsra ratarya dityadoda niquejadantiy:  
“Jarichumovichí nusuyada jita ranicha nutyu quicadadi nta day, jiryatiy sireda vanura, santada variy yindimyuntirya.  
<sup>32</sup>Dañuma pasityadidera ranicha ratadi, rajavyeñumatiy ravicha jamura tiquiraju tara nutasaramusiy. Rajavye jamuqui jiiqui nipyatijijuntiy, jasityi saruuvyeñuvi rajiicamu variy.”

**Jesús tuchoda pa carivatyanchiy**  
(*Dúcasiy 13.20-21*)

<sup>33</sup>Saniquejada jitarata ratarya dityadoda niquejada ruuvantiy: “Jarichumovichí nusuyada jita ranicha nutyu pa carivatya nta, jiryatiy nanubayada vaturuy mumuri quinu pajurudinubera, jasicharajuti racarivay títaju variy.”

**Jesús datyadodariy nijyanvay vinu  
dityadoda niquejadata**  
(Márcu 4.33-34)

<sup>34</sup>Jirya datyadoda títaju saniquejada Jesús dityadoda niquejadata ruuva nijyanvayuuvedabay. Saniquejada jíta ruuva vinu dityadoda niquejadamu.

<sup>35</sup>Ranĭ jíta ranĭcha satidye jtotanirya Jüdenujü tuchubay jteda:

“Ramuttara rĭto ratidye nique dityadoda niquejadata; ratüchu varirya jiryatiy dutyasara mucadi judesadamusidyerya.”

**Jesús datyatadedara tuchoda vachunchiy  
jiryatiy jaruusiy cabyivara**

<sup>36</sup>Jadchiy jíta satocheda Jesús riy nijyanvayuuvedabay, sajayada jíta rorivyimu. Rityuudiyadanumatiy sisa datyavavyedabayu, rüteda variy siva: “Yadatyanu nurya raniquejada tuchoda vachunchiy nta, jiryatiy nutasara nta nudimyura.” <sup>37</sup>Nĭnĭ jíta jmyutyajada variryi: “Nĭnĭ jíta jiryatiy santada ntara nutasarasiy samichiy, nĭday sanĭcha Nijyamĭdenu. <sup>38</sup>Nudiy nta jíta ranĭcha jirya mucadi. Nutasarasiy samichiy nta jíta riñĭcha Jüdenu nusuyadamuju javye. Vachuchiy nta jíta ranĭcha bayantu nicyaray quivuchuvay.

<sup>39</sup>Mityasiy jíta jiryatiy santada ntara vachutyadi, bayantu nutyityü daryaju dañĭ. Ratosada runda jíta ranĭcha jiryatiy tamitya runda darya. Ratovay jíta Jüdenu jpvadye. <sup>40</sup>Daryatiy riryatora vachuy jiidomyu rupedaju, daryaday rachašiy tamitya rundamuntiy. <sup>41</sup>Sajpa Nijyamĭdenu riy yipavay, riryatidye jatosara sansuyadamusirya títaju jiryatiy juuchanuvaryi, Jüdenu jiyaronuvay jarye ruusaju. <sup>42</sup>Riryajatya rĭpavay jiidatyomuju variryi. Jasiñĭ jíta riryajnavya nijyanvay variy, riryasuy

jíta jijyadajchantiy. <sup>43</sup>Jadchiy jíta riryaviiday vase vichavay, nutyu jiñĭ nta, Vujoye Jüdenu nusujyomu. Jiryetyuvachutata tuyutavay.”

**Jesús tuchoda dutyasaranchiy  
jiryatiy jaryi murichevaryara**

<sup>44</sup>“Jarichumuvichĭ nusuyada jíta nutyu tara nta jiryatiy jaryi murichevaryara, jiryatiy ravichanuyada dutyasara nudivya. Sasaryejadanumatiy tĭqui nijyamĭra, samutadodantirya. Sĭchanayadamu, sayada jíta variy, sataryutyadara jiberya títaju jiryatiy simura, satidye taryuy variy ramurichiryatara nudiy.”

**Jesús tuchoda pérdanchiy  
jiryatiy jaryi murichevaryara**

<sup>45</sup>“Junantyĭ, Jarichumuvichĭ nusuyada jíta nutyu ricyatü nta jiryatiy savatanumayajada ranacho pérda samichiy. <sup>46</sup>Sasaryejadanumatirya tasiqui jaryi jamura murichevaryara, sayada variy, sataryutyadara títaju jiryatiy simura, satidye taryuy varirya pérda.”

**Jesús tuchoda jamu riicyanchiy**

<sup>47</sup>“Junantyĭ, Jarichumuvichĭ nusuyada jíta vichasara nutyu jamu riicya nta, jiryatiy rijetyada jmytomura. Rireda jíta jamu riicya variñĭ quivajuu jaryedo. <sup>48</sup>Rámuchadanumatiy riicya quivaju, rityiyyada nijyanvay variy tĭchanchajura. Rimyasada riicyanuvay quiva jaryetadaju variy jasiy. Ribeyada jíta jtyuvimunĭ quiva jiryatiy jmyichĭ dañĭ; jiryatimyu ne jmyichĭ dañĭ, rijetyada variy jaamuntiñĭ. <sup>49-50</sup>Daryaday racha tamitya rundamuntiy. Riryajaryetanuve Jüdenu jpvaryi nijyanvay nicyaramyi riquebyivasiy vase vichavay, riryajatyasara variy jiidatyomuju variryi. Jasiñĭ jíta

riryajnavya nijyanvay variy, riryasuy jita variy jiyajachantiy.”

**Suteda Jesús: “Jasirya samirya datyada tarijyemyi datyadamu, vadi datyadamu jarye risaju”**

<sup>51</sup>Sitajadoda Jesús variryi yisa datyavavyedabay: “¿Jiryedyetamavirya jirya titaju day?” Ruteda jita siva: “Joonu.” <sup>52</sup>Nini jita jteda variy ruuva: “Ramuni nuñi Judenu niquejada datyanuvay tenu jiryatiy datyasi Jarichumuvichi nusuyadamu jayadajuni, sanicha nutyu rorijyami nta nitiy rañi sipyatasara rabachajomusirya vadi datyada, tariy datyada jarye risaju.”

**Jesús jañuyada Nasaryému**  
(Márcu 6.1-6; Dúcasiy 4.16-30)

<sup>53</sup>Satuchumuyadanumatiy Jesúsra jirya dityadoda niquejada, sayada jita jadchiy. <sup>54</sup>Sitijadanumatiy jivyichajomuntiy, sadatyadoda variy riintyeryanijyomu nijyanvabeyu. Rityittada jítara sadatyadoda, riñiquejada variy: “¿Tesiya sadatya jiñu vanura darya datyada day, tesiy? darya mityamusiy jvaayada jarye. <sup>55</sup>¿Ninita jiray jvaañu denuday? ¿Neviy sunoda Mariya jtyatanuy, sataryiveda jarye Santiyácu, Jusíy, Siimyo, Judásiy jarye sisaju day? <sup>56</sup>¿Va sityamutuveda cay, nutyi jiyu jtaday riñicha vuryisa day? ¿Tesiya jita sadatya jiñura jirya titaju, tesiy?” <sup>57</sup>Ne samirya ridiyada variy sivanuday. Suteda jita Jesús variy ruuva: “Vinu taji vichavañi tuvachu simu Judenuju tuchu, satuunuvichi jitamuy ne tuvachuruy yimu day, sarorimyu vichavay jarye ne tuvachuruy yimu.” <sup>58</sup>Ne sivaañuyada Jesús rajuurá mityamusiy tara jasiy, jiryatimyu ne rityuvachuruñuyada daryaju simu.

**Juán Bautístabay jvachadanchiy**  
(Márcu 6.14-29; Dúcasiy 9.7-9)

**14** <sup>1</sup>Variryundamu jita satuvachoda nutyityu Jeródesberya saticheyada Jesús. <sup>2</sup>Suteda variy ruuva jimyuchechimiyibe: “Jiñutiñi Juan Bautístabay. Samisashumimya diibyimusiy, ramuni ravichasara jaryi datyada simu.”

<sup>3</sup>Tapitya sirtyadeda Jeródesbeñi Juan Bautístabay, sapuchutadeda jitanj, sabayada nupocu rorivyimu variñi. Jerodiyajube jiyasayadamu savichadeda darya variñi. Nanuvichada Jerodiyajube Jeródesbe taryibay vaturube, jiryatiy Vedípe jtyatibañi. <sup>4</sup>Jiryatiy suteda Juan Bautístabay siva Jeródesbe: “Jubachara jita yavichasara nadisa jityeryi vaturuy Jerodiyajuy,” ramuni savichadeda daryani Juánbay. <sup>5</sup>Dañuma suvaryuñuyada Jeródesbeñi Juánbay, sasuvuñuyada riy nijyanvabe jiryatiy ridiyiñuyada siva Juánbay nutyu Judenuju tuchu. <sup>6</sup>Jadchiy jita, ravichadanumatiy sanijya jtajada Jeródesbe, sarayajada Jerodiyajube detubay musuchavabe diya, jaryi suncanuyada Jeródesbe varirya sarayajada. <sup>7</sup>Suteda Jeródesbe variy Judenu jtyamu siva jidyetuvichibay: “Raday say ji jiryatiy yajachiñuy rivara.” <sup>8</sup>Sumutyajada vatura variñi daryatiy nanudatanunuyada jityaju sunodabadyeyu: “Yasay Juan Bautista jno diyede musirye, sidyepyecyavimu.” <sup>9</sup>Sayivatyada jita nutyityu Jeródesbe variyu, dañuma sani jpajada riryasay nira, jiryatiy saniquejasiy Judenu jtyamu jimyusuvye diyara. <sup>10</sup>Supajada jita variryi riryatidye rachara suno Juánbay nupocu rorivyimu. <sup>11</sup>Rutoda jita variy sidyepyecyavimura suno, richeyada variñi vaturabay, niday jita rañi jtoda yinodabamyujura.

<sup>12</sup>Juánbaysa datyavavyedabay jita jiryijada varirya sababyi, rumuchoda varirya. Rityuchunuvejada jita siva Jesús variy ranchiy.

**Jesús potyadeda riy tadajyo  
varança vaduy**  
(Márcu 6.30-44; Dúcasíy 9.10-17;  
Juán 6.1-14)

<sup>13</sup>Satuvachodanumatíy Jesús Juán Bautístabay batyedanchiy, sanumuteda jita carteyvimu jadchíy vayitomuju. Ridyetyadanumatíy nijyanvajuubarya riyada Jesúsveda, richiityarijada jinnumututa titaju vichadivasiy variñi Jesús. <sup>14</sup>Ruutanuvejadanumatíy Jesúsveda, ridyiñuvejada ruuva nijyanvajuubay, santutyada jita Jesús variryi, samisadeda variryi rúdivajnuvay. <sup>15</sup>Riñuvayadamu, ruutijada jita sisa datyavavyedabay yimu, ruteda variy siva: “Vúvyicha vayitomu jiyu. Jiryatíy riñuvañuma, yatúchu ruuva nijyanvajuuu riryatidye jiyasiy rorivyichamu, riryatidye taryuy jimíysaraju variy.” <sup>16</sup>Suteda jita Jesús ruuva: “Ne ravatara riyada. Jiryantya potyaniy jiyu riy nijyanvajuuu.” <sup>17</sup>Ruteda jita variy siva: “Ne tara rajuura jmyichara ndyimu jiyu, vinu tadajyojo pa, danujuy quivajuy risaju.” <sup>18</sup>Suteda jita ruuva: “Rumusiy jiyujura.” <sup>19</sup>Samasatadeda jitariy nijyanvajuubay vachuncha variy. Siredanumatirya tadajyojo pa, danujuy quivajuy risaju, sunuyada jita jarichunacho variy, sichanatyada variñi jijye: “Yabay samiy nujjura jmyichara.” Sapatatiyada jita varirya pajo, sasayada variryi yisa datyavavyedabay, riñuma jita sayada variy nijyanvantiydyerya. <sup>20</sup>Riibyeda jita titaju, ripyoyada variy riva. Riryeda jita jtyu panujora jmyicharajuve, vuyajuy jtyu, dajtyujuy ranchaju. <sup>21</sup>Jiryatíy riibyeda jasiy, rivychada

tadajyo varancatuunu vaduy, rivychada vatuy jarye, deramiy jarye ruusaju rinchaju.

**Jesús rupiyada jmityo dutuuvya**  
(Márcu 6.45-52; Juán 6.16-21)

<sup>22</sup>Varicharaju sumusanityadeda riy yisa datyavavyedabay carteyvimu: “Jiryanuma jiya rajiju rudamyuju, ratuchuchijedyi ruuva nijyanvadye.” <sup>23</sup>Satuchuchedanumatíy ruuva nijyanvajuuu, sayada jita jamu musimiyuju satidye tuchu yasiquita sisa Judenu jasiy. Riñupuyadanuma sasiquita variy jasiyu. <sup>24</sup>Cartyequii jita ripyapunuma munayjisidyerya, rasantajanuma riyerya variy jasiydyerya, tapi riicho daryaju jurirya. <sup>25</sup>Rappatyiryamu, sayada Jesús yisa datyavavyedabamyu, jmityo dutuuvya, sarupiyada ruumuju. <sup>26</sup>Sisa datyavavyedabay jita riñi diyadanumatíy siva sarupi jmityo dutuuvya ruumuju, runteda jita variy: “iBayantu dyetya!” Richeñeyajada jita jichuvyadamu variy. <sup>27</sup>Varenude suteda Jesús variy ruuva: “Ne jiryajachipiya raniyyu suvuyada. Randye. Ne jiryajnutay.” <sup>28</sup>Sumutyajada jita Pyítrubay variñi: “Jiñita Nutyityu, yarupityaniy yimuju jaa dutuuvya darye.” <sup>29</sup>Suteda jita siva: “Varenumacu.” Sumusada jita Pyítrubay variy cartyequiivimusiy, sarupicheda jita jaa dutuuvya Jesúsmuju. <sup>30</sup>Sadiyadanumatíy Pyítrubay riva riicho, sasuvuyada jita variy. Sajotada jita jayada variy, sasañeyajada: “iYajantuy riva, Nutyityu!” <sup>31</sup>Varicharaju saratyada Jesúsra jiyjyase, sireda jita variy jasiñi, suteda variy siva: “Ne jaryi jachipiyya ji. ¿Nutyuramu jijechipurya jijechipiyajada, nutyuramu?” <sup>32</sup>Nanasubeda jita carteyvimujuntiy, randasada jita riicho variy. <sup>33</sup>Jiryatíy carteyvimu daryi, riryadasiyodya

Jesúsna<sup>h</sup>chojuyú, rúteda jíta variy siva; “iJiñi sítenu Jüdenú denu!”

**Jesús mįsadedá riy jdivajnuvabe  
Jenesaryé mucadimú**  
(Márcu 6.53-56)

<sup>34</sup>Riryamityedanumatyí rudamyujú, ruutojada jíta Jenesarýé mucadimú.

<sup>35</sup>Ridyetyadanumatyí jasiy vichavay vadubeñi Jesús, rupajada jíta variryi tuchuvay ruro vichavamyú títaju. Ruutitáda variy Jesúsmu riy títaju jiryatyí jdivajnuvaryi. <sup>36</sup>Riyasantáda variñi: “iVinú jichujay jidudyenyí rajatyaquiii!” Rityí jatyjada raniy, rimiysáda variy riva.

**Nutyuramusyí samínu nijyamí Jüdenú  
diyayú, nutyuramusyí**  
(Márcu 7.1-23)

**15**<sup>1-2</sup>Jadchiy jíta ruutijada Varyisévuedabay, Jüdenú niquejada datyanuvavyedabay jarye Jesúsmu, Jerusarímusyí, ruutajádoda variñi: “¿Tarajura riryavatya yisá datyavarya tarijyemyi jtedamu vichasáda, taraju? Tapitya ne richuutara jijyomutu jibyedajisiy.” <sup>3</sup>Sumutyajada jíta Jesús variryi: “Va jiryeeque, ¿tarajura jiryavatyara Jüdenú jteda, taraju? jiryatidyé jiriryira tarijyemyi jteda variy. <sup>4</sup>Tapi suteda jíta Jüdenú vuryiva: Vuryantya tuvachu simu vujye, vuryinodamu jarye, jadchintyí: Nítíy rajavityeñi jijye, varimyata sunoda, riryama jvachara variy rivani. <sup>5-6</sup>Jiryeni jíta rañi jtay: Saryityí jtay nijyamí siva jijye, varimyata sunodava yítay: Racheyasimýate Jüdenúra jiryatyí raryi jmútya raberyaterata sáda, ne sátuvachu variy simu jijye. Ramuní jiryebeyada mityara Jüdenú niquejada, tarijyemyi jteda siityarijadaju. <sup>7-9</sup>iJiryituyada vichavay jiryé! Sítenuñi sani tuchoda Isayíasibe Jüdenuju jiryenchiy:

Jivye nijyanvay jnuvay jiñiqueja-data rivayú, rijechiy jíta ripya rajisiy varidyé. Riryadasíñu mitya ratyúunuyú, jiryatyí riñi datyadoda nutyu Jüdenú jteda ranicha daryaju nijyamí jteda.

Nurya sanuyada Isayíasibedyerya.”

<sup>10</sup>Sanatuyada jíta Jesús variryi

nijyanvabe yimujú, suteda variy ruuva: “Jiryetyuvachutáta, jiryedyetyatántantíy.

<sup>11</sup>Ne vumecho jiyasachavay rucosiy tara jiryatyí vuryi jmyidyerya; rani jíta rajjuuchanu vuy, jiryatyí rasipyatay vujechivyimusidyé.”

<sup>12</sup>Rityuchunuvijada jíta sisá datyavavyedabay variy siva: “¿Jidyetyavidye Varyisévueda vichasiy javityiyechavay jiñiquejadiva day?” <sup>13</sup>Sumutyajada jíta Jesús riy: “Títaju nijyanvay jiryatimýú ne rityuvachuruy simu Rajye, rivyichasara nutyu nutasara jiryatimýú ne santáda Rajye Jarichumuvichira, rāchasara variy nuputasara. <sup>14</sup>Riryechamiy Varyisévueda. Rivyichasara jíta jiyantavamiy nįsipyuryimi. Saryityí mutay nįsipyuryiñi jityeryi nįsipyuryi, nanajuyy mityijyijyuy vatajomu.” <sup>15</sup>Suteda jíta Pyítrubay variy siva Jesús: “Yadatanura raniquejada, jiryá dityadoda niquejada.” <sup>16</sup>Suteda jíta Jesús variy ruuva:

“¿Daryani ne datyavatye jiryetye didye?

<sup>17</sup>Ne jiryinutyeyú, jiryatyí simyí nijyamíra tara, raramijechara variy savimujú, jadchiy jíta raramijetyityi saquinajyomujú. <sup>18</sup>Rani jíta jiryatyí rani sipyatay vuryitosiy, vujechimyusidyerya; rani jíta rajarupanuní nijyamí. <sup>19</sup>Tapi rasipyatay nijyamí jachivyasiy jachipiyajada, jiryatyí rani jachipiyataniy nicyaray jvaayadajuni, nutyu nijyamí juvedaju, ti vaturujsa rupiyadaju, cadnavedacanuyadaju, paradodaju, quivuyada tuchoda tinijyu, javityiyeyadaju jarye títaju. <sup>20</sup>Rani jíta jarupanusarani nijyamí. Jiryatyí sani

jmyirya tara netimyu sasuutá dara jiyjomutu didye, ne rajarupanu variy rivani.”

**Nanutuvachoda taji vichada jamunube simu Jesús**  
(Márcu 7.24-30)

<sup>21</sup>Sayada jita Jesús jadchiy, sanumuteda variy Tíru juroju, Sitú juroju jarye risaju. <sup>22</sup>Mityamusiy nanumutijada vaturuy Caná jamunube, jiryatimyu ne nanuvichada Judíyutoda day. Nanuniquejasubeda jita jasiy: “iYajantyutyate ray, Nutyityu, Davyíbe jasi! Radyetu jita vichasara jaryi jarupantasi bayantuta.”

<sup>23</sup>Jesús jita ne jmutyajada nada, mitya. Rityuudiyadanumatiy sisa datyavavyedabayu, riyasantada variñi: “Yajpa vuryimusiy nada, jiryatyi nanunatyutyi vuryudivasivyuy.” <sup>24</sup>Sumutyajada jita Jesús variryi: “Supajada jita Rajyerye, vinu ratyevay Irayénuvedamu, jiryatyi caravye Jüdenu núvasiryi.”

<sup>25</sup>Nanádasiniunuvijada jita vaturube variy satuunu Jesúsyu, naniteda variy siva: “iNutyityu, yajmutya ray!”

<sup>26</sup>Sumutyajada jita variñada: “Ne samirya vuryasovarya Jüdenu jmutyada, nutyu raryi vicha deramiy jmyisara, vuryatidye jatya variy ruumuju jiryatimyu ne Jüdenu jaryetasavaryi, nutyu vujetyara jmyichara ruumuju vuryasimiy nibyimidyera.”

<sup>27</sup>Naniteda variy siva: “Jo, Nutyityu, dañuma ranicha, nutyi sani jmyidye nibyidera rariy misara jmyichara daryuujyuu, jiryatyi rajuyaya sajami misanchasiy.” <sup>28</sup>Jadchiy jita sumutyajada Jesús nada: “iVaturuy, jaryi tuvachuruy sada! Daryanuma racha sadaju, daryatyi sadavatasara.” Samisada jita nanudetubay varicharaju.

**Jesús misadeda riy jdivajnuvajuubay**

<sup>29</sup>Sayada jita Jesús variy jadchiy, saramiryijada variy Cadidéya

jimityojido. Sasubeda jita variy riva musiqui, samasada variy jasiy.

<sup>30</sup>Ruutijada jita nijyanvajuusuma variy simu, ruutitada yisa variryi canuyasivyeda, jarapuyanimiy, nisipyurymiy jarye ruusaju, niquejasamiy, rajuuvey tara jdivajadatavay jarye ruusaju titaju, ribeyada Jesús numututuunu variryi. Samisadeda jita variy jasiy.

<sup>31</sup>Rityitada jita nijyanvarya, jiryatyi ridiyada ruuva niquejasamiy jiryatyi riñiquejada daryaju, jarupanusavay jarye vichada ratyevye, canuyasivyeda jarye vichada vase rupivye varintyi, nisipyurymiy jarye vichada nisityavay titaju ruusajuntiy, riichanatyada variñi Jüdenu, Irayénuveda nutyityu.

**Jesús potyadeda riy daryajuuy varanca vadube**  
(Márcu 8.1-10)

<sup>32</sup>Jesús jita natuyada variy yimujuriy yisa datyavavyedabay, suteda variy ruuva: “Rantyutya jitariy nijyanvay, tapi rimechosiymumurundamiñuma jiyu risa riy, netara jnay tara riibyedaju, mitya. Ne riparuy rimusiy jachinumu riy, riñuma diiryovay nütasa.” <sup>33</sup>Ruteda jita sisa datyavavyedabay variy yiva:

“¿Tesiynunasharye jivyeyemytyadedajura pa, tesiy? nunatidye potyaniryi nijyanvajuusuma.”

<sup>34</sup>Sitajadoda jita Jesús variryi: “¿Nuriyjo pa jiryimu, nuriyjo?” Rumutyajadani: “Dajojuñiyate, quivamidye jarye risaju.” <sup>35-36</sup>Samasatadedanumatiy Jesús mucadincharyi nijyanvay, saryeda jita dajojuñiyate pa, quivamiy jarye risaju, suteda jita variy Jüdenunijyuy:

“Yentyutyamate pata nuy.” Sapatatityiyada varirya jmyichara, sayada jita yisa datyavavyedabay varintyirya, riñi jita sayada variy nijyanvabentyidyerya. <sup>37</sup>Riibyeda jita titaju nijyanvay variy,

ripyoyada j̄ita variy riva. Riryeda j̄ita j̄tyu panujora j̄myichara j̄ve, dajtyujuñijyate riinda. <sup>38</sup>Jiryatiy riibyeda j̄asiy rivyichada daryajyyu varanča vaduy, rivyichada vatuntiy, deramiy j̄arye ruusaju.

<sup>39</sup>Sataryatadedanumatiy Jesús riy nijyanvayuuvedabay, sumusada j̄ita cartyevimu, sayada variy Mardána j̄uroju.

**Varyisévuedabay, Saadusévuedabatya jachiñuyadara mityamusiy dityadoda**  
(Márcu 8.11-13; Dúcasiy 12.54-56)

**16** <sup>1</sup>Ruutijada j̄ita Varyisévuedabay, Saadusévuedabatya simu Jesús, riñi jantyaryuada saniy Jesús. Ruutajadoda j̄ita variñi: “Yaditya-nura mityamusiy dityadoda jarichumusiy nuy.” <sup>2</sup>Niday j̄ita jmutyajada varintyiryi: “Rasachadamu jiryitay: Diye raviiday jaryi, jiryatiy rasacha daryaju samiryunda. <sup>3</sup>Jiryinuñumatiy nupocu runda, jiryitay variy: Ranuma jmu, jiryatiy radacutyityi rapuryerya. Jiryedyetya j̄ita tuchodara nutyura runda racha taranchiy, nutyura, ne jiryedyetyaryu j̄ita vuryundanchiy, nutyura racha. <sup>4</sup>Nijyanvay jamirya vichavay, jiryatiy rityochicharan̄i J̄udenu, nutyu rityochichara jmuchanuvadacanumiryi jivyatuy, riñi vatasara ranach̄o mityamusiy dityadoda. Ne riryadij̄ j̄ita riva mityamusiy dityadoda, mitya, vinu ra, jiryatiy sabayada J̄udenu Jonásibenchirya.”

Satochedanumatiy Jesús variryi, sayada j̄ita jadchiy.

**Varyisévuedabay datyadoda jiryatiy quivuchodatarara**  
(Márcu 8.14-21)

<sup>5</sup>Ruutojadanumatiy sis̄a datyavavyedabay j̄mityo rudamyuntiy, ridyetyada variy jiryatiy ne rijechipityada jtdara

pa yimu. <sup>6</sup>Jesús j̄ita jteda variy ruuva: “Jiryinutyatata rajisiy ricyarivatya Varyisévuedayu, Saadusévueda jarye ruusaju.” <sup>7</sup>Ridyirya jiñiquettada sis̄a datyavavyedabay varidyeyu: “Sutay dyetya Jesúste dacyu, jiryatimyu ne vuryitura pa.” <sup>8</sup>Sadatyadanumatiy Jesúsra, suteda variy ruuva: “¿Taraju jiryeniquettayu, taraju? ¿Jiryatimyu ne p̄atavay jiryedye, pasidye jachipiyavay? <sup>9</sup>¿Ne jiryedyetyate didyeyu? ¿Ne jiryechipityate nunrya tadajyojo pa n̄udajyu, jiryatiy tadajyo varanča vadujyyu jmyichirya? ¿Nurintyu panuju jiryatosirya jmyichara jve day, nurintyu? <sup>10</sup>Va, dajojuñijyate pa jiryatiy daryajyyu varanča vadujyyu jmyijerya, ¿nurintyu jiryatojay varintyi, nurintyu? <sup>11</sup>¿Nutyuramusiy ne jiryechara datyadajura, nutyuramusiy? jiryatiy ne rañiquejasiy panchidye. Jiryinutyatata rajisiy ricyarivatya Varyisévuedayu, Saadusévueda jarye ruusaju.”

<sup>12</sup>Jadchiy j̄ita ridyetyada jiryatimyu ne satuchuta Jesús rajisiy pa carivatya, satuchuta j̄ita ridyetyadodajisiyu, jiryatiy ridyetyanunuyada Varyisévuedabarya, Saadusévuedabay jarye.

**Pyítrubay jteda vijyomujache siva Jesús: “Jiñi jiñicha J̄udenu jaryeti”**  
(Márcu 8.27-30; Dúcasiy 9.18-21)

<sup>13</sup>Sitijadanumatiy Jesús rūro Sesaréya Vidípu Vichada, sitajadoda j̄ita riy yisa datyavavyedabay variy: “¿Nutyura riñique nijyanvay Nijyamidenunijyu, nutyura? ¿Chira rañi jtadye rañiday, ch̄i?” <sup>14</sup>Rumutyajada j̄itani: “Nuy rutay: Juan Bautistabay rutay ji. T̄ini jtadye: Ne niday, Edíyasibedye, t̄ini jtadye ji: Jiryimyíabay, varimyata: J̄udenuju tuchuvay tenubay.” <sup>15</sup>Suteda j̄ita variy ruuva: “¿Va jiryequé? ¿Chira jiryitadyerye, ch̄i?” <sup>16</sup>Sumutyajada j̄ita Siimyó Pyítrubay variñi: “iJiñi rañicha

Judenu jaryeti day, junare vichi Judenu denu!" <sup>17</sup>Sumutyajada jita Jesús variñi: "Judenu jmutyasi ji Siimyo Jonásibe denu, jiryatiy ne jidyetyara jirya nijyami datyadamusiy. Rajye Jarichumuvichi dityadosiy jiirya. <sup>18</sup>Ritaye yiva: Jiñi rañicha Pyítru (ravichu). Raday roriirya raryorintiy (jiryatiy rachiitaryavajyuu day) jiñu ravichusumancha, dantamyu ne riryavuunu jiidatoyajamiveda riy rachiitaryavay. <sup>19</sup>Raday say jiirya Jarichumuvichi nusuyada yevyijyuy. Jiryatiy yapuchu yevyitya jirya mucadincha, ramachō puchusara jarichuvmuntiy, daryaday jiryatiy yavita yevyitya mucadincha, ramachō vitasara jarichuvmuntiy."

<sup>20</sup>Jadchiy jita subayada Jesús variy yisa datyavavyedabayjisirya ratuchusada: "Ne jiryatuchosiy tidevara jiryatiy rañicha Judenu jaryeti."

**Jesús tuchoda jibetyedajiju**  
(Márcu 8.31-34; Dúcasiy 9.22)

<sup>21</sup>Jadchiñi jita sajotada Jesús dityadoda riy yisa datyavavyedabay: "Rama jiya Jerusarimuju jasityi raparutyajayasara ray. Riryavichaniy rimyityumiy darya ray, caserdótevyeda nutyityumiy, Judenu niqejada datyanuvay jarye ruusaju ravichanirye. Riryajvay varirye, mumurundami-myusiy jita samisaniy Judenuntirye."

<sup>22</sup>Saracheda jita Pyítrubañi Jesús tajiñechoju, sajotada jita niqetyada variñi. Suteda siva: "iSama jantyutya Judenu ji, Nutyityu! iTama rachsasiy daryá jiiyju, tama!" <sup>23</sup>Jesús jita janumityeda sanachojū Pyítrubay, suteda variy siva: "iYajiiintye rajisiy, Satanásiy rapurya! Jiñicha nutyu taanu rajiju, jiryatimyu ne jijechipiyasarara Judenu jachipiyajada. Jijechipiya jita nutyu nijyami."

**Vutyi siitaryiñi Cristu**  
(Márcu 8.34-9.1; Dúcasiy 9.23-27)

<sup>24</sup>Jadchiy jita suteda Jesús yisa datyavavya: "Saryityi siitaryiryu ti ray, sama paruy riva yivaaryuyada, sama nichujaya nta jicyurusiy, jiryatiy sabay nutyu diñnyu, ne sariryi varirya tariy jivyichadanuday satidye siitaryi varirye. <sup>25</sup>Tapi minityi ramityaniryurya yinuyada, sapachitya variy mityara; minintiy jita pachityara yinuyada rayadaju, saday saryesara varirya. <sup>26</sup>Tapi țtarajura saryi canay nijyamira criquiy țitaju vichadivasidye, taraju? saryityi care varirya yinuyada riisaju. țTara murichiryanā sasay nijyami yinuyadaju, tara murichirya? <sup>27</sup>Tapitya saday jniy Nijyamidenu jijye vandata ruusa yipavay, jadchiy jita samurichenutaniñi nuñi țiqui nijyami yivaayada murichirya. <sup>28</sup>Ritaye sitenu jiryiva: Jiyu daryi jiryetyevay nijyanvay jiryatimyu ne riryadatyara diiyada, netimyu ne ridyi munatya riva suteda Nijyamidenu didye, jiryatiy sajniy yinsuyadamu."

**Jesús țityadanchiy**  
(Márcu 9.2-13; Dúcasiy 9.28-36)

**17** <sup>1</sup>Jadchiy jita tarundaquinijyate-musiy, Jesús jarayada yisaju riy Pyítrubay, Juánbay, Santiyácubay jarye, sayatada jita jamumusimiyuju riryasiquitayu. <sup>2</sup>Satituyada jita Jesús ridiyadajache variy. Ravideda jita samo, nutyu jiñi nta variy, sasujay jita vichada jaryi pupajay, vandajay ravichada risaju, nutyu vindya nta. <sup>3</sup>Mityamusiy nanumutijada jita Muyusésijyube bayanu, Ediyasiy bayanu jarye sisaju, jiryatiy nanutuchoda Jesúsja. <sup>4</sup>Suteda jita Pyítrubay variy siva Jesús: "iTa jaryi samiryanite nujyute jiyu, Nutyityu, tajū! Jivyatatiy, rasutay mumutamyi jiyu, tataqui jijyu day, da tataqui Muyusésijyu,



da tataqui Edíyasijyu.” <sup>5</sup>Saniquejadamu, mityamusiy racanuvudoda rapuryerya vandasumarya variryi. Rityuvachoda jítara tí niquejada virinubesiy: “¡Jiñu jíta radyenu jaryi vatasí, jaryi ríchanatyatení! ¡Jiryama tuvachu simu!”

<sup>6</sup>Rityuvachodanumatyí sisá datyavavye-dabarya jiryá niquejada, riryeyada jíta jimyota varyi, jichuvuyadamu.

<sup>7</sup>Sajatyonuvijada jíta Jesús varyi riñiy, suteda varyi ruuva: “Jiryánubesumiy, ne jiryasuvuy.” <sup>8</sup>Runuyasubedanumatyí, ne runuyada tñachó, vinu Jesús.

<sup>9</sup>Rumusadanumatyí jamumusimiyusyí, súbayada jíta Jesús varyi riryajisiryá: “Ne jiryatuchu tídevara jiryatyí jiryedyiyasyí riva. Sanumatyí misa Nijyamídenú díbyimusyí, variñuma jíta jiryatuchura.”

<sup>10</sup>Ruutajádoda jíta sisá datyavavye-dabay varyiyu: “¿Nutyura rutay varyi Jüdenú niquejada datyanuvay, nutyura? Saryi jñijedyi munatyá Edíyasíy.”

<sup>11</sup>Sumutyajada jíta Jesús riy: “Rítatye jíta jiryíva: Sunichara jíta Edíyasíy, saryi ratyanu títajura tara. <sup>12</sup>Rítatye jíta jiryíva: Sunimya jíta Edíyasíy, tama ridyetyáda variñí, tama, rivyichanichiy rumu taraní, daryatyí rivyichaniryuchidyeñí. Darya níday sáparutyajayasara Nijyamídenú rijyomutumusyiyu.”

<sup>13</sup>Jadchíy jíta ridyetyáda sisá datyavavyedabay jiryatyí saniquenuyada Juárez Bautístabaynchírya.

**Jesús misadedaní dera jatayaníbay jiryatyí jamiryanu bayantutíni**  
(Márcu 9.14-29; Dúcasíy 9.37-43)

<sup>14-15</sup>Sítíjadanumatyí nijyanvajuumu, sádasiñunuvijada tíqui vanu satuunu Jesúsuy, suteda varyi siva: “Nutyityu, yajantyutyani radyenu jiryatyí jatyaníni, sáparutyasara jaryi rivayu, tapi japichiy sajuuy jiidamyu, jaamu

jarye sajuuy. <sup>16</sup>Rańi púchesiy jíta yisa datyavamyuni, ne vanay rimyísaniñí.”

<sup>17</sup>Sumutyajada jíta Jesús variñí: “¡Jíii, tara nijyanvay jachipiyajadaruyutavay jiryenícha day, jiryatimyu ne jiryetyuvachuruy simu Jüdenú! ¿Nuriryundasaráju ramachó jiryísa, nuriryundasaráju? ¿Nuriryundasaráju rajachíni varyi jiryimusiryé, nuriryundasaráju? Yapúchíy jiyujuni.”

<sup>18</sup>Saniquetyáda jíta Jesús variñí bayantu, sasipyateda jíta varyi sivasíy, samísáda jíta derapubay varicharáju.

<sup>19</sup>Jadchíy jíta rityuudiyada sisá datyavavyedabay yasíquitayu, ruutajádoda jíta variñí: “¿Nutyuramunamuy ne vanay nujetya nuntidyení bayantuntidyé, nutyuramu?” <sup>20</sup>Sumutyajada jíta Jesús variryi: “Jiryatyí jaryi pasidyé jachipiyavay daryaju jiryedyé. Tapi rítay sítenú jiryíva: Raryityí vicha jiryetyuvachoda nutyu quicátadidera, jiryéjtay varyi riva jiryá musiqui: Yajata jiyusyí mujyu jí, ráday jata varyiyu. Ne rasútye tara varyi jiryívaayadaju. <sup>21</sup>Ne vanay sasipyateda dañu bayantu, tetya vutyuchosiy munatyá vuryínradamu sisá Jüdenú.”

**Jesús jatíyada tuchoda jibetyedajijuntiy**  
(Márcu 9.30-32; Dúcasíy 9.43-45)

<sup>22-23</sup>Riryupiyadanumatyí Jesúsveda Cadidéyava, suteda jíta Jesús ruuva yisa datyavavyedabay: “Ranuma jutó sasacháda runda Nijyamídenú, jiryatyí sasay tíqui nijyamí tavay nijyanvay jomuní, riryajvay variñí, samísaniy Jüdenú mumurundamimiyusyí varintyíni.” Riñuvayada jaryi varyi saniquejadanchiy.

**Samurichedodara criquiy Jüdenú roríy j dutyatanityaju**

<sup>24</sup>Ruutojadanumatyí Capernavúmu, rityuudiyada jíta vadubeñí Pyítrubay,

jiryatiy rivyatáda ranachó criquiuy,  
Jüdenü roriy j dutyatanityajü.

Ruutajádoda jítani Pyítrubay: “¿Neviy samurichenu jiryedyetananura criquiuy, Jüdenü roriy j dutyatanityajü day?”

<sup>25</sup>Sumutyajada jíta variryi: “Jo.”

Sajayadanumatiy Pyítrubay variy rorivyimu, saniquejada Jesús munatya siva: “¿Nutyura jijechipiya Siimyó, nutyura? Jirya mucadiva vichavay nutyityumiy, ¿chimusiy riryi jmutyara criquiuy taraju, chimusiy?

¿riñijyanvamyusiy dyetya, varimyata tavamyusiy?” <sup>26</sup>Sumutyajadanumatiy Pyítrubañi: “Tavamyusiy jíta,” suteda Jesús variy siva: “Ne riryi murichenu variy riñijyanvarya. <sup>27</sup>Dañuma, vuñuma niquettaniryi criquiuy jmutyavay, yajachitanuvera jamucajuu jmytyomu, jasityi sasiryi quiva toyaniy. Nityi yajota piruyada, yajanantyadesiñi, jasityi yadiy riva criquidy. Yasasyasi variy criquiuy jmutyavarya, ranuma racha vatajuu vuryimusiy.”

**¿Mira sanicha nijyamí jaryiñü  
Jarichumuvichí nusuyadamu, mi?**  
(*Márcu 9.33-37; Dúcasíy 9.46-48*)

**18** <sup>1</sup>Varideniday rityuudiyada sisa datyavavyedabay Jesúsyu, ruutajádoda variñi: “¿Mira sanicha nijyamí jaryiñü Jarichumuvichí nusuyadamu, mi?” <sup>2</sup>Sanatuyada jíta Jesús variñi tíqui derapubay, saranityadeda jíta riquebyimuni. <sup>3</sup>Suteda jíta variy ruuva: “Rítay sítenu jiryiva: Netimyu jiryataryasara nta nutyu deramiy ntaju, ne jiryajachara Jarichumuvichí nusuyadamu. <sup>4</sup>Ramuni mñityi racha tapimusiy siityera, nutyu jiñu derapude daryá, niñi jíta rachasara jaryiñü Jarichumuvichí nusuyadamu. <sup>5</sup>Mñintiyi jíta radirye rityamuni deradera nutyu jiñu, niñi radirye varintyirye.”

**Jatyí vucyarení tí Jüdenü nújisíy**  
(*Márcu 9.42-48; Dúcasíy 17.1-2*)

<sup>6</sup>“Mñityi racare rajisiy Jüdenü núquini jivyetyenu, nityi rañi tuvachu rimu, nutyu derapudera, samiryavaju jíta raryicha sajü, riryityi puchu nijyanvañi ravichusuma sapitasa, riryi jatyá variy jamu navajachení. <sup>7</sup>Tajunáte nijyanvaju juuchanitya, tajü, tapi raday jny juuchanitya. ¡Acuu! tajunátedañi, tajü, simusityi riti juuchanitya.

<sup>8</sup>Nutyi raniday jijyomutu, varimyata jiñumutu, rañi care Jüdenü nújisíy ji, ne jiryecharajuu, yajatyá variy yimusirya. Samiryavaju daryaju jiiyyu yajay jomutuvu, varimyata numutuvu, junareju jnyadamu, jiñuma jtí miryanuvu jiidatyovimuju. <sup>9</sup>Nutyi raniday jiñisiy rañi care Jüdenü nújisíy ji, yasitya varirya jiñisityadi, yajatyá variy yimusintyirya. Samiryavaju daryaju jiiyyu yajay tadañisiy junare jnyadamu, riñuma jatyá datadijuy nisityi jiidatyovimuju ji.”

**Jesús tuchoda carníru carañunchiy**  
(*Dúcasíy 15.3-7*)

<sup>10</sup>“Jiryinutyatata rrachodajisiñi tíquide jivye deramiy tenu, tapi ritatye jiryiva jiryatiy runutyavay jíta jnuchara riva samó Rajye Jarichumuvichí, jiryatiy supavay daryaju riy. <sup>11</sup>Tapi sitíma jíta Nijyamídenü, satidye jantyuy ruuva nijyanvay caravye. <sup>12</sup>¿Nutyura jiryejechipiya, nutyura? Saryityi vichasara nu vanu taraqui pacha jasiti, saryityi caray tíqui rityenu, ¿nevny satochiy pástumu riy yasi jnura, satidye jiya vatí sanachó carañu? <sup>13</sup>Saryityi saryeñi, rítay sítenu jiryiva: Sichanatyá jaryi variñi saryechi, ruumusiy yasi jnuramiy jiryatimyu ne caravyedyeryi. <sup>14</sup>Darya niday ne savata rajye

Jarichumuvichij s̄acaray t̄iquide rityenu jivve derapudera.”

**Jesús datyadoda n̄utyuramusiy  
vuryaramityaniy mitya siva v̄utyeryira  
juuchurveda, n̄utyuramusiy  
(Dúcasiy 17.3)**

<sup>15</sup>“Saryityi juuchuvay t̄i jityeryi jiiñijyu, yat̄uchu yasiquita sivara. Saryityi tuv̄achu yimu, jicyanam̄yani jityeryi. <sup>16</sup>Netimyu satuv̄achuruy yimu, yap̄uchiy t̄iquintiy, varimyata dan̄ujuy jityevay yis̄a simu, riryatidye datya dan̄ujumyusiy, varimyata munvamyusirya t̄itaju s̄adaniquejada. <sup>17</sup>Netimyu saryi tuv̄achuruy nadimuntiy, yat̄uchu ruuva Judenu siityarivajyuura. Netimyu ne saryi tuv̄achuruy ne vinu siityarivajyuumu, yavichaniy n̄utyu nijyam̄i carañu variñi, varimyata criquiy jmutyanu jiryatij juuchat̄ini.

<sup>18</sup>R̄itatye s̄itenu jiryiva: Jiryatij jiryap̄uchu jirya mucadinchara, ram̄ach̄o puchusara jarichuvimuntiy. Daryaday jiryatij jiryavita mucadinchara, ram̄ach̄o vitasara jarichuvimuntiy. <sup>19</sup>Jun̄antiy r̄itay jiryiva: Naryityi jachipiya vatajuu dan̄ujumyusiy jiryetyenujuy taranchiy, jiryatij nan̄ajachiñuy Judenuvara, daryanj r̄acha nadaju Rajye Jarichumuvichijmusiy. <sup>20</sup>Tapi jasityi riintyeryaniy r̄ityamu munvamyusiy, varimyata dan̄ujumyusiy, jasiñuma rañicha riquebyimu variy.”

<sup>21</sup>Jadchij jita satuudiyada Pytrubañi Jesús, s̄uteda variy siva: “¿Nutyityu, nuriryajura r̄aramityaniy mitya siva ratyeryira juuchurveda, nuriryaju? jiryatij sajuuchuvay rañijyu. ¿Darajuñijyateju day?” <sup>22</sup>S̄uteda jita Jesús siva: “Ne r̄itay vinu darajuñijyateju; r̄itatye jita darajuñijyate vuyajujyura darajuñijyate.”

**Jesús t̄uchoda muchechinchiy,  
jiryatimyu ne saramityaniryuy  
mityara jityenu divyiyada**

<sup>23</sup>“Ramun̄iday Jarichumuvichij nusuyada ran̄icha n̄utyu jamu nutyityu n̄it̄iy rañi j̄dutyaruy jimyuchechimiytyara cuenta. <sup>24</sup>Sajot̄adanumatij j̄dutyada, rityuudityaniñi t̄iqui nijyam̄i, sadivyiiñuyada rajuura varanca criquichumani. <sup>25</sup>Jiryatimyu ne vanay samurichenura jidyivyi, supajada jamu nutyityu rityeryutyadaju variñi, savaturuy jarye yis̄aju, sadadyeñu jarye, ratatij samurichenura jidyivyi. <sup>26</sup>Ramun̄it̄iy s̄adasidyoda jita muchechij satuunuyu, sayasant̄ada jita variñi: ‘iYajach̄iniy ji, Patru, tapimusiya ramurichenu t̄itaju jiquiii!’ <sup>27</sup>Santyutyada jita jamu nutyityu variñi jimyuchechiy, sum̄urya variñi, saramityaniy mitya varirya sadivyintiy. <sup>28</sup>N̄iday jita, sasipyatedanumatij jadchij, sasaryejada jitan̄i t̄iqui jiryenu muchechij, jiryatij sani divyi vinu munvay jarimyun̄i jvaayada murichiryan̄i. Siredanumatij sapit̄asa, s̄uteda siva: ‘iYamurichenura jidyivy!’ <sup>29</sup>Ramun̄i sar̄ayada saryenu muchechij jityuunu, sajachiñuyada variy siva: ‘Yajach̄iniy ji, tapimusiya ramurichenu ji.’ <sup>30</sup>Sav̄atavitya. Sayada jita variy, satanuv̄nutadeda variñi jiryenu muchechij, jasich̄arajut̄ij samurichenura jidyivyi. <sup>31</sup>Run̄uyadanumatij saryenu muchechimy, riyiveda jaryi ranchiy, riyada variy t̄uchuvay simu jamu nutyityu. <sup>32</sup>Sanatutyadeda jita jamu nutyityu variñi, s̄uteda jita siva: ‘iMuchechij nicyararyap̄urya! Raryamityadesiy mitya t̄itajura jidyivyi, jiryatij jiyasant̄ada riva ray. <sup>33</sup>¿Neviy jiryi jantyutyan̄i jiryenu muchechij, daryatij ray jantyutyasidye ji?’ <sup>34</sup>Saniqueyadamu, sapatru sayada

tanuvunujo jnutyavamyujuyu, jasicharajutiy samurichenu títajura jidyivyi. <sup>35</sup>Darya niday Rajye Jarichumuvichí ravichaniy nuñi tiquimusiý jirye, jiryeñuma ramityaniy mitya jijechimysirya jiryetyenu juuchveda.”

**Jesús datyadoda tovajadanchiy**  
(Márcu 10.1-12; Dúcasíy 16.18)

**19** <sup>1</sup>Satuchumuyadanumatiy Jesúsra jirya niquejeda, sayada variy Cadidéyamusiy Judéyamuju jiryatiy Jurdája rudamyura.

<sup>2</sup>Richiityarijeda nijyanvayuusumani, samisadeda jita variy jasiriyi.

<sup>3</sup>Ruteda jita Varyisévuedabay variy simu Jesús, riryantyada variñi jiryatiy ruutajadodani: “¿Samiryavidye satova tiqui nijyami tariva nada jivyaturuy?”

<sup>4</sup>Nini jita jmutyajada variriyi: “¿Neviy jiryinuyada catera nucharamu, nutyu sundejada Judenu jotadamuni nijyami, sundejadani tiqui vanu, tiqui vatura sisaju day?” <sup>5</sup>Saniquejada jita variy: “Ramuni satochiy vanu nada yinoda, sajay jarye, satidye jamuñi vatura, danujumyusiy nanacha tiqui variy. <sup>6</sup>Ne danujuy variñada nundye, tiquinuma sacha varidye. Ramunitiy, jiryatiy sabayada Judenu daryá, sati jamuchara nijyami, ne sajiintyetyaniy ti variñi.” <sup>7</sup>Ruteda jita variy siva Jesús: “¿Tajuramusiy variy suteda Muyusésibe: Sama say vanura catera nuchara tovavi, satidye tova rata nada jivyaturuy?”

<sup>8</sup>Sumutyajada riy: “Jiryatiy surra daryajura jiryejehiy, ramunitiy sumutyajada Muyusésiberya jiryevyaturuy tovajada. Ne ravichanuyada daryá jotadamusiy.

<sup>9</sup>Ritatye jita jiryiva: Minityi tovanada jivyaturuy, netimyu naryi rupi vanusja, saryityi jamuy ti nadivasintiy, sajarupanu variy ratara nanuvichada

títaju nijyanvay diya, jiryatiy riryadiy nadiva nutyu jmuchanutanuy variñada.” <sup>10</sup>Ruteda jita sisa datyavavyedabay variy yiva: “Daryatiy ravichasara vanuju jivyaturutya, ne dyetya samirya vuryajamuy variy.” <sup>11</sup>Suteda jita variy ruuva: “Ne vanay riryajmutya títaju nijyanvarya rañiquejada, vinuni sajutiy racherya. <sup>12</sup>Jasidye jitariy nijyanvay jiryatiy riryupedamusiy jinicha myistya-savay. Jasintyiriyi nijyanvantiy jiryatiy riñicha myistyasavay nijyanvay vichadedamusiy. Jadchiy, rivyichasara nijyanvay myistyasavay nta, jiryatiy Jarichumuvichí nusuyada jiyadaju rivyichasara daryá. Nitiy jmutyarurya jirya niquejada, sama jmutyara.”

**Jesús jachiñuyadara Judenu jmutyada**  
**deramiy jiyadaju**

(Márcu 10.13-16; Dúcasíy 18.15-17)

<sup>13</sup>Jadchiy jita ruutitada riy derami-dyera simu Jesús satidye jatyo jiyjomututa riñiy, satuchu variy riyadaju sisa Judenu. Sisa datyavavyedabay jita niquetyada riy nijyanvabe riva. <sup>14</sup>Jesús jita niquejada variy: “Ne jiryaniquetta riy deramiy, riryama jutí rimu. Ne jiryajbarya ruutijada, tapi ritya rachasara Jarichumuvichí nusuyadamu, riñicha nutyu deramidyera.” <sup>15</sup>Sabayadanumatirya jiyjomutu variy riñiy, sayada jita variy jadchiy.

**Satuchoda vaderonubay**  
**jaryi tarati sisa Jesús**

(Márcu 10.17-31; Dúcasíy 18.18-30)

<sup>16</sup>Mityamusiy sutañuvijada tiqui vanubay siva Jesús: “Datyanu, çtara jvaayada raryi jvaachara samirya, çtara ratidye vichasara junareju jnyadatí.”

<sup>17</sup>Suteda jita Jesús variy siva: “¿Tajura yitajanu ranchiy samirya ray, taju? Tiqui sanicha sitenu sami. Jityi jaryuy junareju jnyadamu, yavichasara

sutedamu Jüdenü.” <sup>18</sup>Süteda jita variy siva Jesús: “¿Mirya süteda, mirya?” Süteda jita Jesús siva: “Jirya: Ne vuryajvani ti, ne vuryarupi ti vaturujsa vuntiyi, ne vuryaparanu risaju, ne vuryaniquera quivuyada tinijyuntiyi.

<sup>19</sup>Vuryama tuvachu simu vujye, vuryinodamu jarye, jadchintiyi: Vuryama vatasarani vutyuunuvichintidye, nutyu vuvyatatiy darya vuy.” <sup>20</sup>Süteda vaderonubay variy siva Jesús: “Ratyuvachumuyada ramu titaju. ¿Taranuma rasutye variy rajyu, tara?” <sup>21</sup>Süteda jita Jesús variy siva: “Jityi vicharuy sitenu tuvachurá titajumu, yejiya, yataruyutara jiryatiy titaju yimura, yasay variy ramurichirya riy jantyuyadavay. Variñi jita yecha tarati jarichumu. Varenumacu, yasiityarisara varirye.”

<sup>22</sup>Satuvachodanumatiy vaderonubarya jirya niquejada, sayada jita vayivacha variy, jiryatiy jaryi tarati daryaju dañi.

<sup>23</sup>Jesús jita jteda variy ruuva yisa datyavavyedabay: “Ritatye sitenu jiryiva: Surra jita racha Jarichumuvichi nusuyadamu jayada sajü nitiy jaryi tarati. <sup>24</sup>Junantiyi ritay jiryiva: Saryityi ramije camélluquisuma rodanruju vimu, saryi jay jita jaryi tarati variy Jüdenü nusujyomuntidye.”

<sup>25</sup>Rityuvachodanumatiy sisa datyavavyedabarya jirya niquejada, rityittada jaryi varirya, riñiquejada variy: “¿Chiranate raramityasarate, chi?”

<sup>26</sup>Süteda jita Jesús variy yinuyadamu: “Ne vanay sivaayada nijyamira, Jüdenü jita titaju rajvaachara darya.”

<sup>27</sup>Jadchiy jita sumutyajada Pyítrubañi: “Yajnuy, nuy jita tochedara jiberya titaju, nuchiityarijada variy ji. ¿Tara racha nudyimu riva, tara?” <sup>28</sup>Süteda Jesús variy ruuva: “Ritatye sitenu jiryiva: Vadi mucadimu, sanumatiy masa Nijyamidenu vanda

jimyajasjoncha, jirye rachiityarivay, jiryaday masa jimyasajonchantidye, vuyajujyo masajo, dajojuy ranchaju, jasityi jiryajdutyasarara rityuchutasada Irayénüveda, jiryatiy rajuumusiy titaju, taraqui vuyajuy juriñutavaryi, dariiñujuy ranchaju. <sup>29</sup>Minityi tochiy ritya jiyadajura jiryoriy, varimyata sataryiveda, varimyata sityamutüveda, varimyata sajay, varimyata sunoda, varimyata sadadyeñu, sandiy jarye, saday jmutya taraqui pachaju rubivaju, sajmutyara jiyarura junareju jnyüya ranchajuntiyi. <sup>30</sup>Rajuu jita jiryatiy rivychasara munatyavay diye, riryechasara tamityavay rivasiy. Rityi vichasara jita tamityavay diye, riryechasara jita munatyavay variy rivasintiyi.”

#### Jesús tüchoda jvaavyenchiy

**20** <sup>1</sup>“Jarichumuvichi nusuyada jita rañicha nta nutyu rorijyami, jiryatiy sani juuryi satidye vata nudiy jvaavyeñecho. <sup>2</sup>Süduyadanumatiy jvaavyesara nuriryara samurichenu tarundaqui jvaayada murichirya riy, supajada jita yindimyu variryi, jiryatiy ninsijyuñira. <sup>3-4</sup>Samaseda jita junantiyi mumuri joramusiy, sadiyada jita ruuva tavay, mitya ranivye pudásamu, süteda variy ruuva: ‘Jiryánuma jiya jvaavye ninsijyuñimu, ramurichenu vase variy jirye.’ <sup>5</sup>Riyada jita variy. Junantiyi samaseda jita nuñi mumuri joramusiy, sivaayada daryadantiyi. <sup>6</sup>Taraqui jóradenumatiy sütyeda ruuvaamyuyadaju, samaseda rorijyami pudásamuntiyi, sasaryeda riy tavay ranivyentyi, süteda jita variy ruuva: ‘¿Taraju jiryeryaniy pituvye judaca jiyu, taraju?’ <sup>7</sup>Rumutyajadani: ‘Ne ti jvaatyaniryuy daryaju nudye.’ Süteda jita variy ruuva: ‘Jiryejerye rajiya jvaavye ninsijyuñimu.’ <sup>8</sup>Jidyenumatiy

ravichada, suteda rorijyamí siva yivaatyani: ‘Yanuma naturyí jvaavye, yamurichenu varintyirí. Yajota murichedoda tamityavamyusiy, munatyavacharaju títaju.’

<sup>9</sup>Ruutojadanumatí tamityavay, rumutyajada nuñi tíquimusirya tarundaqui jvaayada murichirya, miryanura. <sup>10</sup>Ruutojadanumatí munatyavay, rijechipiyajada: ‘Nuñajmutya dyetya jamura ruumusiy.’ Rumutyajada jita títaju nuñi tarundaqui jvaayada murichirya nuñi tíquimusiy.

<sup>11</sup>Rumutyajadanumatirya, ricyucuyeyada jita rorijyamínijyu.

<sup>12</sup>Riñiquejada jita: ‘Jive tamityavay, rañi jvaasyiy taraqui jóradera, jiñi bay vatajuu nudyisa riy, jiryatíy nujehídesiy judaca jvaayada vidyaquisumajareyu.’ <sup>13</sup>Sumutyajada jítani tíqui rityenu: ‘Ne rapyaranu ji, Jaamyicyu. ¿Neviy vuryíduatyajay tarundaqui jvaayada murichirya dajyuú?’

<sup>14</sup>Yajirirya jiyarurya, yejiya varintíy. Ramyurichenururyi tamityavay daryatíy ramyurichenuntíy ji. <sup>15</sup>¿Samirya dyetya rajvaay racyuriquitya daryatíy rivaaryuy? ¿Jamiryamuviy yinuy ranacho jiryatíy rivaay samirya mitya day?’ <sup>16</sup>Ramuni, rityi vichasara tamityavay, riryechasara jita munatyavay, daryadantíy, rityi vichasara jita munatyavay, riryechasara tamityavay varintíy. Tíquitya daryaju riñicha natuchavay, rajuyta jita jaryetasavadye.”

**Jesús tuchoda junay jibetyedajijuntíy**  
(Márcu 10.32-34; Dúcasíy 18.31-34)

<sup>17-18</sup>Sayadanumatíy Jesús Jerusarí nachojú, saracheda jita riy vinu yisa datyavavyedabay vuyajuy, danujuy rinchaju, satuchutityiyada ruuva: “Vuryasumiñuma jita Jerusarímuju. Nijyamídenú riryasachara caserdóte-

vyeda nutyityumimiyuju, Jüdenú niquejada datyanuvamyu jarye, riryabay jita diiyasíju variñi. <sup>19</sup>Jadchíy jita riryasay variy mamímyuni, riryatídye jarupantani, riryatídye musiye varintíyñi, riryajvay variy crusityasa títajuni; jadchíy jita mumurundamimiyusiy sachá misanichí.”

**Sebedévubay vaturube jachíñuyada simu**  
**Jesús jidyenujube jiyadaju**  
(Márcu 10.35-45)

<sup>20</sup>Jadchíy jita, nanutuudiyada jita Sebedévubay vaturube nanudenujubetyani Jesús, nanadasidyodanumatíy satuunuyu, nanujachíñuyada tara variy siva. <sup>21</sup>Niñi jita jteda nadiva: “¿Taraná sanuvata, tara?” Naníteda variy siva: “Yajtay nanamása radyenujuy jityuunu, yinsuyadamu, tíqui racha yintyityudamyuju, nuntíy racha jimíydámyujuntídye.” <sup>22</sup>Sumutyajada jita Jesús variy: “Ne sadadatyá tana sani vata. ¿Sanavidye jachíñiy rajuurá jantyadaju dayu, nutyí ratyí raparutyajayasara darya ray?” Nanímutyajada jítani: “¿Neviy nañajuú!” <sup>23</sup>Suteda Jesús variy nadiva: “Daryaday sanaparutyajayantídyeyu, nutyu ratyí raparutyajayantídyerye. Tama vanay ntate rabe rayntyityudamyuju masadaju ji, tama, dantyamuy ne ramíydámyuju. Ríjyu jita rachasara daryatíy sudutyamá Rajyerya.” <sup>24</sup>Rityuvachodanumatíy vuyajuy nanutevarya darya niquejada, riñiqueyada jita nadisa mityíjyí taryíjyu. <sup>25</sup>Jesús jita natuyada variy yimuju riy, saniquejada variy: “Jiryedyetyanuma jiryatíy may nutyityu rañi jpá jaryiríy jiryenu mamíy. Nítíy vichasara jaryí mamíy nutyityu nubesí, niñi nusuy jaryiríy jityevay. <sup>26</sup>Jiryequemyimu jítamuy ne raryicha daryá. Nítíy racharuy jaryíñu jiryimusiy, samá jvaay nutyu jiryemyuchechiy.

<sup>27-28</sup>Nítíy rācharuy munatyí jiryimusiy, sama jvaay nutyu jiryecyumude, daryatiy sūdeda Nijyamīdenū, ne satidye jvaatyaníy jiyadajū riy tavay, sūdeda jīta satidye jmutyasara riy tavay, satidye sācharara yinuyada nijyanvajyuu jantyutyadajū varintyí.”

**Jesús mīsadeda nada nīspiryurijyube**  
(Márcu 10.46-52; Dúcasíy 18.35-43)

<sup>29</sup>Richipyatedanumatíy Jesúsveda Jericómusiy, richiityarijada nijyanvajyuubañí Jesús. <sup>30</sup>Mityamusiy, nanutuvachodanumatíy danujy nīspiryurijyube nútuvarya masanuy: “Saramiryí Jesús,” nanuniquéjasubeda jīta: “iYajantyutya nay, Davyíbe jasi!” <sup>31</sup>Nijyanvaj jīta níquetýada nada: “iSanāndasa!” Nanuniquéjasubeda jīta jaryivyajū variy: “iNutyityu, yajantyutya nay, Davyíbe jasi!” <sup>32</sup>Saradedanumatíy Jesús, sanatuyada variy nada: “¿Nutyura sadavata rāchaniyu, nutyura?” <sup>33</sup>Naniteda jīta siva: “iNutyityu, yamuttara nañisiquiii!” <sup>34</sup>Santuyutýadamu jijetyojada Jesús nanunīsīmyu, nanīnuyasubeda varicharaju, nanusiityarijada jīta variñí.

**Jesús jayada Jerusarímu**  
(Márcu 11.1-11; Dúcasíy 19.28-40;  
Juán 12.12-19)

**21** <sup>1-2</sup>Rityuudiyadanumatirya Jerusarí, ruutojada Betuvájemu, Odivu musiquituunu. Jadchíy jīta supajada Jesús nada yisā datyanujyubentiy: “Sanājiya vichādademu jiryatiy vūcharara. Jasiñí sanādiñuve siva cavañu puchusí, sadenu yisā jasiy. Sanāvitasíñí, sanāpūchesiy mityijyiyuy rumusiy nanudentutayu. <sup>3</sup>Títíy rajtesiy tara sadiva, sanāmā jmutyajasiy variñí: Nutyityu vata mityijyiyuy nada. Varidye sajpaajasiy nada.” <sup>4-5</sup>Raní jīta vichāda daryá, raťidye jtotanirya saniquejedada Judenujū tuchūbay:

“Yatūchu siva Siyó detu daryatiy vuryítay Jerusarí janvañí: Yajnuuy, suniy yintyityu yimu, tapimusiy masí cavañuncha, sadenuncha jarye.”

<sup>6</sup>Nadayada jīta sisā datyanujyube variy, nadivaañuvejada jīta daryatiy suteda Jesús nadiva. <sup>7</sup>Nadaryityada jītaní cavañu, sadenu yisajū. Nanubayada jītara jichujajyuu nadancha, samasāda jīta Jesús variy ranča. <sup>8</sup>Riryetyada jīta nijyanvajyuu tevaberya jichujay núva. Tīnī rāchāda darya nutasarají tītajū vītara day, riryatidye bay núvara. <sup>9</sup>Rityí jiyada jotāda nijyamíjuu sajíju, rityí rupiyada sūsintiy, riyarovayātityiyada vatajuu variy: “iYajantyutya nuy, Davyíbe jasi! iJchanatyasi jīta sītenuní nítíy jniy Judenu jtyamu! iYajantyutya navachiy nuy!” <sup>10</sup>Sajayadanumatíy Jesús Jerusarímu, richēñeyajada jīta vichādanvabe variy yichanayadamu, ruutajadoda variyu: “¿Chira jiñu, chí?” <sup>11</sup>Rumutyajada jīta nijyanvajyuu variy: “Nīnī sanīcha Judenujū tuchū, Jesús jtyatí, jiryatiy Nasaryémusíní, jiryatiy Cadidéya mucadimura.”

**Jesús jatýada Judenu nijyū jachipiyajomusiriy taryutyavabe**  
(Márcu 11.15-19; Dúcasíy 19.45-48;  
Juán 2.13-22)

<sup>12</sup>Sajayada jīta Jesús Judenunijyū jachipiyajovimu, sajatyada jīta jadchiryí taryutyavabe, jiryatiy rityeryutyanyuada jasiy, taryuvyebe jarye ruusaju. Sajatyatimyyuada jītara criquiy taritanivyēbe mīsa variy, putuvinu taryutyavabe masajo jarye risaju. <sup>13</sup>Suteda jīta variy ruuva: “Nūcharanuma: Riryajtācharara raryoríy Judenusā tuchūjo, jiryēñí jīta vichaniy paranujojū darya.” <sup>14</sup>Nīspiryurimiyi jīta judeda simu Jesús, Judenunijyū jachipiyajovimu,

canuyasimiy jarye ruusajū, samisadeda variy jasiryi. <sup>15</sup>Ridiyada jīta caserdótevyeda nutyityumibe, Jūdenū niquejada datyanuvabetya riva mityamusiy sundejada, rityuvachodantirya riyarovaya derajuubay, jiryatiy rūtay: “iYajantyutya, Davyibe jasi!” Riñiqueyada jīta variy ranchiy. <sup>16</sup>Rūteda jīta variy siva Jesús: “¿Ne jityuvachu nutyura rūtay jivye derajuu, nutyura?” Suteda jīta Jesús variy ruuva: “Jo. ¿Neviy jiryinūta Jūdenū niquejadamu:

Deramidyera, jiryatimū ne  
jiintyevye didyedyeryi, rūtosiy  
jīta jichipyatara jchanatyada  
samirya?”

<sup>17</sup>Satochedanumatiy variriy, sasipyateda jīta Jerusarímusiy Betániamujū, samayada variy jasiy.

**Jesús niqūtyadara jīgūnu, jiryatimū ne jarya ravichada daryaju**  
(Márcu 11.12-14, 20-26)

<sup>18</sup>Sataryadanumatiy tarimysidiera Jerusarímujūntiy, sajachijada jīta variy. <sup>19</sup>Sadiñuvejada jīta nūtuvarya riva jīgūnu, sayada jīta: “Rajnūdyi,” ne sadiyada riva rajo tiii, mitya, vinu ravivaniy sadiyada day. Saniquettada jīta Jesús varirya jīgūnu: “iNe taramūy yajacharanūday!” Radiijeyada jīgūnu varenude variy. <sup>20</sup>Ridiyadanumatiy sisā datyavavyedabay riva, rityittada varirya: “¿Nūtyuramusiy radiijeyasiy jīgūnu mityamusidye, nūtyuramusiy?” <sup>21</sup>Sumutyajada jīta Jesús variryi: “Rītatye sītenu jiryiva: Jiryetyi vichasara tuvachodatavay, ne siquityavay jiryechepiyajadamu, jiryajvaachara ne vinu jiryatiy ravyichadesirya jīgūnu. Jiryetyi jīta riva jiryā musiqui: Yanuma bay jadchidye, jamu nāvamu yajatlanuve ji, daryanī racha variy. <sup>22</sup>Miryānīntiy jiryechēñūy

siva Jūdenū sisā tuvachodamu, jiryaday jmutyā varirya, jiryetyi tuvachu simucu.”

**Chī jtedamujū sivaayada Jesús, chī jtedamujū**

(Márcu 11.27-33; Dúcasīy 20.1-8)

<sup>23</sup>Sajayadanumatiy Jesús Jūdenunijyū jachipiyajovimu, ruutijada jīta caserdótevyeda nutyityumibe, nijānvay rimyityumibe jarye simu, sadatyadadamu, rūteda jīta jasiy siva: “¿Nūtyura jpajadata yivaacharara yivaayada day, nūtyura? varimyata ¿chī jtedamujū jiñi jvaadyerya, chī jtedamujū?”

<sup>24</sup>Sumutyajada jīta Jesús riy: “Rajerye rajtajanū jiryentyidye, jiryetyi jīta rivara jmutyajada, rajerye ratūchu jiryiva nūtyura jpajadata rivaacharara rivaayada day, nūtyura. <sup>25</sup>¿Tesiya ravichada Juán Bautistabay jtyadoda day, tesiy? varimyata Jūdenū jtedamusirya, nijyamī jtedamusiy dyetyara.” Riñi jīta niquetasadedā riva dayu:

“Vuryatīy jmutyā: Jūdenū jtedamusirya Juánbay jtyadoda, sajīta variy vuryiva day: ¿Daryamunimūy ne jiryetyuvachuruyada simu? <sup>26</sup>Vuryatīy jmutyā jīta: Nijyamī jtedamusirya Juánbay jtyadoda, vūchuvūryi nijānvajyū, tapitya rijechipiyā daryaju sanijyū Juánbay: Niñi dyetyate Jūdenūyū tuvachū.” <sup>27</sup>Rūmutyajada jīta variñi Jesús: “Ne nūdyetya day.” Suteda jīta variy ruuvantiy: “Dantyamūy ne vinu ray ratūchuntidyerya nūtyura jpajadata rivaacharara rivaayada, nūtyura.”

**Jesús tuvachoda danūjūy denujūy nchīy**

<sup>28</sup>“¿Tara jiryechepiyā, tara? Savichada vanu danūjūy denuti. Sūtañuvejada jīta siva jimyunatyī: ‘Pi, yejiya juvañū randimūy diye.’ <sup>29</sup>Sumutyajada jītanī jījye: ‘iNe rajiya!’



Rivasiy jita saparuyada riva jijechipiyajada, sayada variy juvaanu. <sup>30</sup>Sutañuvejada jita vanu variy siva jidyenu tamityi daryantiy, nini jita jmutyajadani: 'Ray jita rajiya, Yeye.' Dañumamuy ne sayada varidye. <sup>31</sup>¿Mira danujumyusiy rañi jvaayadara jijye vatara, mi?' Rūmutyajada jitanī Jesús: "Samunatyī." Suteda jita Jesús variy ruuva: "Ritay sitenu jiryiva: Criquiū jmutyavaryapuryamiy, cadnatuveda jarye, riryajay jiryajisīy Jūdenū nusujyomu. <sup>32</sup>Tapi sūdeda Juán Bautístabay jiryimu Jūdenū nūva rupiñū, tamā jiryeni tuvachuruyada simu, tamā. Criquiū jmutyavay jita, cadnatuveda jarye tuvachoda sitenu simu. Dañuma jiryeni diyada riva, ne jiryeparyuyada variy riva jijechipiyajada, jiryatidye tuvachu variy simu Juánbay."

**Jesús tuvachoda jamirya jvaavyenchiy**  
(Márcu 12.1-12; Dúcasīy 20.9-19)

<sup>33</sup>"Jiryatuvachura ratarya dityadoda niquejadantiy. Savichanuyada tiqui rorijyami, santada jítara ninsijyuuni. Sapuryejada jita ravichuta rayada; sūbeda jítantirya ninsiy muchijyoju risajuntiy, sivaayada jita ninsijyuunimura rorivyūqui, jiryatīy rúnutyada ravimusīrya yindiy. Satocheda jita nutadajami variy ruumu jvaavyerya, riryatidye jvaadyerya. Rateratanuma nutasarasiy riryamuri-chenu dañi mucadi jami day, rateranuma ramachō rijyu day. Sayada jita variy tajijyu day. <sup>34</sup>Ritojadanumatīy rātosada runda, supajada jítariy jimyuchechimiy ruumu jvaavye, riryatidye jmutyara sayarūrya nīnusityera. <sup>35</sup>Rureda jita jvaavyeryi samuchechimiy, rimyusiyeyadani tiqui,

nuntiy ruveda titaju, puutyi. Tini rijecheda ravichuta day. <sup>36</sup>Sajatyiyada jpajada ti jimyuchechintiy, nuntiy, nuntiy, nuntiy, jaryi rajuuavvyaju ruumusi y muntay jpasavaryi, riñi vichadeda jvaavye daryantiyri. <sup>37</sup>Pariche supajada jitanī jidyenu ruumu, saniquejada variy: Riryasuvuy dyetyani radyenu. <sup>38</sup>Ridiyadanumatīy jvaavye siva sadenu, riñiquejada jita variy yiva: Jiñu jita mucadi jami denu day. Sanumatīy diichara sajay, nīnuma ramachōsara rajamīju varintyidye. Vañū, vuryajvañi, vuryatidye jurīy vūjyura samucadi. <sup>39</sup>Ruedanumatīy variñi, rijetyada jita nudimysuñi, ruveda variy jasiñi, puutyityeni. <sup>40</sup>Ramunīty, sanumatīy jti mucadi jami yindimiyuntiy, ¿nutyura sachaniy variry jvaavye rapuryamiy, nutyura?" <sup>41</sup>Ruteda variy siva Jesús: "Ne jantyutyadamusi saparuta riy nicyaramiy, sasay variy tavantidyerya ninsijyuunīntidye, jiryatīy riryasaryurya jiyarūrya rātosada rundamu." <sup>42</sup>Suteda jita Jesús variy ruuva: "¿Neviy jiryinuñuyada Jūdenū niquejadamu didyerya jiryā niquejada didye?" Ravichū jita jiryatīy rrachusī rorīy jvaavyejyūni, nīnuma rañicha jita rorīy surutyā, jiryenu ravichūmūsiy. Ranī jiryā sivaayada Nutyityū, mityanuma vuryīny ranachō day, vutyitta variryā.\*  
¿Neviy jiryinuñuyada didyerya daryaday? <sup>43</sup>Ramunī ritatye jiryiva: Sasovay jita Jūdenū jiryimusīrya yinsuyada, sasay variy tavantidyerya jiryatīy riryajontay nta daryatīy savatada ruumusi. <sup>44</sup>Nīday jita nīty raryijyuuy jiñu ravichuncha, saryiryotyatimuy variy sanchasiy; jiñu

\* 21.42 Yajnurya Murrapedye 118.22; Nusubiyimiy Jvaachara 4.11; Rajottya Pyitru 2.7

jĭta, sanchatiy saryijyuy jĭnu ravichu, saryiñeya vamidideju variñi.”

<sup>45</sup>Rityuvachodanumaty caserdóte-vyeda nutyityumibe, Varyisévuedabay jarye ruusajura saniquejada dityadoda, ridyetyada jĭta jĭñijyu saniquejada darya. <sup>46</sup>Ruuriryuyadanumaty rivasiñi Jesús, richuvuyada riy niyjanvajuubay, jiryaty rijechipiyajada daryaju: “Judenuju tuchu sanicha.”

**Jesús tuchoda jamuyada vichtyanchiy**  
(*Dúcasiy 14.15-24*)

**22** <sup>1</sup>Sajatyiyada tuchoda dityadoda tuchodata ruuvantiy: <sup>2</sup>“Jarichumovichĭ nusuyada rañicha nutyu jamu nutyityu jiryaty sivaayadara vichtya jidyenu jamuyadamu. <sup>3</sup>Supajada jĭtariy jimyuzechimiy: Jiryanuma natyryi musuchavay vichtyamuju. Musuchavay jĭtamuy ne jiyaruyada varyi. <sup>4</sup>Sajatyiyada jpajada tĭntiy: Yanuma tuchu ruuva musuchavay: Jdutyasaranuma ravychtya. Rivatyanimyanĭ rasi nuçhusĭ, voca denu. Jdutyasaranuma tĭtajura. Varenuma vichtyamujucu. <sup>5</sup>Musuchavay jĭta jiyada yavuryutyadamu, nu jiyada yindimyu, nuntiy jvaadyĭ taryutyada naçho. <sup>6</sup>Rityevay jĭta rañi jureda riy samuchechimiy, riryarupantada variryĭ, ruvamyuyada tĭtaju riy, pattaryĭ. <sup>7</sup>Jamu nutyityu jĭta niqeyada jaryĭ varyĭ ranchiy, supajada jĭta variryĭ jichutarumiy, riryatidye parutamuryĭ jvayye, riryarupamyuy variryĭ rivyichajo. <sup>8</sup>Suteda jĭta jamu nutyityu varyĭ ruuva jimyuzechimiy: Jdutyasaranuma vichtya, ramyusuvye jĭta vichasiy nicyaramyĭ. <sup>9</sup>Jiryanuma jiya núqui nantaryajumyu, jiryanuma musuy vichtyamujuriy tĭtaju jiryaty jiryasarye rumuriy. <sup>10</sup>Riyada jĭta samuchechimiy varyĭ núquiva, riryatonvejada variryĭ

jicheryevye tĭtaju, niyjanvay nicyaramyĭ, samivye jarye ruusaju tĭtaju. Rimyuchadeda variryĭ vichtya roriy. <sup>11</sup>Sajayadanumaty jamu nutyityu satidye jnuñuvĭ riy musuchavay, sadiyada jasiy siva tĭqui vanu, jiryatimyu ne jamuyada sujatyĭ dañi. <sup>12</sup>Sutañuvĭjada jĭta varyĭ siva: Jaamyicyu, ĩnutyuramusiy jĭjeyasiy jiyu, nutyuramusiy? tama jamuyada sujatyĭ jĭñicha, tama. Samachojada mitya vapuu varyĭ ranchiy. <sup>13</sup>Jadchĭy jĭta suteda jamu nutyityu ruuva jnutyavantiy: Jiryanuma puchumuy tĭtajuni, jiryajatyasiy varyĭ bimujuni, nupocudimuju. Jasidye jĭta riryajnavya niyjanvay varyĭ, riryasuy jĭta jĭjyadajchantiy. <sup>14</sup>Tiquitya daryaju riñicha natuchavay, rajuuvatya jĭta jaryetasavadye.”

**Criquinchiy, jiryatyĭ jamu nutyityu murichenutanĭy niyjanvaryĭ**  
(*Márcu 12.13-17; Dúcasiy 20.20-26*)

<sup>15</sup>Riyada jĭta Varyisévuedabay varyĭ riñiquettadayu: “ĩNutyuramusiy vuryajuriy taji niqejadivani Jesús, nutyuramusiy?” <sup>16</sup>Rupajada jĭta varyĭ yisa datyavavyedabay simu Jesús, Jeródesbe siitaryivabe jarye ruusaju. Ruteda jĭta varyĭ siva Jesús: “Datyanu, nuðyetyara jiryatyĭ jĭñi jĭta sĭtenu jtarya. Jĭñi jĭta datyanusara sĭtenura Judenu nú. Ne yinuy jaryĭ samĭvaju tĭnaçho, dañuma sanicha tĭ. <sup>17</sup>Ramuni, yanuma tuchu nuðyiva, nutyura jĭjechipiyĭ, nutyura: ĩSamiravidye vuryamurichenura criquiĭ, jiryatyĭ jamu nutyityu Sésar murichenutanĭy vuryinuyadamusirya?” <sup>18</sup>Sadatyada jĭta Jesúsra rijechipiyajada jiyaroju, suteda jĭta varyĭ ruuva: “ĩTajura jiryentya rañiy, taju? Jiryituyadamu yitay. <sup>19</sup>Jiryadityanu rarya criquidyĭ, ratatyĭ vuryamurichenuracu.” Riryeda jĭta

variý sajura criquidyē. <sup>20</sup>Suteda jita Jesús variý ruuva: “¿Chira sanicha criquityasa jantyasi day, chi? surō nuchara jarye, ¿tara ranicha daryamu-sidyē, tara?” <sup>21</sup>Rumutyajada jitani: “Jamu nutyityu Sésar jantyasi.” Suteda jadchii ruuvantiy: “Ramunītiy jiryamurichenu variñi Sésar jiryatiy sabarya darya, jiryamurichenuni Judentiyy jiryatiy sabaryantidyerya.” <sup>22</sup>Rityuvachodanumatirya saniquejada, rityittada variñi. Rityocheda jita variñi Jesús, riyada variý jadchii.

**Saadusévuvedabay jtajadodani Jesús diibymisiy misadedanchii**  
(Márcu 12.18-27; Dúcasii 20.27-40)

<sup>23-24</sup>Ruuttijada Saadusévuvedabay variryundamu simuntiy. Ne ridetarunñuyada rimyisa diibymiñuday. Ruuttajadoda jita variñi: “Datyanu, suteda jita Muyusésibe: Tiqui nijyamītiy radiiy dejsa, sataryinuma rajamuy variñi savatura machōnu, satidyē detuchu jityeryibay jiyadajuni. <sup>25</sup>Rivyichanuyada jita danujunijyate nuñi taryiveda nuquebyimu. Sajamuyada jita rimyunatyi vaturajsa, sadiiyada jita mitya dejsa sisasiy, samachō vatura variý sanijyu vichijyu. <sup>26</sup>Daryaday savichada sanijyu vichintiy, nunuma rañi jamuntyiñi, nuñi taryiveda, tamityi sraju, pattaryitye. <sup>27</sup>Tamitanuma jita sadiiyada vaturantidyē, puutyitye. <sup>28</sup>Daryamusi, riryanutatiy misa jidyijjomusintiy, mijurate samachō vatura variy, tapi riñi jamuyada títajumusini vatura.” <sup>29</sup>Sumutyajada jita Jesús variry: “Jiryecyaramya jijehipiyajadamu, jiryedyetyatya daryajura Judenti niquejada, ne vinu sadatyada jarye. <sup>30</sup>Tapitya riryatiy misasumiyy nijyanvay jidyijjomusi, ne riryajamucharayu, dantyamuy ne riryajamutyancharyu,

jiryatiy riryechasara daryaju nutyu Judenti jpayav daryá, jiryatiy jarichumu vicharyi. <sup>31-32</sup>Ranchiiy jita jiryatiy rimyisasara jidyijjomusi, nutyi jiryēñi niquema catera nucharamuntirya, jiryatiy suteda Judenti jiryivara:

Rañuma rañicha Avuráby Judenti, Isácubay Judenti jarye, Jacóbubay Judenti jaryentiy.

¿Va diibymiyy riñichacay? iJnuvventya riñicha jasiidyē! Niñita diibymiyy Judenti day, nutyi niñi jita sanicha jnuvye Judenti.” <sup>33</sup>Rityuvachodanumatiiy nijyanvarya saniquejada, rityittada varirya sadatyadoda.

**Miryara vichasara jaryinra Judenti datyadoda, mirya**  
(Márcu 12.28-34; Dúcasii 10.25-28)

<sup>34</sup>Rityuvachodanumatiiy Varyisévuvedabarya jiryatiy sandasadede Jesús riy Saadusévuvedabay, riinteryadeda jita variý simuyu. <sup>35-36</sup>Tiqui rityenu jiryatiy niquejada datyini, sani jtajadoda jita jantyadaju variñi Jesús: “Datyanu, ¿miryara vichasara jaryinra Judenti datyadoda títaju suteda cabyimu, mirya?” <sup>37</sup>Sumutyajada jita jasiñi: “Vuryama vatasara títaju vujechityani Vuntyityu Judenti, títaju vuryintuta jarye, títaju vujechipiyajadata jarye risaju. <sup>38</sup>Rani jita jaryinra datyadoda jiryatiy munatyara. <sup>39</sup>Darajuyyu datyadoda jita nutyu ratiy daryantiy: Vuryama vatasarani vutyuunu vichintidyē, nutyu vuvyatasaratiy daryantidyevuy. <sup>40</sup>Jirya darajuy datyadamusiyy rundayada títaju suteda Judenti, jiryatiy suteda Muyusésibemysirya, jiyu tuchuvabe jtomusiyy jarye risaju.”

**¿Chidenu sanicha Judenti jaryeti, chidenu?**

(Márcu 12.35-37; Dúcasii 20.41-44)

<sup>41-42</sup>Riinteryadedadamu, sitajadoda Jesús Varyisévuvedayu: “¿Nutyura

jiryejechipiya sanchiy Jüdenü jaryeti, nutyura? ¿Chí denu sanícha, chí denu?” Rüteda jíta siva: “Davyíbe jasí.”

<sup>43-44</sup>Süteda jíta variy ruuva:

“Nutyuramusiy variy süteda Davyíbe, Jüdenü Jnutumusiy siva: iNutyityu! Süteda daryaju:

Süteda jíta Jüdenü siva rayntyityu:  
Yamasa rayntyityudamyuju,  
jasicharajutyi ravuunutaniriyi  
jimiytasimiyi.

<sup>45</sup>Jiryatyi Davyíbeñuma jíta jtay jintyityuntidyeni, ñnutyichiy sácha variy sasí, nutyichiy?” <sup>46</sup>Ne vanay tí jmutyajada variy tarani, dantyamuy ne ruutajanuruyada tara junay jadchiñunñi.

**Jesús tuchutadaryi Varyisévuedabay,  
Jüdenü niquejada datyanuvabe ruusaju**  
(Márcu 12.38-40; Dúcasíy 11.37-54;  
20.45-47)

**23** <sup>1-2</sup>Jadchiy jíta saniquejada Jesús ruuva nijyanvajuubay, sisá datyavavyedabavya jarye: “Riñi maçhoma Jüdenü niquejada datyanuvay, Varyisévueda jarye ruusaju Muyusésibe jubivaju, jiryatyi ridyeyanúsarara Jüdenü jteda jiryatyi Muyusésibemyu-siryá. <sup>3</sup>Ramuni, títaju jiryatyi rityuchu jiryiva jiryaivaajeyasarara, dantyamuy ne jiryaivaachara daryatyi riñi jvaachara, tapitya riñi jvaaryuy daryatyi rityuchusara. <sup>4</sup>Riñi puchusara ntara tiityasara nijyanvaju rajuura rütedata, jiryatimuy ne rityiitaruy, rintya jítamuy ne jatyoruy ne vinu jijyomutu janata rani, jiryatimuy ne vinu riy jvaaryurya daryatyi riñi jvaatyaniryuy nijyanvarya. <sup>5</sup>Ruuvaacharara yivaayada vinu riryatidye diy nijyanvay riva, nutyu ruuvaachara jamurasumara rimyosiy, jasityi ribeyadara Jüdenü niquejadatera jimyotasa, richujachoniy jarye. <sup>6</sup>Rücanurya masáda vichtya jamítuunu jivyichiyamu, munatya masajomu

masadantiy, jutyeryaniyomu jarye.

<sup>7</sup>Rücanuntyiryá nijyanvay muchuveda pudásamuntiy, jadchintiyi jiryatyi rutachara nijyanvay ruuva: Datyanu.

<sup>8</sup>Jirye jíta, ne jiryajtatanichara Datyanuyu, tapitya tíquide sanícha jiryedyeyanu. Jiryevyichasara nuñi taryiveda títaju. <sup>9</sup>Dantyamuy ne jiryajtachara siva mucadincha vichi nijyami, Vujye, tapitya tíquide sanícha Vujye, jiryatyi Jarichumovichini.

<sup>10</sup>Dantyamuy ne jiryajtataniy yiva: Nutyityu, tapi tíquide jiryentyityu, jiryatyi Jüdenü jaryetini. <sup>11</sup>Niday vichasara jaryiñu jiryequebyimuntiy, nitiy racha jiryimutyisiju. <sup>12</sup>Minityi jchanatyayu, sácha jantanichi riva, daryaday minityi jtay jidyetya pasidyevaju, sácha jíta jchanatyasi rivantidye.

<sup>13</sup>iJiii, ranitte jiryejyute, ra, Jüdenü niquejada datyanuvay, Varyisévueda jarye, jiryatyi jiryituyadamu vichavayu! Jiryemyutanúsara daryajura Jarichumovichí nusujyo nijyamijisiiy, tapitya ne jiryeñi jaryuy jirye, dantyamuy ne jiryejeyaniryuryi, jiryatyi riryi jaryuy. <sup>14</sup>iJiii, ranitte jiryejyute, ra, Jüdenü niquejada datyanuvay, Varyisévueda jarye, jiryatyi jiryituyadamu vichavayu! Jiryevyichéçhavañuma dayu, nuñi jiryeñi sovacharara bachenodaveda barya, jadchintiyi jiryituyada jityuchu jamuca sisá Jüdenü. Ramunitiyi, jiryeñi jíta rajmutya jaryirya jijyuuchuveda murichenusáda.

<sup>15</sup>iJiii, ranitte jiryejyute, ra, Jüdenü niquejada datyanuvay, Varyisévueda jarye, jiryatyi jiryituyadamu vichavayu! Jirye ramityeñumaya daryajura jimityo, mucadi jarye, jiryatidye jatachuni tíqui nijyami jichiitarinuju. Sasiitarinumatyi jirye, jiryetyitunu jiidatyomu parutisjuní, savichasara jaryi nicyaravyaju jiryimusiy variy.

<sup>16</sup>iAcuu, tajuñate darya jiryejyu jiyantavay nisipyuryimiyi, taju! Jiryitachara daryaju: Saryityi nique ti Judenunijyu jachipiyajo jtyamu, ne sanique sitenu variy riva; saryityi nique ti oru jtyamu jiryatij Judenunijyu jachipiyajomura, variñi jita sanique sitenu. <sup>17</sup>iNisipyuryimiyi datyisamiy jirye! ¿Miryara jita jaryinra, mirya? ¿Oruviy, varimyata Judenu nijyu jachipiyajo, ratatij jintyasara Judenu nijyura oru? <sup>18</sup>Jiryitacharantij: Saryityi nique ti Judenu nijyu rupajyo jtyamu, ne sanique sitenu variy riva; saryityi nique ti sachara jtyamu, jiryatij Judenu nijyu rupajyonchara, variñi jita saryi jtotanij rivara jiniquejada.

<sup>19</sup>iNisipyuryimiyi jirye! ¿Miryara jita jaryinra, mirya? ¿Sacharaviy, varimyata Judenunijyu rupajyo, ranchatij riryupay Judenunijyura? <sup>20</sup>Ramunijtiy, nitij nique Judenunijyu rupajyo jtyamu, ninij nique ritjyamu, sanique variy ritjamuntij tijaju jiryatij ravicha rancha risaju.

<sup>21</sup>Darya niday, nitij nique Judenu nijyu jachipiyajo jtyamu, sanique ne vinu ritjyamu, sanique variy sitjamuntij nitij vichasara ravimu. <sup>22</sup>Darya niday, nitij nique jarichu jtyamu, sanique ne vinu ritjyamu Judenu masajo, sanique variy sitjamuntij nitij masasara rancha.

<sup>23</sup>iJiii, ranitte jiryejyute, ra, Judenu niquejada datyanuvay, Varyisevueda jarye, jiryatij jiryituyadamu vichavayu! Jiryemyurichenu daryaju Judenu jiyarurayjura rate nutasara, jiryatij jiryejyevyechu jmyichara jaryedojura, dantjamuy ne jiryinuryuyada ranacho Judenu jteda tera day, jiryatij jaryinrara, jiryatij vase vichasada darya, jantyutyada jarye, Judenumu tuvachoda jarye risajura. Jiryama jvaayasiy daryá, dantjamuy ne jiryaparuy riva murichedoda Judenu jiyarurya. <sup>24</sup>iJiyantavay nisipyuryimiyi

jirye! iJirye ramityanirya ja nta canitujisiy, jiryatij jiryebecharara rajuuru jubayada nijyanvayyu, jiryerya-michu nta jita rivasiñi camelluqui nta, jiryatij jirjeparyuy riva jantyutyada, Judenumu tuvachoda jarye risaju!

<sup>25</sup>iJiii, ranitte jiryejyute, ra, Judenu niquejada datyanuvay, Varyisevueda jarye, jiryatij jiryituyadamu vichavayu! Jirye jita rani suutasara rarudivasiy jatusiidey, siidey jarye, jiryevyimu jitar paradoda day, niruyadacanuyadamu vichasada jarye risaju. <sup>26</sup>iVaryisevueda nisipyuryimiyi jirye! Jiryapuy munatya ravimu jatusiidey, siidey jarye, ratidye vichasara puchara rarudivantij.

<sup>27</sup>iJiii, tajuñate darya jiryejyute day, taju, Judenu niquejada datyanuvay, Varyisevueda jarye, jiryatij jiryituyadamu vichavayu! Jiryeñicha daryaju nutyu bapyo muchanusara, riryatidye diy nijyanvay samirya riva. Ravimu jita diiby binda, javityichara jarye. <sup>28</sup>Darya niday jirye, jiryatij jiryeñicha samiy jvadichavay nijyanvay diya, jiryejchimyu jita jivyichasara jiryituyadamu jachipiyavay, nicyaray jachipiyajadatavay jarye risaju.

<sup>29-30</sup>iJiii, ranitte jiryejyute, ra, Judenu niquejada datyanuvay, Varyisevueda jarye, jiryatij jiryituyadamu vichavayu! Jirye jita jvaachara bapyonchara rorichidyera, Judenuju tuchuvabe jachipityasada, jiryidutyasara samintyirya ribepyontij, jiryatij rivyichanuyada vase vichavay daryaju, jiryitachara variy: Vuryityi vichada tariy vumyunatyavabe rundamu, ne vuryi vichadeda vatajuu ruusariy Judenuju tuchuvabe, jiryatij ruveda riy. <sup>31</sup>Ramunijtiy jiryeñi tuchuta jinijyu, jiryatij jiryeñicha ridyedyeñu, rityi juveda riy Judenuju tuchuvabe.

<sup>32</sup>iJiryanauma jtotanirya jiryemyunaty-

vabe jiyasayada day! <sup>33</sup>iCodityevay rapuryamiy! <sup>33</sup>inutyuramusiña jiryaramityara jiidatoyomuju jatyasada, nutyuramusiy? <sup>34</sup>Ramuni ripasara jiryimu riy rajyu tuchuvay, nijyanvay datyavay jarye, Judenu niquejada datyanuvay jarye ruusaju. Jiryajvaryi rityevay, jiryajvay crusityasantiryi; tini jiryamusiyē jutyeryanijyovimuntidyē, jiryajarupantanumaya vichadamusiy, ratarya vichadamuju variryi. <sup>35</sup>Jiryatiy jiryajvaachara daryá, raday juuy jiryiva juveda murichenusada, jiryatiy riryubedara vase vichavay nuda, samiy vichi Abénubay nudamusiy, Sacaryébay nuda saraju, jiryatiy Baraquiyabay denubani, jiryatiy jiryefni jvay raparudamu jnutatyasara rupajyo, Judenu nijyu jachipiyajo jarye. <sup>36</sup>Ritatye sitenu jiryiva: Raday juuy jiryiva murichenusada titaju ruuva jivye jamiryva vichavay.”

**Jesús jnayada rivasiy Jerusari**  
(*Dúcasiy 13.34-35*)

<sup>37</sup>“Jerusari, Jerusari, jiñijyanvay jita jvachara riy Judenuju tuchuvabe, rijechichara ravichuta riy, jiryatiy supasara Judenu riy yinsubiyimiy ruumu. Rajuuraju rañi jutyeryaniryuyada riy ridyedyefnu, nutyu tavaryityoda mutanusara jiñipyata suvcharajisiryi jidyenujuu darya; tiii, riryivyatavara. <sup>38</sup>iTíjyiii, satochimyettey Judenu mityara jiryevyichajo! <sup>39</sup>Ritatye daryaju jiryiva: Ne jiryadiy junay riva rabetyedivasiñuday, netimyu ne jiryajtay didye: iJchanatyasite nitiy jnitye Nutyityu jtyamute!”

**Jesús jteda raparutachara**  
**Judenu nijyu jachipiyajo**  
(*Márcu 13.1-2; Dúcasiy 21.5-6*)

**24** <sup>1</sup>Sasipyateda Jesús variy Judenu nijyu jachipiyajovimusiy. Sayadamu jita, sisa

datyavavyedabay dityadoda variy Judenunijyu jachipiyajo rorivyichayu. <sup>2</sup>Sumutyajada jita Jesús variryi: “¿Jiryinuvidey jiryva titaju day? Ritay sitenu jiryiva: Ne samacho ti ravichu jiryenu ravichunchanuday. Riryajotatimurya roriy variy, pattaryitye titajura.”

**¿Nutyuramusiy vuryadatya rajotanuma mucadi baryijada, nutyuramusiy?**  
(*Márcu 13.3-13; Dúcasiy 21.7-19; 17.22-24*)

<sup>3</sup>Samasadanumatiy Jesús jamu musincha jiryatiy ravichada ritya Odivu, rityuudiyada jita sisa datyavay sasiquita Jesús variy jasiyu, ruteda jita variy siva: “Yatuchu nudiyva: ¿Nutyeryivye racha daryá, jiryatiy yitesiy darya racha, nutyeryivye? ¿Mirya ranicha rajotara day, mirya? ranchityi nuñadatya: Diye niday sajti, ranumaty baryi jiryva mucadi runda risaju.” <sup>4</sup>Sumutyajada jita Jesús variryi: “Jiryinutyatata quivuchodajisiyu. Tapi riryajniy rajuuvey rityamu, riryajtachara variy: Rañi rañicha Judenu jaryeti, riñi rācāretanichara riy rajuu nijyanvay variy riva. Jiryatuvachu ranacho juveda, juveda jaticheyadanacho jarye, jiryinutyatatayu, ne jiryasuvuy ranchiy, tapi daryatya racha sitenu, raviy baryite jiryitay didye. Ranuma richatay juveda tavichadajsa, riryanuma richata tavichada janvay munuñumirya juveda runda. Ranuma vicha jachinu variy, mucu siityeyajada jarye tajijyu titaju risajuntiy. Nutyi raday ranicha jiryva titaju rajotya parutyajayajada. Jadchiy jita riryajuriy nijyanvay jiryē jarupantadamuju, riryajvay variy jiryē. Jiryavichasara javittyuchavay variy titaju nijyanvajyu, ritya jiyadaju. Jadchintiy riryaparuy rajuuvey rachiitarisadiva, riryasay jimyityasi-miyu, riryajavittyuy varintiyu.”

<sup>11</sup>Riryamutisara rajuuvay jiryaty rutuyada yajtay Judenuju tuchuvayu, riryajatachusara Judenu núvasiriy rajuuvay nijyanvay. <sup>12</sup>Jiryaty rajasachusarara nicyaray vichasada varyi, raday sudovachara varyi rivyatada rajuuvay Judenunijyu. <sup>13</sup>Nityi rajachinchara tarijyu rajuyu, sadiiyada saraju, saday ramityasara varyi. <sup>14</sup>Riryatuchunumaya jita titaju mucadivara jirya samituchoda Judenu nusuyadanchiy varyi, riryatidye tuvachu titaju nijyanvay jasirya. Jadchij jita rajti tara baryijada runda.”

#### Parutyada rundanchiy

(Márcu 13.14-23; Dúcasíy 21.20-24)

<sup>15-17</sup>“Jiryantumatiy diy riva javityichara jiryaty rabay mityarorirya raryoriy, jiryaty satuchoda Judenuju tuchu Tañirubay ranchiy, (nityi rajnu y ramu varyi, jidyetyatata taryera), variñi jita rityi vichasara Judéyamu variryundamu, riryi bay varyi jamu musimuyuj; nityi ratuchu sisa jityuunu vichij, dañuma ravicha sabarya jiryorivyimu, ne sajay varyi jiberya juredanacho. <sup>18</sup>Darya niday nityi racha yindimyu, ne sasiityityi jichujay juredanacho jiryorivyimusiy. <sup>19</sup>Tajunate day nityi mudasiy, tajuj, nityi rarupatyaniy variryundamunij jidyenuntiy. <sup>20</sup>Jiryantya vata Judenusaj tuchodamura: ne nijya rundamu racha varyi, dantyamuy jityuyada rundamu. <sup>21</sup>Tapi rarundamu jita racha parutyada runda, vudyiyadatya riva daryacu, jiryaty rajotadamusiy judejadara, diye rundasaraju ne vudyi riva, dantyamuy ne vuryadichara daryiva jadchiñundye. <sup>22</sup>Netimyu ne sajmuchaniy Judenu varirya parutyada runda, ne ti dera

raryi ramitya nijyamij varyi. Jiryaty savata Judenu daryaju daryi jijeryetasavadye, sajmuchaniy varirya parutyada runda.

<sup>23</sup>Saryityi jtay ti variryundamu jiryiva: iJiñutyi jiyunij Judenu jaryeti! varimiyata sajty jiryiva: iMuñumani! ne jiryatuvachu varyi ramu.

<sup>24</sup>Riryamutisara daryaju rutuyada yajtay Cristuyu, rutuyada yajtay Judenuju tuchuvay jarye risajuntiyu. Riñi rajvaañuvi mityamusiy tara nijyanvay diya, riñi jtay yaquivuchu ratariy Judenu jaryetasavay varyi.

<sup>25</sup>Jiryinutyatayuy, rañi tuchumaj rajisij jiryivara. <sup>26</sup>Ramunij, riryityi jtay jiryiva: iMuñumani, tajityomu! ne jiryeyiya rumu. Riryityi jtay jiryiva: iJiñutiñi, rorichiy puryesaravimunij! ne jiryatuvachu varyi ramu. <sup>27</sup>Tapi Nijyamidenu jtijada rachasara nutyu raduyara, jiryaty rajaduya nta jiñi mutijomusiy jarichu suteryasaraju, daryani rachasara. <sup>28</sup>Jasityiñi diibyij, jasiñi jita riryantyeryaniy didapasuyanujuuy.”\*

#### Jesús datyadoda nutyura rachasara

##### Nijyamij denu jtijada, nutyura

(Márcu 13.24-27; Dúcasíy 21.25-28; 17.22-37)

<sup>29</sup>“Varenude parutyada rundavasiy, jiñi ranupocudivay varyi, jarimyunij jarye ne ranuy vanda varyi, jdarichij jarye rajuyuy varyi jarichumusiy, jarichu vanuyada ramuchutyecharantiy.

<sup>30</sup>Jadchij jita ramuti Nijyamidenu dityanuta jarichumu, riryanutay nijyanvajuy, titaju mucadiva vichavay jichuvuyadamu, riryadiy nijyanvay varyi siva Nijyamidenu, jiryaty suniy rapuryeryadinube, jaryi vanuyadata,

\* 24.28 Jasityi rivyichasara nijyanvay jaryi nicyaramyi, rapotiy rivyichasada Judenuju, nutyu rapotiyechara diidabi daryá.

jaryi vandanube jarye risaju. <sup>31</sup>Sajpa jita riy yipavay, natutya jaryi suryata, riryajuryityanumaya tajichiy riy sajarye-tavay, jarichu suteryamusiy, raramiryivasiy titaju.”

**Jiivyíryanu datyadoda**

(Márcu 13.28-31; Dúcasíy 21.29-33)

<sup>32</sup>“Jiryánuma datya jiivyíryanumusiya radatyadoda. Radipuvesumiñumatiy ravi, jiryedyiñumatiy varyi riva, jiryedyetyanuma ranchiy: Ravicharuñuma nijya rundantiy.

<sup>33</sup>Daryaday rāchantiy, jiryānumatiy diy riva jirya titaju daryatiy ratyuchosiy jiryivara, ranchiñiday jiryadatyasiy: Ne ripya nunrya sitijadanuday; jativyenumani. <sup>34</sup>Ritay sitenu jiryiva: Ne riryabaryi jivye vacha vichavay, netimyu ne rajtotaniy titajura jirya titaju didye. <sup>35</sup>Jarichu, mucadi jarye risaju rabaryisara, rañiquejada jitamuy ne ramachosara mitya, rajtotanichara titajuyu.”

**Ne ti datyara nutyeryivye racha parutyada runda, nutyeryivye**  
(Márcu 13.32-37; Dúcasíy 17.26-30; 21.34-36)

<sup>36</sup>“Tara rundamunintiy jiryecha darya, tara rundamu, nutyeryivye nintiy dyetya, nutyeryivye, titya datya. Dantyamuy ne Judenu jipavay datya jarichumu, netimyu ne vinu Sadenu, tapi vinu niday Vujye datya day. <sup>37</sup>Daryani rivychada Nuvébay rundamuntiy, daryaday racha Nijyamidenu judedantiy. <sup>38-39</sup>Tapitya daryani riñi jmyiñuyada, riryatunuyada jarye risaju, jamu nijya parutadajisiy. Rijyamunuyada, rijyamutyaniñuyadantiyu, Nuvévedabay jmusadasaraju cartyequiivimu, ne ridyetyada nijyanvay tara, jasicharajutiy raniyyeyada jita riñiyaresiy, rasoveda

rivyichajomusiy varyi ripyarutedajuyu. Darya niday rāchasara Nijyamidenu judedantiy.

<sup>40</sup>Jadchiy jita danujuy vanujuy racha yindimyu, tiqui jita racha jarachi, sisa vichi jita racha tochichi. <sup>41</sup>Nanacha danujuy vaturujuy, tununuvimu tanunujuy, tanuqui jita racha puchichanuy, nadisa vichanuy jita racha tochichanudye. <sup>42</sup>Ramunitiy jiryantya jnuty samiyu, jiryedyetyaviy yinuy nutyeryivye sajniy Vuntyityu, nutyeryivye. <sup>43</sup>Jiryama datya jitarā jirya: Saryityi datyada roriyami nutyeryivye sajti paranuni nupora, nutyeryivye, saryi machojada jnuty paranunijiju, ne saryi jatyadeda jiryorivyimu variñi. <sup>44</sup>Ramunitiy jiryē jarye ramacho jnutyavay, tapi varityimyu ne jiryanutuy sajiju Nijyamidenu, mityamusiy sajtisara varyi jiryibiva.”

**Jesús datyadoda muchechiy siityeranchiy, sasiitejedadasanchiy jarye**  
(Dúcasíy 12.41-48)

<sup>45</sup>“¿Miranate muchechiy siityera, mi? datyara jarye risajuni, jiryatiy sabay patru jiryoriy jnutyisijuni, satidye sachara riyarurya jmyichara jiryenu muchechimiyu. <sup>46</sup>Jchanatyasi jita jiñu muchechiy, nitiy sasaryenuvi sapatru yivaayadamu. <sup>47</sup>Ritay sitenu jiryiva: Saday bay jiberya jnutyijuni, satidye jnutyajaya titaju jasirya. <sup>48-50</sup>Saryityi jachipiyajada jiñu nicyaray muchechiy jivyimu: Saricheñuma rapyatra, saryijyotada jita musiyeyada variryi jiryenu muchechimiyi, saryi jmyi, saryi jatu ruusa niyubymintiy, sajti jita sapatru varityimyu ne sanutuy sajiju, jiryatimyu ne sadatya sajti daryaju. <sup>51</sup>Satanuvunuvuvi sapatru varyi ruusajuyu jiryatiy rutay yituyadamu muchechimiyi ntayu. Jasidye jita



riryajnavya nijyanvay variy, riryasuy jita jiyajadajchantiy.”

Jesús tuchoda vuyajuy vaturavedanchiy

**25** <sup>14</sup>Jadchiy jita Jarichumuvichi nusuyada rañicha nutyu vuyajuy vatuy, jiryatiy riyada nonosiityavay sidchoju vadi jamuñu. <sup>2</sup>Tadajyo rityevay vichada datyisamiy, darya tadajyo datyavay varintiy. <sup>3</sup>Rityi vichada datyisamiy ne rutoda yimura nonoja taratya riryajuchiy rubivaju jiñonosiiyimu variy. <sup>4</sup>Vatuy datyavay jita jtoda putiyavuvimura nonoja yimu, jiñonosiijusaju. <sup>5</sup>Saricheyadanumatiy vadi jamuñu, rimeryuyadamu jimeñuyada vatuy. <sup>6</sup>Nuporatasa jita ti niquejasubeda: iJativyenumani vadi jamuñu! iJiryayuma jiya sidchoju! <sup>7</sup>Jadchiy jita riñubesubeda vatuy titaju, rudutyada varirya jiñonosiiy sajiju. <sup>8</sup>Vatuy datyisamiy jita jtoda ruuva vatuy datyavay: Jiryasay jiñonojate nuy, jiryatiy rabaryiruñuma nuñonoja day. <sup>9</sup>Vatuy datyavay jita jmutyajada variriy: Tama ne rasara ntate vujyu titaju darya, tama, jiryayuma jiya taryuvye, nonoja taryutyavamyu. <sup>10</sup>Riyadanumatiy taryuvye, sudeda jita vadi jamuñu. Rityi vichasara vatuy jdutyasavay, riñi jayada variy sisa jamuyada vichtyamu. Samutadoda jita varirya rorijyu. <sup>11</sup>Rivasiy jita rudeda vatuy datyisamintiy, riñiquejada: iNutyityu, Nutyityu, yamutta nuñajisiy! <sup>12</sup>Nini jita jmutyajada riy: Ritay sitenu jiryiva: Ne radyetya jiryey. <sup>13</sup>Ramunitiy jiryentya jnutyaya samiuy, jiryedyetyaviy yinuy tara rundamu sajiniy, tara rundamu, dantyamyuy ne tara joramuy.”

**Jesús tuchoda Jüdenü murichenutadedanchiy**  
(Dúcasiy 19.11-27)

<sup>14</sup>Jüdenü nusuyada jita racha daryaju nutyu vanu jiryatiy sayaruyada

rupiñu. Sanatuyada jita yimuju riy jimyuchechimiyi, sabayada jitarajiberya ruumu runutyajaju. <sup>15</sup>Tiqui sasayada tadajyo pacha varanca sonu, tintiy sasayada darajuy pacha varanca, nuntiy taraqui pacha varanca, nuñi tiquimusiy rumutyajada jidyetyada jvaayada saraju. Sayada jita vanu variy. <sup>16</sup>Muchechiy jita, jiryatiy sumutyajada tadajyo pacha varanca sonu, niday jiyada varicharaju juvaañu rata, sacanayada jita tadajyo pacha varanca ranchajuntiy. <sup>17</sup>Daryaday, nitiy jmutyajada darajuy pacha varanca, nini rañi canayada darajuy pacha varanca ranchajuntidyey. <sup>18</sup>Nini jita jiryatiy sumutyajada taraqui pacha varanca, niday jiyada, subeda jita mucadinube, sadutyada jasirya jipyatru criquiy. <sup>19</sup>Tariñiday, tariñiday, sataryajada patru satidyey jdutyara ridiyvyi yimu. <sup>20</sup>Sitijadanumatiy muchechiy jiryatiy tadajyo pacha varanca jmutyanuni, sutoda jitarata tadajyo pacha varanca ranchaju, suteda jita jipyatruva: Patru, jicheyada tadajyo pacha varanca sonu ray. Jiryatirya tadajyo pacha varanca racanarya ranchaju. <sup>21</sup>Suteda jita sapatru variy yiva: iRantye ji, samirya muchechiy ritay variy ji! Jiryatiy yitotanicharara yinsuchada pasidyeta, ranusutyaniy rajuura ji. Yanuma jay yintyityu jchanayadamu. <sup>22</sup>Sitijada jitantiy darajuy pacha varanca jmutyanu, suteda siva jipyatru: Patru, jicheyada darajuy pacha varanca criquirye. Jiryatirya darajuy pacha varanca racanarya ranchajuntiy. <sup>23</sup>Suteda jita sapatru variy yiva: iRantye ji, samirya muchechiy ritay variy ji! Jiryatiy yitotanicharara yinsuchada pasidyeta, ranusutyaniy rajuura ji. Yanuma jay yintyityu jchanayadamu. <sup>24</sup>Niday jita jiryatiy taraqui pacha varanca sonu jmutyanuni, rañi jtijadantiy, suteda jita

siva jipyatru: Patru, radyetyama ji, jiryatij jaryi vuryitotanirya ji. Yatosara jitatara tenintimyu ne jiñi nutada tara, jiryichara jitate jiryatimyu ne yirejada tara jasiy. <sup>25</sup>Rachuvuyadamu jita radyutyanuvejadara jicyuriquiy, taraqui pacha varanca, mucadinube. Jiryanuma jiberya. <sup>26</sup>Sumutyajada sapatru variyu: iNicyaray muchechiy piturya! ĺJidyetyada viy ravyichasara jaryi jaryuvurya, jiryatij ratosarara tenintimyu ne raynta tara, rajarye, jiryatij raryichara jadchirya, jasityimyu ne rırejada tara? <sup>27</sup>Ramuni, jiryi bayadara racyuriquiy criquiy jasachuvamyu, raryityi jiryiñuvi rasachusaratayu. <sup>28</sup>Ramuni jiryasovay simusirya taraqui pacha varanca sonu, jiryasay variñi, nıtiy vuyajuy pacha varanca sonuti. <sup>29</sup>Tapi simu jiryatij taratini, sasay Jüdenü variy junantiyiñi, rajuura racha simu varidye. Simusiy jita jiryatimyu ne tarati dañi, sasovay Jüdenü variy simusintiyirya jiryatij simuntidyerya. <sup>30</sup>Suteda jita patru varintiyi: Jiryanuma jatyanı muchechiy rapurya bimuju, nupocudimuju. Jasidye jita riryajnavya nijyanvay variy, riryasuy jita jijyadajchantiy.”

**Jesús datyadoda tamitya Jüdenü murichenutadeda rundanchiy**

<sup>31</sup>“Sanumatij jniy Nijyamıdenü jidyamu ruusa yipavay titaju, variñi jita samasa vanda masajoncha. <sup>32</sup>Sajityeryanitaniriyi titaju mucadi nijyanvajyuu jityuunuju, satidye jiintyanı ti jityevamyusiy, daryanı sajiintyasara jasijnutyi riy yasiveda nicyaramyi ruumusiy samivyentyi. <sup>33</sup>Saday bay variryi samivye yintyiyudamyuju, nicyaramyi jita sabay jimydámyuju day. <sup>34</sup>Variñi jita sajtay jamu nutyityu ruuva: Jiryatij rayntiytyudamyu jiry: Jiryanuma jniy, Rajye

Jüdenü jmutyasavay. Jiryanuma jmutyara nusujyo, jiryatij sudutyada yindejada jotadamusiy jiryeyjura. <sup>35</sup>Ravyichanuyada jachinumu daryaju, jiryepyotyadeda varirye; ravyichanuyadatij jchumuñu, jiryecheyada jatusara varintiyirye; ravyichanuyadatij ne ti datyi, jiryedyiryejada variy yisaju ray. <sup>36</sup>Ravyichanuyadatij sidyavu, jiryejechodara sujay variy riva; ravyichanuyadatij jdıvajni, jiryejejnyada variy rimuntiy; ravyichanuyadatij tanuvunujuvımu, jiryideda variy rimu. <sup>37</sup>Riryajmutya vase vıchavay variñi: Nutyityu, ĺnutyeryivye nudiyiyada jachinumu yiva, nutyeryivye? nupyotyadeda variy ji, varimyata nudiyiyada jchumuñu yiva, nucheyada jatusara varintiyi ji. <sup>38</sup>ĺNutyeryivye nudiyiyada ne nudetyi nta yiva, nutyeryivye? nudiryejada variy ji, varimyata sidyavu, nuñatidye jachura sujay variy yiva. <sup>39</sup>ĺNutyeryivye nudiyiyada jdıvajni yiva, nutyeryivye? varimyata nupocu rorivyımu, nuñatidye jañuy variy yımu. <sup>40</sup>Sajmutya jita jamu nutyityu variryi: Rıtatyey sıtenu jiryiva: Jiryatij jiryevyichadeda daryanı tıquide ratyeryiveda tenu tamityi, jiryevyichadeda darya varintidyerye. <sup>41</sup>Jadchiy jita sajtay variy ruuva jiryatij samidámyu riy: iJiryajiintye ratyuunusiy parutasavay! iJiryajiya jiidamyuju, jiryatij jdutyasara bayantu nutyityujijura, supavayjiju jarye yisaju! <sup>42</sup>Ravyichada jachinumu daryaju, ne jiryepyotyadeda varirye; ravyichanuyada jchumuñu, ne jiryecheyada jatusara varirye. <sup>43</sup>Ravyichanuyada ne ti datyi, ne jiryedyiryejada variy yisaju ray; varityidye ravyichanuyada sidyavu, ne jiryejechuruyada varirya sujay riva;

ravyichanuyadatiy jdivajni, varimyata tanuvunujovimu, ne jiryejeñuyada variy rimu. <sup>44</sup>Jadchiy jita riryajmutya variñi: ðNutyityu, nutyeryivye nudiyiyada jachinumu yiva, nutyeryivye? varimyata jchumuñu, varimyata ne ti datyi, varimyata sidyavu, varimyata jdivajni, varimyata nupocu rorivyimu vichi, jiryatimyu ne nuñimutyada variy ji. <sup>45</sup>Jadchiy jita sajmutyariy: Rítay sítenu jiryiva: Jiryatimyu ne jiryevyichadeda daryani tiquide rityenu jivye, dantyamyu ne jiryevyichaniy darya ray. <sup>46</sup>Riryeyasara variy junareju tanuvunusavajyu. Vase vichavay jita rajay junareju jnyadamuju day.”

**Judíyurveda tuchudoda Jesús juredajuyu**

(Márcu 14.1-2; Dúcasíy 22.1-2;

Juán 11.45-53)

**26** <sup>1-2</sup>Sacasiyadanumatiy Jesúsra jirya datyadoda titaju, suteda jita ruuva yisa datyavavyedabay:

“Jiryedyetyisatya rajti Páscu vichtya runda darundajumyusiy, variñi jita riryasani Nijyamidenu tavamyu, riryatidye jvay crusityasa variñi.”

<sup>3</sup>Jadchiy jita riintyeryadeda caserdó tevyeda nutyityumibe ruusa nijyanvay rimyityumibeyu. Rivyichada caserdóte jamu nutyityu roriquisumavimu, jiryatiy ravichada sitya Cayivásu.

<sup>4</sup>Riñiquetasadedayu: “¿Nutyuramusiy vuryajuriy nijyanvay niyaresni Jesús, nutyuramusiy? vuryatidye jvay variñi.

<sup>5</sup>Ne vanay nta vichtya rundamu day, riñuma siryi nijyanvay variy sayadaju.”

**Vatura rubedara vurudija siva Jesús**

(Márcu 14.3-9; Juán 12.1-8)

<sup>6-7</sup>Savichadanumatiy Jesús Betániamu, Siimyó vatajonnibay rorivyimu, sudeda jita tiqui vatura simu, sititada jitaru vurudija tavuqui, adabástru ravichuteravudera, jaryi murichetara.

Sarumiyeyada variy sunova Jesúsra, jiryatiy jmyijyomu satayada variy.

<sup>8</sup>Ridiyadanumatiy sisa datyavay riva, riñiqueyada variy ranchiy: “¿Tarajura jirya pachityada, taraju? <sup>9</sup>Saryi taryutya jamura murichiryara, satidye sayasiy variy jantyuyanira ramurichirya.”

<sup>10</sup>Sadatyadanumatiy Jesúsra rivyichadeda, suteda jita ruuva: “¿Tajura jiryarupanta rivaní vatura, tajú? Savichadesiy daryaju samirya darye.

<sup>11</sup>Riryaday vichasara jantyuyadavay jiryisa, ray jitamuy ne racha junareju jiryisanundy.

<sup>12</sup>Jiryatiy sarumiyeyasirya jirya vurudija riva, sivaayasíy rimuchusadajijura. <sup>13</sup>Rítatye sítenu jiryiva: Tavichadamu jasityi riryatuchusarara samituchoda titaju vichadiva, riryatuchu jitantirya jiryatiy sivaayasíy vaturantirya; ranchiñuma riryajachipityasara nijyanvay variy rivaní.”

**Judásibe mityasiyadani Jesús**

(Márcu 14.10-11; Dúcasíy 22.3-6)

<sup>14</sup>Jadchiy jita Judásiy Iscaryótibe, jiryatiy savichada vuyajuy Jesúsjsa datyavavyedabay tenu, danujuy rinchaju, rañi jiyada caserdótevyeda nutyityumibemyu. <sup>15</sup>Suteda jita variy ruuva: “¿Tara jiryasarye, tara? ratidye say Jesús jirye.” Rimurichedoda jita mumuri vuyajudye pupaday criquitya variñi. <sup>16</sup>Jadchidye jita sajachipiyajada Judásibe: “¿Nutyichitya racheyadate samiryamunicu, nutyichiy?”

**Jesús jbyedara tamitya jidye jmyisara vatajuu yisa datyavatya**

(Márcu 14.12-21; Dúcasíy 22.7-14;

Juán 13.21-30)

<sup>17</sup>Pa suró vichtya runda jotadamu, rityuudiyada jita sisa datyavavyedabay Jesúsyu: “¿Tera jivyata nuñajdutyara jmyichara jibyedaju, te? Páscu vichtya

rundamu jmyisaraju.” <sup>18</sup>Suteda jita ruuva: “Jiryānuma jiya jamu vichadamu simu tiqui niyjami, jiryajtay variy siva: Sutesiy Datyanu: Ritomā raryunda; nuñajvaarya Pásco vichtya risa datyavatya jiryorimyu.” <sup>19</sup>Ruuvaayada jita sisa datyavay daryatiy sadatyadoda riy, rudutyada jitarā Pásco rundamu jmyisara variy jasiy.

<sup>20</sup>Jidyenumatiy ravichada, satayada jita jmyiyomu yisa datyavavyedabatyā.

<sup>21</sup>Riibyedamu jita, saniquejada Jesús: “Ritay sitenu jiryiva: Tiqui jiryetyenu rasay ramyiyasimiyimu ray.”

<sup>22</sup>Riyiveda jita variy ranchiy, rijyotada jtajadoda variy nuñi tiquimusiñi Jesús: “¿Ray vidye, Nutyityu?” <sup>23</sup>Nini jita jmutyajada variry: “Nitiy parodesiy jiyjomutara pa tapaquivimu vatajuu risa, nini rasay ramyiyasimiyimu ray.

<sup>24</sup>Sajyasara jita Niyjamidenu jiyusiy, daryatiy riñuyada sanchiy. ¡Acuu, tajunate darya, tajū, china sayasitye ni Niyjamidenute day, chí! Sajuni jita raryicha samirya netimyu ne sarupeda day.” <sup>25</sup>Judásibe jita, nitiy sayadani, suteda variy siva: “¿Ravyidye, Datyanu?” Sumutyajada jitani: “Yitesimya day.”

**Sadatyadoda Jesús riy: “Pa ravyu, binuja jita rayndajaday”**

(Márcu 14.22-26; Dúcasíy 22.14-20; Munatyā Coríntyu 11.23-26)

<sup>26</sup>Riibyedanutimatiy variy, saryeda jita Jesúsra pa, sīchanatyadanumatiñi Jūdenū ranchiy, sapatada jita ratasa pa, sasayada variy yisa datyavavyedabarya. Suteda jita ruuva: “Jiryānuma juriy, jiryānuma jmyirya; jiryatirya ravyu day.” <sup>27-28</sup>Sapuyada jita varirya jatuvu, sīchanatyadanumatiñi Jūdenū ranchiy, sasayada jita variry, suteda variy ruuva: “Jiryānuma jatura ratera titajumusi, tapi jiryatirya rayndaja, ratatiy

ritotanirya ritēda, nijyanvay jantyutyadaju, jiryatiy rumichara nijyanvayjuu jiyadaju darya, ratidye ramityaniy ruuvasirya jiyuuchuvea. <sup>29</sup>Ritay jita jiryiva: Ne rajatu junañudarya nurijjusijyanuday, rarundasaraju varityi rajatu darya vadija jiryisa rajye nusuujyomu day.”

**Jesús jteda siva Pyítrubay:**

**“Yarayasiy rayadaju”**

(Márcu 14.27-31; Dúcasíy 22.31-34; Juán 13.36-38)

<sup>30</sup>Rimuyrrayadanumatiy Jūdenū nijyu, richipyateda jita variy jadchiy Odivu musiqui nachoju. <sup>31</sup>Jadchiy jita Jesús jteda variy ruuva: “Jiryeñi rasabuyate raynchiy diye nupora, nuchara Jūdenū niquejadamu daryajura:

Rajvañi jasijnutyi, riyajurachara jasiveda variy sivasiyu.

<sup>32</sup>Ranutimatiy misasumiy radyijjomusiy, raday jiyanta jirye Cadidéyamuju.”

<sup>33</sup>Sumutyajada jita Pyítrubay variñi: “Dañuma riñi sabuy titaju jiinchiy, tama rachaburyucharate radye, tama.”

<sup>34</sup>Suteda jita Jesús variy siva: “Ritay sitenu yiva: Diye nupora, netimyu ne sasuy tavaryi didye, yarayasiy mumuriju rayada.” <sup>35</sup>Suteda jita Pyítrubay variy siva: “Dañuma riryajvay yisaju ray, dantyamuy ne rarayasiy variy jiyada.” Daryaday ruteda sisa datyavavyedabay titajuntiy.

**Jesús tuchoda Jūdenusa Jetsemanímu**

(Márcu 14.32-42; Dúcasíy 22.39-46)

<sup>36</sup>Jadchiy jita riyada Jesúsveda vichajomu, ravichada ritya Jetsemani. Suteda jita Jesús ruuva yisa datyavavyedabay variy: “Jiyuni jiryamasajadyi munatyā, ratuchujadyi munatyā sisa Rajye muy.” <sup>37</sup>Sarayadanumatiy yisani Pyítrubay, Sebedévubay denujube jarye

sisajū, sani jotāda Jesús yivatyadayu, saparūtyāda variy risajūyu. <sup>38</sup>Sūteda jīta variy ruuva: “Saparūtyanuma rīntu rimuyu, radyiīyadajijū. Jiyunī jiryamācho nūtyavay munatya rājijū.” <sup>39</sup>Sayāda jīta Jesús nūjipyudejū variy, supatyeñuvejada jimyōta, satūchoda jīta sīsā Jūdenū jasiy: “Yeye, vanātyi raramityaniy rivara jīrya parūtyasāda jatūsiy, yaramityanirya. Dañumamūy ne yechaniy darya, daryatiy ravyaṭa yivara, daryanī jīta yechanidyerye, daryatiy jivyāta dacyū.”

<sup>40</sup>Satāryajada jīta Jesús variy rumusiy, sadiñuvijada jīta ruuva yīsā datyavavyedabay māvyē. Sūteda jīta variy siva Pyītrubay: “¿Daryanī ne vanāy yinūtyasītye taraquidejute rajijutējūú? <sup>41</sup>Jiryajnutyasīy, jiryatūchu sīsā Jūdenū, jiryatīdye ramijeryī sūmūtyādata jiryimu jantyasādamu, tapi vūjēchīy rañīcha vanīra, vūvyū jīta ne.”

<sup>42</sup>Junāntiy, darajūjyū sayādantiy, satūchoda jīta sīsā Jūdenūntiy: “Yeye, netimūy ne vanāy raramityaniy jatūsiy rivara jīrya parūtyāda, netimūy ne raryi jatura, yechaniy darya ray, daryatiy jivyichaniryurye.” <sup>43</sup>Sajatyīyada jīta taryāda rumusintiy, sadiñuvijada jīta ruuva māvyentyi, jaryi rasūjeyada riñīsīje daryajūyu, ramunītimūy ne rūnūryūyada variy. <sup>44</sup>Ramunītiy satocheda varintyiryi, satūchunuvejada jīta sīsā Jūdenū mumurijū, daryaday satūchodantiy, nūtyu satūchoda munatyantiy. <sup>45</sup>Jadchīy jīta satāryāda yīsā datyavavyedabamyujūntiy, sūtañuvijada variy ruuva: “Jasintyate jiryemejeyasarate jasiy. ¿Ne jiryējītumyūtye didyējūú? Ratuudimya jītara rarunda, sachīnumanī Nijyamīdenū juuchata-vamyū. <sup>46</sup>Jiryānubesumiy, vañūnuma. Jiryajūnyū, jativyenumanī nītiy rāsarye.”

### Ruredanī Jesús

(Márcu 14.43-50; Dúcasīy 22.47-53; Juán 18.1-12)

<sup>47</sup>Jesús niquejadamu jīta sitījada Judásibe, sīsā datyavavyedabay tenu. Sīsānī jīta rūdeda nijyanvajuubay jichityityatavay, jumūtyavay jarye. Rūdeda jīta caserdótevyeda nutyityūmibe jpāvay, nijyanvay rimyityūmibemyusiy jarye ruusajū. <sup>48</sup>Nītiy sayada variñī Jesús, satūchoda jītyajū ruuva yīsā vichavabe: “Nītiy ramūchuvay siiñūvayadamusiy, nīnī sachāsīy, jiryajuresiy jītani.” <sup>49</sup>Sūdeda jīta Judásibe vase simu Jesús variy, saniquejada jīta: “¿Jiviyi, Datyanū?” Sasiñūvayajada jīta samāyaniy variy jasiy. <sup>50</sup>Sūteda jīta Jesús variy siva Judásibe: “Jaamyicyū, ¿ranācho jivyicha jiyū?” Variñī jīta riñī jurīñuvijada nijyanvañī Jesús. <sup>51</sup>Mityamusiy, tīqui Jesúsveda tenubay ratyādara jījyomutu, sasityāda jīta varīrya jichityitya, savatajōdoda jīta variñī caserdótevyeda jamu nutyityūbay muhechibe, jiryatiy sarāchādara satuvay. <sup>52</sup>Jadchīy jīta sūteda Jesús sivantiy: “Yābarya jichityitya ravichajomuntiy, tapi minītyi jvay jichityityata, daryaday sābatye riva jichityityatantīdye. <sup>53</sup>¿Jijechīpiya dyetya ne vanāy rajechīñūy siva Rajye, saryi jpā varīdye rimujū riy yipāvay, taraqui pacha varānca jiyadajū satuunu vichavay? <sup>54</sup>¿Nūtyuramusiy variy rajtōtanichara Jūdenū niquejada, nūtyuramusiy? jiryatiy sūteda daryanī rañīcha day.” <sup>55</sup>Jadchīy jīta sitajādoda Jesús riy nijyanvajuubantiy: “¿Nūtyichīy jiryemyasiñūy rayarojū jichityityata, nūtyichīy? jumūtya jarye jiryatīdye jurīrye, nūtyu paranūnī nta rañīcha variy jiryējū. Ramyasajayanūyada datyanū tītaju

rundamu Jüdenu nijyu jachipiyajovimu, tama jiryireda variy jasirye, tama.

<sup>56</sup>Ravichama jirya títaju, ratidye jtotanirya Jüdenu niqejada jiryatiy rityuchoda sajü tuchuvaberya.” Jadchiy jíta ribeyeyada sisá datyavavyedabantyí, rityocheda jíta sasiquitade variyu.

**Ripyucheda nutyityumiy  
rimyityumibemyujuní Jesús**

(Márcu 14.53-65; Dúcasíy 22.54-55, 63-71;  
Juán 18.13-14, 19-24)

<sup>57</sup>Jadchiy jíta rityi juredaní Jesús, ruutótada Cayivásubamyuní, jiryatiy caserdótevyeda jamu nutyityubay dañí. Riñí jutyeryadeda Jüdenu niqejada datyanuvabe jasiyu, nijyanvay rimyityumibe jarye ruusaju. <sup>58</sup>Pyítrubay jíta siityarijada ripyasiñí Jesús, caserdótevyeda jamu nutyityubay roriqui vatapadasaraju. Samasanuvejada jíta jasiy ruusá jiivusetavabe, satidye diy jadchiy riva, tesarajura rabaryí, tesaraju, jiryatiy riryavichaniñí Jesús.

<sup>59</sup>Caserdótevyeda nutyityumibe jíta vichada jutyeryanivye ruusá nijyanvay rimyityumibe, tuchujomu. Riñí vatada nijyanvañecho, riryatidye tuchuta jiquivuyadamu sanijyu Jesús, rivatiy riryajvatyaniñí. <sup>60-61</sup>Riryí saryevara darya tuchutáda sanijyu, dañuma riñí mutíjada rajuu tuchutavabe quivuyve. Pariche nanumutíjada danujuy, nanutuchoda jíta: “Jiñu vanu jteda: Raryí javatyara Jüdenu nijyu jachipiyajo, ratidye jatyi roríiyada mumurundamimiyusintyirya.”

<sup>62</sup>Saradeda jíta caserdótevyeda jamu nutyityubay variy jasiy, suteda jíta siva Jesús: “¿Ne yimutyaruy tara dajyuú? ¿Nutyura yitay ranchiy nanutuchutáda jiñijyu, nutyura?” <sup>63</sup>Jesús jíta machojada mitya vajerya variy jasiy. Suteda jíta caserdótevyeda jamu nutyityubay variy siva: “Ríratye yiva

Jüdenu jtyamu, yatuchu nudyiva: ¿Jiñíta Jüdenu jaryeti, sítenu sadenu?”

<sup>64</sup>Suteda jíta Jesús variy siva: “Yitamya daryadarye. Dañuma rítay jiryiva: Diyemusi jíta jiryánuma diy siva Nijyamídenu masí santiyityudamyuju nítíy Jaryí Vanurya. Jiryaday jnyy sanumatiy jnyy rapuryeryadinube jarichumusi.” <sup>65</sup>Jadchiy jíta sarotyada caserdótevyeda jamu nutyityubarya jichujay, iroooy! suteda jíta variy: “¿Savityiyemyani Jüdenu! ¿Tarajura vuryivyata junañunryi vijyomu tuchuvañuday, taraju? Jiryetyuvachuma diyera savityiyeyada Jüdenu nijyu. <sup>66</sup>¿Nutyura jiryítay jirye, nutyura?” Rumutyajada jíta variñí: “Dañuma riryamunu yivedatani.”

<sup>67-68</sup>Rityochiyeyada jíta variy samova day, ruvatyiyada jasintyíñí. Tíñí jvatyiyada samayaniy jiyjomututa day, ruteda variy siva: “Yatuchu Jüdenu datyadamusi nudyiva, Jüdenu jaryeti: ¿Chira juvesiy jiñíy, chí?”

**Pyítrubay rayada sayada Jesús**

(Márcu 14.66-72; Dúcasíy 22.56-62;  
Juán 18.15-18, 25-27)

<sup>69</sup>Pyítrubay jíta masáda bimu, vatapadamu. Suteda jíta muchechityubay simu, saniquetáda variñí: “Jiñíta vichasíy sisá Jesús Cadidéya jamí.” <sup>70</sup>Sarayada jíta Pyítrubay variy sayada, ridiyadajache títaju: “Ne radyetya tara jiñique riva, tara.” <sup>71</sup>Sasipyatedanumatiy Pyítrubay variy roríy jajyonachojú, nanudiyada tanuy muchechityodabay variy sivantiy, nanítada jíta variy ruuva jasiy vichavay: “¿Iníñiday vichasara sisá Jesús Nasaryémusi!” <sup>72</sup>Sajatyiyada rayada Pyítrubay variy sayada Jüdenu jtyamu: “¿Ne radyetyani jiñu nijyamí!” <sup>73</sup>Varidyeday rutañuvíjada jasiy vichavabe siva Pyítrubantiy: “Sítenu

jijerye rañicha rityenu, jiryatij jiñique jítara Cadidéya jamí niquejada day.”  
<sup>74</sup>Jadchij jíta sajotada jteda: “iTamá ray rañicha, tama! Ratyi racha, Jüdenu raryichaniy tara varirye. iNe radyetya dañi jiñu nijyamí day!” Varidyé day sasuyada tavaryi. <sup>75</sup>Sajachipityada jíta Pyítrubay varirya Jesús niquejadantiy: “Netimyu ne sasuy tavaryi didye, yarayasiy variy mumurijü rayada.” Sasipyateda jíta Pyítrubay variy, sunayada jivyara jachipiyajadamu variy.

**Ripyucheda japu Pyidátubamyujuní Jesús**  
*(Márcu 15.1; Dúcasij 23.1-2; Juán 18.28-32)*

**27** <sup>1</sup>Rasachadanumatij rityuchudoda caserdótevyeda nutyityumibe, nijyanvay rimyityumibe, Jüdenu niquejada datyanuvabe jarye yisajuyu, riryatidye jvatyaniñi Jesús variy. <sup>2</sup>Ripyuchoda jítani, rutoda variñi riryatidye sayasiy japu Pyidátu ni.

**Sasotadeda Judásibeyu**  
*(Jvaachara 1.18-19)*

<sup>3</sup>Jadchij jíta sunuyadanumatij Judásibe jiryatij ribemya batyisijuní Jesús, saparutyadamá variy riva taji jachipiyajada dayu. Sataryatadeda jíta varirya criquiy, mumurí vuyajüdye pupaday, caserdótevyeda nutyityumibemyuju, nijyanvay rimyityumibemyuju jarye. <sup>4</sup>Suteda jíta variy ruuva: “iRajyuuchuvamyate! Rachemyateni tiqui nijyamí mitya. Nutyu tara jiyasayadamu nta racheñi.” Ruteda jíta variy siva: “Ne dañuma nuñecha mitya day. Yamá datya day ji.”  
<sup>5</sup>Sajatyada jíta Judásibe variy Jüdenu rorivyimujura criquiy, itirirjin! sayada jíta variy rivasiy. Sayada jíta jichotanichadanacho, jiryatij sasotadedayu. <sup>6</sup>Caserdótevyeda nutyityumibe jíta jiryeda varirya criquiy

sajatyajomusiy, riñiquejada jíta variy: “Ne vanay vuberya jirya criquiy rumutyajomu, jiryatij nijyamí jnyuada murichirya daryajura.” <sup>7</sup>Rityuchudoda jíta variy: “¿Tara vuryajvaay jirya criquitya, tara?” Rityeryuyada jítara jiimo jvaañu nudiy variy, taji vichavay bapyojiju. <sup>8</sup>Ramunítij rutachara nijyanvay diye sarajura Nudanudiy. <sup>9-10</sup>Daryani jíta ritotadeda Jüdenuju tuchubay niquejadayu, jiryatij saniquejada Jiryimiyabarya:

“Rureda jítara mumurí vuyajüdye criquiy pupaday, nijyamí murichirya, jiryatij ribeyada Irayénueda tevaryá samuricheveda, richeyada variy jiimo jvaañu nudiy taryuyadajura, darya sutesiy Jüdenu riva.”

Ritotadeda varirya Jiryimiyabay tuchoda.

**Jesús vichada japu Pyidátubay tuunu**  
*(Márcu 15.2-5; Dúcasij 23.3-5; Juán 18.33-38)*

<sup>11</sup>Jesús jíta radedá puchusi japubatyuunu. Sitajadoda jíta japubay variñi: “¿Jiñita Judíyurveda jamu nutyityu?” Sumutyajada jíta Jesús jasiñi: “Jityi jtay daryadacyu.” <sup>12</sup>Rityuchutadanumatij caserdótevyeda nutyityumibe, nijyanvay rimyityumibe jarye ruusajuní, ne sumutyajada Jesús variy taranüday, mitya. <sup>13</sup>Jadchij jíta suteda japu Pyidátubay siva: “¿Ne jityuvachura jiryatij rityuchu rajuurá niquejada jiñijyu?” <sup>14</sup>Ne sumutyajada variy tarani, netiy vinu taraqui tuchutadanchiy. Satitáda jíta japubay jaryi variy rivani.

**Pyidátubay sayada crusityasa**  
**jvatyadedajuní Jesús**

*(Márcu 15.6-15; Dúcasij 23.13-25; Juán 18.38-19.16)*

<sup>15</sup>Savichechinuma japu dajidyeyu, nuñi jamu vichyta rundamu,

sumuryasara variñi tiqui jurichi jiryatiy rijechnuñyada nijyanvay varyi sivani.

<sup>16</sup>Savichanuyada varyi jasyi jurichi samiy datyasi, Barába jtyatibay.

<sup>17</sup>Riinteryadedanumatiy nijyanvabeyu, suteda jita Pyidátubay varyi ruuva:

“¿Mira jirveyyata rajmurya yimu, mi?

Barábaviy. ¿Jirveyyata dyetya

rajmuryani Jesús, jiryatiy rutachara

Judenu jaryetini?” <sup>18</sup>Sadatyada jita

Pyidátubay daryaju jiryatiy

rivyichaniryuy caserdótevyeda

nutyityumibe tarani Jesús riva, jiryatiy

samirya ridyirvejada nijyanvani.

<sup>19</sup>Jadchiy jita samasadanumatiy

Pyidátubay cadnadu masajoncha,

nanipajada jita savatururya jiniquejada

yimu: “Ne yajtye sisa jinu nijyami vase

vichara ji, yaniviy vichaniy tara yitani,

ne yinuy samiryaco rameryisasyi vacha

simusiy.”

<sup>20</sup>Caserdótevyeda nutyityumibe jita,

nijyanvay rimyityumibe jarye ruusaju

rañi jatachoda riy nijyanvayyuu,

riryatidye jachiñuy Pyidátubavya

sajmuryani Barábabay ruumu, saparuta-

taniy jita variñi Jesús. <sup>21</sup>Junantyi suteda

japubay ruuva: “¿Mira danujumyusiy

jirveyyata rajmurya yimu, mi?”

Rumutyajada jitani: “iBarába!”

<sup>22</sup>Sitajadoda Pyidátubay variryi:

“¿Nutyuna jiryitay ravichaniñi Jesús,

nutyu? jiryatiy rutachara Judenu

jaryetini.” Rutachadeda varyi siva:

“iSacha batyisi crusityasa!” <sup>23</sup>Suteda

Pyidátubay varyi ruuva: “¿Tarajura?

¿Tara sivaay nicyaray, tara?” Jaryiñuma

richeñeyajada jitate varidye: “iSanuma

batye crusityasa! iSanuma batye

crusityasa!” <sup>24</sup>Sunuyadanumatiy

Pyidátubarya ruuvaayada nijyanvayyuu,

sajachipiyajada varyi: “Tama vanay

jtate rimuryani Jesús day, tama,

nijyanvayyuu jita rañi jotaruyada

jvatyiyada riva.” Sasuutada jita varirya

jijyomutu jaata nijyanvayyuu

diyadajache, suteda jita varyi ruuva:

“Ne rayasayadamu sabatye jinu nijyami day. Jiryanuma jnuchara riva.”

<sup>25</sup>Rumutyasadeda nijyanvayyuu variñi:

“iSabatyeda jiyasayada rachasara

nuñijyu, nudyedyeniñiyu jarye

nudyisaju!” <sup>26</sup>Jadchiy jita sumuryada

Pyidátubay ruusajuni Barábabay.

Samusiyetadedanumatiy variñi Jesús,

sasayada jita varyi crusityasa

batyedajuni.

### Sutarumiy jarupantadani Jesús

(Márcu 15.16-20; Juán 19.2-3)

<sup>27</sup>Jadchiy jita japu sutarumiyvedabay puchedani Jesús japubay roriy

vatapadamuju, riinteryadeda variryi

títaju jityevay Jesús tuunuju.

<sup>28</sup>Richipyatada jita sivasirya jichujay,

rijechoda varyi sivara sujacya vadacu-

dijay rubivaju. <sup>29</sup>Richamuyadanumatiy

cariitujumusiy sanuviiju, ribeyada jita

sunomu varirya. Ribeyadantirya

tanchedu santiyiyuday jomutuvimuntiy

nutyu jamu nutyityu jiivuse nta ranicha

variy. Jadchintiyi

riryadasidyodanumatiy satuunuyu,

riryarupantada jasiñi: “iSajnujeyasara

Judfyuveda jamu nutyityu!”

<sup>30</sup>Rityochiyeyada jita varyi siva,

ruredanumatirya tanchedu sajomusiy,

rvatyada varicharaju sunomura.

<sup>31</sup>Riryarupantamuyadanumatiñi,

rimerchoda jita varyi sivasintyirya

sujacyantiy, rijechoda jita varirya

sasujay yivantiy, riryarayada jadchiñi

riryatidye jvay crusityasa variñi.

### Ruveda crusityasani Jesús

(Márcu 15.21-32; Dúcastiy 23.26-43;

Juán 19.17-27)

<sup>32</sup>Rimyasedanumatiy jadchiy,

richaryejadani nijyami Sirénemusi,

Siimyo jtyatibay. Jinu jita rinchutadeda



saju Jesúsra crusiy.

<sup>33-34</sup>Ruutojadanumatiy vichajomu jiryatiy rutachara Córucotara (jiryatiy rutay Nijyamí Njosiyy Vichajora), runtatyajajada jita jasiy sivara bínu jivyajaa satodaju, jiryatiy nutyi jtijyata jaryenusarara. Santyadanumatirya, saryi jatuvá varirya. <sup>35</sup>Ruvedanumatiy crusityasani, riñantajajada jítara sasujay yiva, jiryatiy ribeñuyada jityiyisadamusiy çanayadajura. <sup>36</sup>Rimyasada jita variy jasiy, riryatidye jnutyá jasiñi. <sup>37</sup>Ribeyada jita suno jiyujura jityuchutasada, tariva ruveda crusityasani, tariva. Ranuchara vichada: “Jiñu jita Jesús, Judíyurveda jamu nutyityu.” <sup>38</sup>Jadchiy jita ruveda crusityasa nada danujuy paranunijuntyi, tíqui santyityudamyuju, nuntiy samidámyuju.

<sup>39-40</sup>Rityi ramiyanuyada satuunu, riñi javityiyeyadani Jesús, rimyichutyajajadara yino yavityiyeyadamuju, ruveda jita variy siva: “Daryamu niday yiteda yajavatyara Judenu roriy, yiteda jítantiy mumurundamimiyusiy ranubesityanintyirya, yanuma jantyuy jiñuberiy yiva. <sup>41-42</sup>Jiityi rañicha Judenu denu, yanuma jmusa variy crusityasasiy.” Darya niday caserdótevyeda nutyityumibe, Judenu niqejada datyanuvabetya, nijyanvay rimyityumibe jarye ruusaju riñi jarupantada yitedamu: “Santyuyada jita tavavya, tama santuyuy yivanticyu, tama. Niñi rañicha Irayénurveda nutyityu, sanumata jmusaniy diye crusityasasiyu, vuryatuvachu variy simu.

<sup>43</sup>Sajachipiyasara saniyyu Judenu. Sama jantyuy Judenu diye siva savatasaratiñi, tapi suteda: Rañi rañicha Judenu denu.”

<sup>44</sup>Daryaday paranunijubentyi, jiryatiy crusityasa jvachijuy vatajuu sisaju nada, rañi javityiyeyada daryani.

### Jesús diiyadanchiy

(Márcu 15.33-41; Dúcasiy 23.44-49; Juán 19.28-30)

<sup>45</sup>Vase jiñitanuma ravichada, riñupuyada jita variy mucadiva titaju, ninutijcha vichitasaraju riñupuyada. <sup>46</sup>Ninutijcha vichita tuunu, saniquejasu-beda jita Jesús: “Elí, Elí, láma sabactáni.” Raní jita jtay: “Rindenu, Rindenu, çtaraju jijjiintyemaya risasiy, taraju?” <sup>47</sup>Tavay vichada satuunu variy, riñi jita tuvachodara saniquejada day, ruveda jita variy: “Jiñu vanu natuyeñi Edíyasíy.” <sup>48</sup>Tíqui jita rityenu siicheda variy, sireda varirya vatsarijuujay, saporodeda binujatara, sabayada jita tanchedujchara, suntatyada variy sivara, satidye riñirya. <sup>49</sup>Satevay jita jteda variy: “Jadyityara, vuryajnujediy savidye jniy Edíyasíy siva jantyuyadaju.” <sup>50</sup>Jesús jita jatyyiyada sañeyajada, sumuryada jita variñi yintu.

<sup>51</sup>Mityamusiy jita rarotyeda Judenu roriyyu mutanujay jache, nāvachiy mucomuju, isiyooo! mucadi jarye santayajada variy, riryuvayada jita ravichuviñusuma risaju. <sup>52</sup>Ramutteda jita bapyo, rimyisasubeda jita rajuuway Judenu siityarivabe, jiryatiy diibyimiyy riñichada bapyovimu. <sup>53</sup>Richipyateda jita bapyovimusiy variy. Jesús misadivasiy, rijeyada jita vichadamu, ridityadoda variy rajuuuy. <sup>54</sup>Sutarumiy nutyityubay jita, sisa jnutyavabetya, runuyadanumatirya mucadi santayajada, titaju jiryatiy ravichada risaju variy, ruñteda jaryi variy ranchiy, ruveda jita: “iSitenuñite Judenu denu sanicha jiñu, sitenu!”

<sup>55</sup>Rivyichada jita rajuuway vatube jasintiy, runuyada ripyapusiy sanachō. Richiityarinuyadani Jesús Cadidéyamusiy jiryatiy rumutyatityiñuyadani.

<sup>56</sup>Rityevay rañichada Mariya

Mardánamusibay, jadchinty da Mariyajuḅentiy, jiryatiy nanuvichada Santiyácujube jnoḁabay, Sebedévubay denujube jnoḁabay jarye risaju nada.

### Jesús jmuchusadanchiy

(Márcu 15.42-47; Dúcasiy 23.50-56;

Juán 19.38-42)

<sup>57</sup>Ravichadanumatiy jidy, sūdeda jita jaryi tarati nijyamī Arimatéyamusī, Jusíy jtyatibay. Nīnī vichanuyada Jesús siityarinuntiy. <sup>58</sup>Sitijada jita Pyidátubamyu, savatada variy sivara Jesús babyi. Supajada jita Pyidátubay variryi: “Jiryasay nira sababyi.” <sup>59</sup>Sutoda jita Jusíbe variry sababyi, sarayada jita samiy sujajuutara. <sup>60</sup>Sajachunuvejada jita jibepovimu variry sababyi, jiryatiy ravichunube jmuchura vadi vudira sabapyo vudi day. Sasiichudoda jitanī jamī ravichū bapyo vudimuju, sayada variy jadchiy. <sup>61</sup>Jasidye jita nanuvichada masanuy Mariya Mardánamusibay, ratarya Mariyajubetya, bapjosará.

### Judíyuedabay jnūtyatadedara Jesús bapyo

<sup>62</sup>Judíyuedabay jdutyada runda bivadeju, riinteryyadeda caserdótevyeda nutyityumibe Varyisévuedabatya Pyidátubamyuyu. <sup>63</sup>Ruteda jita variy siva: “Nūdyivi yimu, Nutyityu, nujechipitya daryajura jiryatiy jnūñtidye sanīchanūtyi jiñu quivuryabay, sani jteda: Mumurundami-myusiy ramīsantiy. <sup>64</sup>Ramunītiy yajpa jnūtyisiju sabapjomu, rurundasaraju, riñuma jiya sisā datyavay paranuvay, sababyi sipyatadanacho, riryi jtay ruuva nijyanvay: Samīsasimya diibyimusiy. Daryamusiy raryicha tamitya quivuchoda, jaryi ramusiy munatya saquivuchoda.” <sup>65</sup>Suteda jita Pyidátubay variy ruuva: “Jasinryi sunūtyavay

sutarumiy, jiryánuma jdutyanuve darya jiryetyi datyara.” <sup>66</sup>Riyada jita variy, rūdutyanuvejada samiy variry bapyo, jiryatiy ribeyada nūchara vatatu saniy ravichū, ribeyada jita variry jnūtyavabe jasintiy.

### Jesús mīsadanchiy

(Márcu 16.1-8; Dúcasiy 24.1-12;

Juán 20.1-10)

**28** <sup>1</sup>Jiituyada rundavasíy, Tumiycyurunda jasacharuryamu, sūdeda jita Mariya Mardánamusibay ratarya Mariyajubetya, nanatidye jnūrya bapyo variy. <sup>2</sup>Mityamusīñiday ravichada mucu sityeyajada jaryi variy, tapitya sumusada Judenu jpanu jarichumusiy, sasiichununuvijadani ravichū bapyo vudijumusiy, samasada jita variy sancha. <sup>3</sup>Sadanuyada jita nūtyu rāduyara nijyanvay diya, sasujay jita vichada jaryi pupajay, vandajay risajura. <sup>4</sup>Richuvuyadamu jita rityutojajada jnūtyavabe variy, rimechojada vadiiryō ruve variy. <sup>5</sup>Suteda jita Judenu jpanu variy nadiva vaturajubentyi: “Ne sanasuvuy, radyetya daryaju sadavata sanacho Jesús, jiryatiy ruvaje crusityasani. <sup>6</sup>Nūtyu sani mīsasimya, tamā tijnay rañicha jiyunūday, tama. Varenunumacu. Sanajnuñvira satiryōjo. <sup>7</sup>Varenuvaju sanatuchunuve ruuva sisā datyavay: Samīsasimya diibyimusiy, nīnī rajiya jiryajisiy Cadidéyamuju. Jasiñuma jiryadiy siva day. Ritamyā sadivara.” <sup>8</sup>Nadayada jita vaniradera bapjomusiy, nanusuvuyadamu, nanīchanayadamu jarye risaju. Nanusiicheda jita variy tuchunuyyū sisā datyavavyedabamyuju day. <sup>9</sup>Mityamusīñiday sasaryejada Jesús nada, samūchueda jita jasiy variñada.

Nanutuudiyada jíta vaturajubeñi, nadireda varirya sanumutu, nanadasidyoda variy sanachojuyu. <sup>10</sup>Jadchiy jíta suteda Jesús nadiva: “Ne sanasuvuy, sananuma tuchu ruuva ratyeryiveda: Jiryeyiya Cadidéyamuju, muñuma riryajnuñuve ray.”

#### Bapyo jnutyavabe tuchoda

<sup>11</sup>Varidye nadayada niyare, rudeda jíta jnutyavay tevabe jamu vichadamu, rityuchunuvejada ruuva caserdótevyeda nutyityumiberya titaju daryatyi ravichada. <sup>12-13</sup>Riintyeryadedanumatyi caserdótevyedabay, nijyanvay rimyityumibetyayu, riñiquettada jíta variyu. Richeyada jíta javiñu criquiriyi sutarumibe, riryatidye jtay: “Rudesiy jíta sisa datyavay nupora, jasiy ripyaradosiy numeyara Jesús babyi.” <sup>14</sup>Ruteda caserdótevyedabay ruuva sutarumibentyi: “Saryityi tuchuta ti japumu jirye, nuñasabonidyeñi japu day, jiryatidye macho jachipiyasamiy riva.” <sup>15</sup>Rumutyajada jíta sutarumiberya criquiy variy, rivyichada jíta daryá, jiryatyi ridyetyadoda caserdótevyeda nutyityumibe

darya riy. Ramutiy raticheyada Judíyurvedamu diyesaraju riñiquejada.

#### Supajada Jesús tuchuvaryi yisa datyavavyedabay

(*Márcu 16.14-18; Dúcasíy 24.36-49; Juán 20.19-23; Jvaachara 1.6-8*)

<sup>16</sup>Vuyajuy sisa datyavavyedabay jíta, tiqui rinchaju, rañi jiyada variy Cadidéyamuju, jamumusimyu, jiryatyi sadityadoda Jesús ranacho jityaju riy. <sup>17</sup>Ridiyadanumatyi siva, riryadasidyoda jíta variy sanachojuyu, tini jachipiyajada day: “¿Sitenuñiviy sanicha?” <sup>18</sup>Satuudiyadanumatyi Jesús riy, saniquejada variy ruuva: “Sasamyá Judenu jarichu nusuyadaju ray, mucadi nusuyadaju jarye titaju. <sup>19</sup>Ramunítiiy jiryarupiñumaya datyanuvay titaju nijyanvamyu, riryatidye vichasiy rachiityarivay. Jiryajityanutaniy variy Judenu jtyamu riy, Sadenu jtyamu jarye, Suntu jtyamu jarye risaju. <sup>20</sup>Jiryadatyanunumaya rirya titaju jiryatyi riteda darya jiryiva. Ne jiryinuy, ray rañicha jiryisa titaju rundamu, ravyichasara jiryisa; ritotadeda rundasaraju rañicha jiryisa.”